

କରକ୍ରିୟା ମଣ୍ଡଳୀରେ ପାଠକଙ୍କ ପ୍ରଥମ ପତ୍ର ମା ମଣ୍ଡଳି ତାଙ୍କେ ପାଠକ୍ତ ପର୍ତ୍ତୁମ୍ ଆକି ପାଦେକ୍

ପର୍ତ୍ତୁମ୍ କରକ୍ରିୟା ଆକି ପକ୍ୟାତି ପାଠକ୍ତ ହୁଦାଂ ଜିସୁ କ୍ରିଷ୍ଟି ଜଲମନି ରିକଡ଼ି ପକ୍ତର ୫୫ ବାର୍ତ୍ତୁ ପାଚେ ଲେକା ଆଜି ମାଚାତ୍ ୧:୧ । ପାଠକ୍ତ ହୁଦାଂ ଲେକା ଆଜି ମାଚି ରିଶ୍ଟି ଆକି ବିତ୍ତେତାଂ ଇଦାଂ ଆନାତା ପର୍ତ୍ତୁମ୍ ଆକି । ହେଞ୍ଜାନ୍ ଆଜି ମାଚାତ୍ ଇ ଆକି ଏପିସିତ ମାନି ଝେଡାଲିଂ ଲେକି କିଜି ମାଚାନ୍ । ମାସିଦନିୟାତାଂ କରକ୍ରିୟା ମାନି ପୁର୍ବେତାଂ ଲେକି କିତାନ୍ନା ୧୭:୫-୯ ।

ପାଠକ୍ ଇ ଆକିତ ମଣ୍ଡଳି ବିତ୍ତେ କୁଦା ବାଗ୍‌ଆନାକା ଆରି କିଞ୍ଜିକାମାୟତ ଆହା ହୁଦାଂ ବାରବିନି ବାନ୍ୟା କାମାୟ ଚାଲା ଆଜି ମାଚି ବିସ୍ତେ ମଣ୍ଡଳିନି କୁଚୁମ୍ତିଂ ତାଙ୍ଗ୍ ଝେନଞ୍ଜି ଉତର୍ ହିନିତ ଦିୟାନ୍ ହିନାନ୍ । କରକ୍ରି ଗାଡ଼୍ କିଞ୍ଜିକାମାୟ ଆହା ବିସ୍ତେ ଜାଣାସୁଣା ମାଚାତ୍ । ଲାଗିଂ ମଣ୍ଡଳି ଇ ଆବ୍‌ଡକ୍ତାଂ ଗିଟା ଆଜି ମାଚାତ୍ ଇବେ କାବା ଆନାକା ମୁଡେ ଆକାୟ । ପର୍ତ୍ତୁମ୍ କରକ୍ରି ଜିଉନନାକା ଜପି ରଞ୍ଜାଙ୍ଗ୍ ତାକ୍‌ପୁଟା ଆନାତ୍ ।

ଇ ପତି ବିସ୍ତେନି ରାହାଣ୍

୧. ପାଠକ୍ କରକ୍ରିୟାରିଂ ବନ୍ଦାୟ କିତାର୍ ଆରି ହେଞ୍ଜାଡ଼ି କାଜିଂ ଇସ୍ପରତିଂ ଜଞ୍ଜାର୍ ହିନାନ୍ । ୧:୧-୯
୨. ପାଠକ୍ କରକ୍ରି ମଣ୍ଡଳିତାଂ ପାୟାତି ମଣ୍ଡଳି ବିନେ ବିନେ ବିସ୍ତେ ହିକ୍ୟା ହିନାନା । ୧:୧୦-୪:୨୧
୩. ବିନେନିକା ହେ କିଞ୍ଜି କାମାୟ ଆହା ଆରି ରଞ୍ଜାନ୍ ବିନେ ଲଗାଂ ଦାଜ୍ ଚ ଅନି ବିସ୍ତେ ଲେକି କିନାନା । ୫-୬
୪. ପାଚେ ବିବା ବିସ୍ତେ, ପୁଡ଼ତାତିଂ ପୁଜାକିନାକା, ଉପ୍ରିୟା ପାର୍ତାନା କିନାକା, ପୁଜପୁୟାତି ଦାନ୍ ଆରି ଆରେ ନିଂନାକା ଲେକି କିନାନା । ୭-୧୫

୫. ହାରିହାରା ହେୱାନ ଏତେକ୍ ଚିନ୍ତାକିନାକା ଆରି ଜାର୍ ବିସ୍ତେ
ଲେକି କିଜି ଝିହନାନା । ୧୭

୧ ଆନ୍ ପାଉଲ୍, ଇସ୍ତର୍ ଇତାତ କ୍ରିସ୍ଟୁ ଜିସ୍ତୁତି କୁକ୍ୟାତି ରଞ୍ଜାନ୍
ପକ୍ୟାତାକାନ୍, ମା ଟଣ୍ଡେନ୍ ସସ୍ତ୍ରୀନା,

୨ କରକ୍ରି ବସ୍ତିତ ଇସ୍ତର୍ ମଣ୍ଡଲିତ ଆପେଂ ଲେକିକିନାପା;
ଇମ୍ପାଣାକାର ଇସ୍ତର୍ ପୁଇପୁୟା ମାନାୟ୍ ଆନି କାଜିଂ କୁକ୍ୟାତାକାର୍
ଆରି ଇସ୍ତର୍ କ୍ରିସ୍ଟୁ ଲାହାଙ୍ଗ୍ ମେହା ହୁକେ ଇସ୍ତର୍ ଆଜି ଝିଜ୍ଝି ଆରି
ସବୁ ମା ମାପୁ ଜିସ୍ତୁତି ପାର୍ତ୍ତାନା କିତାର୍ ।

୩ ମି କାଜିଂ ମା ଆବା ଇସ୍ତର୍ ଆରି ମାପୁ ଇସ୍ତର୍ କ୍ରିସ୍ଟୁ ଜିସ୍ତୁତି ତାଙ୍ଗ୍
ଉପକାର୍ ଆରେ ସୁସ୍ତା ଆଏଡ୍ ।

କ୍ରିସ୍ତୁତି ହୁକେ ଆସିର୍ବାଦ୍

୪ ଇନାକିଦେଂକି ଏନ୍ କ୍ରିସ୍ଟୁ ଜିସ୍ତୁ ଲାହାଙ୍ଗ୍ ମେହାଆନି କାଜିଂ ଇସ୍ତର୍
ମିଙ୍ଗେଙ୍ଗ୍ ଇମ୍ପାଣି ଉପକାର୍, ହିଡ୍ନା ହେଦାଂ କାଜିଂ ଇସ୍ତର୍ତିଂ ଜୁଞ୍ଜାର୍
ହିନାଙ୍ଗା, ୫ ଇନାକିଦେଂକି ତା ତାକେ ଝିଜୁ ବିସ୍ତେ, ବେସି ଇସ୍ତର୍ ସବୁ
ବାନି ହିକ୍ୟା ହିନିତ ଆରି ସବୁ ବାନିନି ଗିଆନ୍ ଏପେଙ୍ଗ୍ ହାଉକାର୍
ଆତାଦେଣ୍ଡା । ୬ ଇ ବାନି କ୍ରିସ୍ତୁତି ସାକି ମି ବିତ୍ରେ ତିର୍ ଆତାଡନ୍ନା ।
୭ ହେଦାଂ କାଜିଂ ମାପୁ ଜିସ୍ତୁ କ୍ରିସ୍ତୁତି ହତାକାତିଂ କାସି ମାନି ଝେଡାଲିଂ
ମିଦାଂ ଇମ୍ପାଣାକାପା ଆମ୍ବିକ୍ ଆସିର୍ବାଦନି ଅସୁବିଦା ଆଦଞ୍ଜାତାଡନା ।
୮ ମା ମାପୁ ଜିସ୍ତୁ କ୍ରିସ୍ତୁତି ଅଜଡ୍ଡ ଇନେସକି ଏପେଙ୍ଗ୍ ଇଦାଂ କାଜିଂ
ହେୱାନ ପା ମିଙ୍ଗେଙ୍ଗ୍ ହାରିହାରା ପାତେକ୍ ଆର୍ଞ୍ଜା ଲାହାଙ୍ଗ୍ କିଦନାନ୍
ପାତେ ମାପୁ ଜିସ୍ତୁ କ୍ରିସ୍ତୁତି ଝାନି ଦିନ୍ତ ଦସିକିଞ୍ଜାତାକାନ୍ ବାଚିକିୟାନାନ୍
। ୯ ଇମ୍ପାଣି ଇସ୍ତର୍ ତା ମାଜି ମାପୁ ଜିସ୍ତୁ କ୍ରିସ୍ତୁତି ମେହାବିଡା ଆନି କାଜିଂ
ମିଙ୍ଗେଙ୍ଗ୍ କୁକ୍ତାତାନାନ୍ ହେୱାନ ସବୁଝେଡାଙ୍ଗ୍ ପାତ୍ ନିକାନ୍ ।

ମଣ୍ଡଲିତ ବାଗ୍‌ବାଗ୍

୧୦ ଏ ଟଣ୍ଡାର୍, ଆରି ଟଣ୍ଡେକାଦେର୍ ମା ମାପୁ ଜିସ୍ତୁ କ୍ରିସ୍ତୁତି ତରଦ
ଆନ୍ ମିଙ୍ଗେଙ୍ଗ୍ ଗଞ୍ଜାରି କିଦନାଙ୍ଗା, ଇନ୍‌ବା ଆନି ସମୁତ ର ମାନ୍
ଇନାଟ୍, ତା ଆତିସ୍ ମି ବିତ୍ରେ ଇମ୍ପାଣାକା ଗଡ଼ମାର୍ ଆଉଡ୍, ମତର୍
ଏପେଙ୍ଗ୍ ର ମାନ୍ତାଂ ଆରି ର ବାବ୍‌ନାତ ମେହାଆଡୁ । ୧୧ ଏ ନା

ଗଣ୍ଡାର, ଆରେ ତଣ୍ଡେକ, କ୍ଲୟିତି ଲକ୍‌ବାକ୍‌ତାଂ ମି ବିସ୍ତେ ନା ତାକେ
 ଇଦାଂ ହତାତ୍‌ନା ଜେ, ମି ବିତ୍ରେ ଗଡ଼ମାର ମାନାତ୍ । ୧୨ ✱ନା କାତା
 ବାବିକିୟାଟ୍ ଇ, ମି ବିତ୍ରେତାଂ ଇନେ ଇନେର୍ ଇନାର୍, ଆନ୍ ପାଉଲ୍‌ତି,
 ଇନେ ଇନେର୍ ଇନାର୍, ଆନ୍ ଆପଲ୍‌ତି, ଇନେ ଇନେର୍ ଇନାର୍, ଆନ୍
 କେପାତି, ଆରେ ଇନେ ଇନେର୍ ଇନାର୍ ଆନ୍ କ୍ରିସ୍‌ତି । ୧୩ କ୍ରିସ୍ କି
 ରିବାଗ୍ ଆତାନ୍ନା ? ମି କାଜିଂ କି ପାଉଲ୍ କୁସ୍‌ତ ହାଜି ମାଚାନ୍ ?
 ଇତିସ୍ ଏପେକ୍ କି ପାଉଲ୍ ତରଦ ବାପ୍ରିସିମ୍ ଆଜି ମାଚାଦେର୍ ? ୧୪ ✱
 ଇସ୍‌ବୁର୍ତି ଦନ୍ୟବାଦ୍ ହିନାଜ୍‌ମା ଜେ କ୍ରିସ୍‌ଆରି ଗାୟତି ପିସ୍ତି ମି ବିତ୍ରେତାଂ
 ଆନ୍ ଇନେରିଂ ବାପ୍ରିସିମ୍ ହିଞ୍ଜାତାଜ୍‌ନା । ୧୫ ଲାଗିଂ ନା ଚେଲା ଲାକେ
 ବାପ୍ରିସିମ୍ ଅତାର୍ଣ୍ଣା ଇଞ୍ଜି ମି ବିତ୍ରେ ଇନେ ଇନେର୍ ଇଞ୍ଜେକ୍ ଆତୁର୍ ।
 ୧୬ ✱ଆଁ ଆନ୍ ସ୍ତିପାନ୍ କୁଦାନିକାରିଂ ପା ବାପ୍ରିସିମ୍ ହିତାଜ୍‌ନା; ଇଦାଂ
 ପିସ୍ତି ଆନ୍ ଆରେ ଇନେରିଂ ପା ବାପ୍ରିସିମ୍ ହିତାଜ୍‌ନା ଇଞ୍ଜି ନା ଏତୁ
 ଖାଉତା । ୧୭ ଇନାକିଦେଂକି କ୍ରିସ୍ ନାଞ୍ଜେକ୍ ବାପ୍ରିସିମ୍ ହିନି କାଜିଂ
 ପଞ୍ଚାଞ୍ଜାତାନ୍ନା, ମତର୍ ନେକ୍ରିକାବୁର୍ ସୁଶାୟ୍ କିନି କାଜିଂ ପଞ୍ଚାତାନ୍ନା;
 ହେଦାଂ ପା ବଚନ୍ ତାଟ୍‌ତାଜ୍ ଆକାୟ୍, କାତେହିନା କ୍ରିସ୍‌ତି କୁସ୍ ପଲ୍ୟା
 ଆନାତ୍ ।

ଇସ୍‌ବୁର୍ତି ସାକ୍ତି ଆରି ଗିୟାନି କାଦି କ୍ରିସ୍

୧୮ ଇନାକିଦେଂକି ବୁଡା ଆନି ଲକୁ କାଜିଂ କୁସ୍ ଜପି କ୍ରିସ୍‌ତି ହାକିନି
 କାତା ମୁକ୍ତିୟା ମତର୍, ମତର୍ ମୁକ୍ତି ଆନାକା ପାୟାଜିମାନି ମା କାଜିଂ
 ହେଦାଂ ଇସ୍‌ବୁର୍ତି ସାକ୍ତି ଆନାତ୍ । ୧୯ ଲାଗିଂ ଇଦାଂ ସାସ୍‌ବୁର୍ ଲେକା
 ମାନାତ୍,

“ଆନ୍ ଗିୟାନିରତାଂ ଗିଆନ୍ ନାହାୟ୍ କିନାଜ୍,
 ଆରେ ବୁଦିନିକାରିକ୍ ବୁଦି ଇଚୁପ୍ ।

୨୦ ଗିଆନିର୍ ଇନେର୍ ? ସାସ୍‌ବୁର୍ ଇନେର୍ ? ଇ ଜୁଗ୍‌ନି
 ବେର୍‌ଣିୟା ଇନେର୍ ? ଇସ୍‌ବୁର୍ କି ପୁର୍ତିଂ ଗିଆନ୍ତିଂ ମୁକ୍ତିୟା ଇଞ୍ଜି
 ହପ୍‌ଞ୍ଜାତାର୍ଣ୍ଣା ? ୨୧ ଇସ୍‌ବୁର୍ ତା ଗାଜା ଗିଆନ୍ତ ତିର୍ କିଜି ମାଚାନ୍
 ଜେ ମାନାୟ୍ ଜଗତ୍ ଜାର୍ ଗିଆନ୍ ହୁକେ ଇସ୍‌ବୁର୍ତିଂ ପୁଞ୍ଜେକ୍ ଆତୁସ୍

✱ ୧:୧୨ ୧:୧୨ ପକ୍ୟାତାକା ୧୮:୨୪. ✱ ୧:୧୪ ୧:୧୪ ପକ୍ୟାତାକା ୧୮:୮; ପକ୍ୟାତାକା
 ୧୯:୨୯; ରମିୟ ୧୭:୨୩. ✱ ୧:୧୭ ୧:୧୭ ୧ କରକ୍ରିୟ ୧୭:୧୫.

ବିନ୍ ପାକ୍ୟାତ ଆସେଙ୍ଗ୍ ସୁଶାୟକିନାକା ଇତିସ୍ ବୁଦି ହିଲ୍‌ଖାକାର୍ ନେକ୍ରିକାରୁରତ ପାତର୍ କିନି ମାନାୟାରିଂ ରାକ୍ୟା କିନି ଇସ୍‌ବ୍ ଇତା କିତାନନ୍ନା । ୨୨ ଇନାକିଦେଂକି ଜିହୁଦିର୍ ଚିନ୍ ଡେକ୍‌ନାର୍, ଆରେ ଗ୍ରିକ୍ ଲକୁ ଗିଆନ୍ ଡେକ୍‌ନାର୍, ୨୩ ମତର୍ ଆସେଙ୍ଗ୍ କୁସ୍‌ତ ହାକି କ୍ରିସ୍‌ତିଂ ସୁଶାୟ କିନାସ୍, ହେୱାନ୍ ଜିହୁଦିର୍ କାଜିଂ ବାଦାଲାକେ ଆରି ପାତର୍ କିଞ୍ଜି ଜିହୁଦିର୍ କାଜିଂ ମୁକ୍‌ଆ ଲାକେ, ୨୪ ମତର୍ ଜିହୁଦି ଆରି ଗ୍ରିକ୍, ଇନେର୍ କୁକ୍ୟାଆତାଣ୍ଟା, ହେୱାର୍ କାଜିଂ କ୍ରିସ୍ ଇସ୍‌ତର୍ ସାକ୍ତି ଆରି ଇସ୍‌ତର୍ ଗିଆନ୍ ଲାକେ ଆନାର୍ । ୨୫ ଲାଗିଂ ଇସ୍‌ତର୍ ମୁରୁକ୍ ବିସ୍ତେ ମାନାୟାନ୍ ଗିଆନ୍‌ତାଂ ଆଦିକ୍ ଗିଆନ୍‌ବାତର୍, ଆରେ ଇସ୍‌ତର୍ ନାଦାର୍ ବିସ୍ତେ ମାନାୟାତି ସାକ୍ତିତାଂ ଆଦିକ୍ ବାଡ଼କାସ୍ ।”

୨୬ ଏ ଟଣ୍ଡାର୍, ଆରି ତଣ୍ଡେକାଦେର୍ ଏତେକାଡ଼ଦ ଇସ୍‌ବ୍ କୁକ୍‌ତିନି ସମୂତ ଏପେଙ୍ଗ୍ ଇନେସ୍ ମାତାଦେର୍, ସିଂସାର୍‌ନି ବାବ୍‌ନାରେ ଆଦେକ୍ ଗିୟାନ୍, ଆଦେକ୍ ସାକ୍ତିକାଟାକାର୍ କି ଆଦେକ୍ ଗାଜାବିସ୍ କୁକ୍ୟାୱାତାଣ୍ଟା; ୨୭ ଇସ୍‌ବ୍ ଗିଆନ୍‌ରିଂ ଲାଜୁକିଦେଂ କାଜିଂ ପୁତର୍ ହୁକେ ମୁରୁକ୍ ମାନାୟାରିଂ ବାଟି କିତାନ୍; ୨୮ ଇଦାଂ କାଜିଂ ଇସ୍‌ବ୍ ଗିଆନ୍‌ରିଂ ଲାଜୁକିନି କାଜିଂ ପୁତର୍‌ନି ମୁରୁକ୍ ବିସ୍ତେ ସବୁ ବାଟି କିତାନ୍, ଆରେ ସାକ୍ତି ବିସ୍ତେ ସବୁ ଲାଜୁକିନି କାଜିଂ ଇସ୍‌ବ୍ ପୁତର୍‌ନି ନାଦାର୍ ବିସ୍ତେ ସବୁ ବାଟି କିତାନ୍, ୨୯ ଆରେ ଇନାକା ପୁତର୍ କାଣ୍‌କୁକାଙ୍ଗ୍ ମାନିନି ମାନାୟା, ହେ ସବୁତିଂ ପଲ୍ୟା କିନି କାଜିଂ ଇସ୍‌ବ୍ ପୁତର୍‌ନି ହାରୁକାନ୍ ଆରି ଗ୍ଲୁଇନି ବିସ୍ତେନିକିଂ, ଆଁ, ଗାଣାକିଦେଂଆଡ଼ି ବିସ୍ତେନିକିଂ ବାଟି କିତାନ୍ । ୩୦ ମତର୍ ଇସ୍‌ବ୍ କାଜିଂ ଏପେଙ୍ଗ୍ କ୍ରିସ୍ ଜିସ୍‌ତି ତାକେ ମାନାଦେର୍, ହେୱାନ୍ ଇସ୍‌ବ୍‌ତାଂ ମା କାଜିଂ ଗିଆନ୍, ତା ହୁକେ ମୁମ୍‌ଦ ଆପେଂ ଦାମ୍, ପୁଇପୁୟା ଲକ୍ ଆଜି ମୁକ୍‌ଡାନାକା ଲାକେ ଆତାପୁନା । ୩୧ ଲାଗିଂ, ଦରମ୍ ସାସ୍‌ବ୍ ଇନେସ୍ ଲେକା ମାନାଡ଼, “ଇନେନ୍ ଗରବ୍ କିନାନ୍, ହେୱାନ୍ ମାପୁତାକେ ଗରବ୍ କିଏନ୍ ।”

୨

କୁସ୍‌ନି କ୍ରିସ୍‌ତି ବିସ୍ତେ କାବୁର୍

୧ ଲାଗି, ଏ ଟଣ୍ଡାର, ଆରି ତଣ୍ଡେକାଦେର ଏଚେକାଡ଼୍‌ଦ ଆନ୍ ମି ତାକେ ଖାଜି ମାଚାଙ୍ଗ, ହେ ପାଦନା ଇସ୍‌ତ ହାଡ଼ପା ବଚନ୍ ଇଞ୍ଜିମାଚା କି ଗିଆନ୍‌ନି ହାରଦାକା ଲାହାଙ୍ଗ ଜେ ମି ତାକେ ସୁଣାୟ୍ କିଜି ମାଚାଙ୍ଗ, ହେଦା° ଆକାୟ୍ । ୨ ଇନାକିଦେ°କି ଜିସୁ କ୍ରିଷ୍ଟ ଇତିସ୍ କୁସ୍‌ତ ହାଡ଼ ଜିସୁ କ୍ରିଷ୍ଟ ପିସ୍ତି ମି ବିତ୍ରେ ଆରେ ଇନା ବିସ୍ତେ ପୁନ୍‌ଞ୍ଜି କାଜି° ଆନ୍‌ମାନ୍ କିତାଙ୍ଗ । ୩ *ଆରେ, ଆନ୍ ନାଦାର୍, ପାଣ୍ଡୁଡ଼ି° ଆରି ତ୍ରିଗ୍‌ଜି ମି ଲାହାଙ୍ଗ ମାଚାଙ୍ଗ; ୪ ନା ହିକ୍ୟା ଆରି ନେକ୍ରିକାରୁର୍, ମାନାୟାର୍ ଗିଆନ୍ ଜପି କୁର୍‌ଞ୍ଜାଦା° ଇସ୍‌ତ ସାକ୍ତି ଜପି କୁର୍‌ନାଡ଼, ୫ ଇଦା° କାଜି° ନା ମି ପାଡ଼ ହିକ୍ୟା ଆରି ନା ସୁଣାୟ୍ କିନାକା, ଗିଆନ୍‌ନି ହଲ୍‌ନାକା ବଚନ୍ ସମାନ୍ ଆଞ୍ଜାଦା° ଇସ୍‌ରତି ଆରି ସାକ୍ତିନି ପାର୍ମାଣ୍ ସମାନ୍ ଆଜି ମାଚାଡ଼ ।

ଇସ୍‌ତ ଗିଆନ୍

୬ ଆମିକ୍ ବାବ୍ରେ ହେନ୍ତାକାର୍ ଲକୁ ବିତ୍ରେ ଗିଆନ୍‌ନି କାତା ଇନାପ୍, ମତର୍ ହେଦା° ଇ ଜୁଗ୍‌ନି ଗିଆନ୍ ଆକାୟ୍ କି ଇ ଜୁଗ୍‌ନି କୁର୍‌ଇନି ମୁଡ଼ଦାକାର୍‌ତି ଗିଆନ୍ ଆକାୟ୍, ୭ ମତର୍ ଆପେ° ହାଡ଼ପା କାତା ଗିଆନ୍ ଲାକେ ଇସ୍‌ତ ଗିଆନ୍‌ନି କାତା ଇନାପା; ହେଞ୍ଜାନ୍ ତ୍ରିକ୍‌ତି ଗିଆନ୍ ଇସ୍‌ର ମାଦା° ଜାଜ୍‌ମାଲ୍ କାଜି° ସଁସାର୍‌ନି ଆଗେ ତିର୍ କିଜି ମାଚାନ୍ । ୮ ଇ ଜୁଗ୍‌ଦି ମୁଡ଼ଦାକାର୍ ବିତ୍ରେ ଇନେର୍ ହେଦା° ପୁନ୍‌ଞ୍ଜାତାଣ୍ଡା, ଇନାକିଦେ°କି ହେଞ୍ଜାର୍ ହେଦା° ପୁଞ୍ଜି ମାତିସ୍ ଜାଜ୍‌ମାଲ୍‌ନି ମାପୁତି କୁସ୍‌ତ ଦୁପି କିଞ୍ଜାତାର୍ମା; ୯ ମତର୍ ଇନେସ୍ ଲେକା ମାନାଡ଼, “କାଣ୍‌କୁ ଇନାକା ହୁଡ଼ଞ୍ଜିତିକ୍‌ନା, କିତୁଲି° ଇନାକା ଖେନ୍‌ଞ୍ଜିତିକ୍‌ନା, ଆରେ ମାନାୟ୍ ଖାସ୍ତିତ ଇନାକା ଉର୍‌ଜାଣ୍ ଆଞ୍ଜାତାନ୍‌, ଜେ ସବୁ ବିତ୍ରେ ଇସ୍‌ର ଜାର୍ ଜିଉନିନି ଲକୁ କାଜି° ଜାଲ୍‌ଦି କିତାନ୍‌ନ୍ନା । ୧୦ ମତର୍ ଇସ୍‌ର ମା କାଜି° ଖାସ୍ତି ହୁଦା° ହେଞ୍ଜାନ୍ ଓଜୁ ବିସ୍ତେ ଖେର୍‌ଚାନ୍; ଲାଗି° ଖାସ୍ତି ଓଜୁ ବିସ୍ତେ, ଆଁ, ଇସ୍‌ତ ବିତ୍ରେନି ବିସ୍ତେ ସବୁ ତେକ୍‌ନାନ୍ । ୧୧ ମାନାୟ୍ ବିସ୍ତେ ସବୁ ମାନାୟାର୍‌ତାକେ ମାନି ଖାସ୍ତି ପିସ୍ତି ଆରେ ଇନେର୍ ପୁନାର୍ ? ହେ ଲାକେ ପା ଇସ୍‌ତ ବିସ୍ତେ ସବୁ ଇସ୍‌ତ ଖାସ୍ତି ପିସ୍ତି ଆରେ ଇନେର୍ ପୁନୁର୍ ।

☆ ୨:୩ ୨:୩ ପକ୍ୟାତାକା ୧୮:୯.

୧୭ ଇନେସ୍‌କି ଇସ୍‌ସତ୍ ହୁଦାଂ ମା ଉପକାରତ ହିଦ୍ୟାତି ବିସ୍‌ସେନିକିଂ ଆପେଂ ପୁଞ୍ଜେଙ୍ଗ୍ ଆଡ଼ନାପ୍, ଇଦାଂ କାଜିଂ ଆପେଂ ପୁତ୍‌ନି ଜିବୁନ୍ ଗାଟାଞ୍ଜାଦାଂ ଇସ୍‌ସତ୍ ଜିବୁନ୍ ପାୟାତାପନା ।”

୧୮ ହେ ସବୁ ବିସ୍‌ସେ ପା ଆପେଂ ମାନାୟାର୍ ଗିଆନ୍ ହୁଦାଂ ହିକାତି ବଚନ୍‌ତାଂ ଇନ୍‌ଞ୍ଜାଦାଂ ମାନାପ୍, ମତର୍ ଞ୍ଜାସ୍‌ନି ବିସ୍‌ସେ ସବୁ ଞ୍ଜାସ୍‌ନି ବିସ୍‌ସେ ହୁଦାଂ ବୁଜାୟ୍ ଆମ୍‌ଜି ହୁଦାଂ ହିକାତି ବଚନ୍ ଇଞ୍ଜି ମାନାପ୍ । ୧୯ ହାଡ଼ପା ମାନାୟ୍ ଇସ୍‌ସତ୍ ଞ୍ଜାସ୍‌ନି ବିସ୍‌ସେନିକିଂ ଇଚୁର୍, ଇନାକିଦେଂକି ହେ ସବୁ ତା ତାକେ ମୁରୁକ୍‌ନିକା, ଆରେ ହେଞ୍ଜାନ୍ ହେ ସବୁ ବୁଜାଆଦେଂ ଆଡୁନ୍, ଲାଗିଂ ହେ ସବୁତିଙ୍ଗ୍ ଆମ୍‌ଜି ଜିବୁନ୍ ହୁକେ ବିଚାର୍ କିୟାନାଡ଼ । ୨୦ ମତର୍ ଇନେନ୍ ଆମ୍‌ଜି, ହେଞ୍ଜାନ୍ ଞ୍ଜିତ୍ ବିସ୍‌ସେ ବିଚାର୍ କିନାକାନ୍, ଆତିସ୍‌ପା ଇନେର୍ ତାଦାଂ ବିଚାର୍ କିତନ୍ । ୨୧ ଇନାକିଦେଂକି ଇନେନ୍ ମାପୁତି ମାନ୍ ପୁଚାନ୍‌ନା ଜେ, ହେଞ୍ଜାନ୍ ତାଙ୍ଗେଙ୍ଗ୍ ହିକ୍ୟା ହିଦେଂ ଆଡ଼ନାନ୍ ? ମତର୍ ଆପେଂ କ୍ରିସ୍‌ତୁତି ମାନ୍ ପାୟାତାପନା ।

୩

ଇସ୍‌ସତ୍ ହେବା କିନାକାନ୍

୧ ଏ ଟଣ୍ଡାର୍, ଆରି ତଣ୍ଡାଦେକ୍ ଆନ୍ ଆମ୍‌ଜି ଲଗାଂ ଇନି ଲାକେ ମିଙ୍ଗେଙ୍ଗ୍ ଇଞ୍ଜେଙ୍ଗ୍ ଆଡ଼ଦାଞ୍ଜାତାଂ, ମତର୍ ଗାଗାଡ଼୍ ମାନାୟ୍‌ତି ଆରି କ୍ରିସ୍‌ତୁ ତାକେ ହିମଣାକାଂ ଇତି ଲାକେ ମିଙ୍ଗେଙ୍ଗ୍ ଇନ୍‌ଚାଙ୍ଗ୍ । ୨ ☆ଆନ୍ ମିଙ୍ଗେଙ୍ଗ୍ ପାଲ୍ ଉର୍‌ପିସ୍ ବିନ୍ କାଦି ହିଦ୍‌ଞ୍ଜାତାଙ୍ଗ୍‌ନା, ଇନାକିଦେଂକି ଏପେଙ୍ଗ୍ ହେଦାଂ ଇଡ଼ଦେଂ ମାନ୍ କିଞ୍ଜାତାଦେର୍, ଆରେ ନଙ୍ଗ୍‌ପା ମାନ୍ କିତଦେରା, ୩ ଲାଗିଂ, ନଙ୍ଗ୍ ପାତେକ୍ ଏପେଙ୍ଗ୍ ସ୍‌ସ୍‌ଆରୁନି ମାନାୟାର୍ ଲାକେ ଚିନ୍ତା କିନାଦେରା ଇନାକିଦେଂକି ଏଚେକାଡ଼୍‌ଦ ମି ବିସ୍‌ସେ ରିସା ଆନାକା ଆରି କେଡ଼ନାକା ମାନାଡ଼୍, ଏପେଙ୍ଗ୍ କି ପଟେଂ ହୁଡ଼ନା କାଦେର୍ ଆକାୟ୍ ଆରି ମାନାୟ୍‌ନି ଗୁଣ୍ ଇସାପ୍‌ତାଂ କି ଚିନ୍ତା କିତଦେରା ? ୪ ☆ଇନେନ୍ ଏଚେକାଡ଼୍‌ଦ ରଞ୍ଜାନ୍ ଇନାନ୍, ଆନ୍ ପାଉଲ୍‌ତି ଦାହ୍‌ନାକାଂ, ଲାଗିଂ ଆରେ ରକାନ୍ ଆକାୟ୍, ଆନ୍

ଆପଲ୍ଲତିଂ ଦାହନାକାଂ, ହେ ପାଦନା ଏପେକ୍ କି ସଂସାରନ୍ ଲକ୍ଷୁ କାଦେର ଆକାୟ ?

* ଆପଲ୍ଲ ଇନେନ୍ ? ପାଉଲ୍ ପା ଇନେନ୍ ? ହେଞ୍ଜାର୍ ତ ହେବାକାରୟା ମତର୍ ଇମ୍ଣାକାର୍ ହୁକେ, ଓଜାରିଂ ମାପୁ ଇନେସ୍ ହିଡ଼ତାଡ଼ନା, ହେଦାଂ କାଜିଂ ପାତର୍ କିତାଦେଣ୍ଣା । ୬*ଆନ୍ ରୁସ୍ତାଂନା, ଆପଲ୍ଲ ଏସ୍ ତିର୍ତ୍ତାନ୍ନା, ମତର୍ ଇସ୍ୱର୍ ବାତାୟ୍ କିନାନା । ୭ ଲାଗିଂ, ଇନେନ୍ ରୁଜ୍ଜନାନ୍ ଆରେ ଇନେନ୍ ଏସ୍ ହିନାନ୍, ହେଞ୍ଜାନ୍ ମୁଲେ ଆକାୟ୍, ମତର୍ ଗାଜାୟ୍ କିନାକାନ୍ ଜେ ଇସ୍ୱର୍, ହେଞ୍ଜାନ୍ ଗାଜାକାନ୍ । ୮ ଇନେନ୍ ରୁଜ୍ଜନାନ୍ ଆରି ଇନେନ୍ ଏସ୍ ହିନାନ୍, ହେଞ୍ଜାର୍ ରିୟାର୍ ଏକ୍, ଇନାକିଦେଂକି ଇସ୍ୱର୍ ଜାଣ୍ଟକେତିଂ ଜାର୍ ଜାର୍ କାମାୟ୍ ଇସାପ୍ତାଂ ଇନାମ୍ ପାୟାନାନ୍ । ୯ ଇନାକିଦେଂକି ଆପେଂ ଇସ୍ୱର୍ ହାକ୍ଦାକାର୍; ଏପେକ୍ ଇସ୍ୱର୍ ତାରେନ୍, ଇସ୍ୱର୍ ଇଲ୍ । ୧୦ ନାକ୍ଷେକ୍ ହିୟାଆଡ଼ତି ଇସ୍ୱର୍ ଦୟା ଲାକେ ଆନ୍ ରଞ୍ଜାକ୍ ବୁଦିନିକାଂ ଇଲ୍ ରଚନାକାଂ ଲାକେ କୁନାଦି ରଚାକ୍ନା, ବିନ୍ ନିକାନ୍ ତା ଜପି ରଚାକ୍ନା । ମତର୍ ଓଜାକାର୍ ତା ଜପି ଇନେସ୍ ଇଚ୍ଚାଣ୍ଣା, ହେ ବିସ୍ତେ ଜାଗ୍ରତ୍ ଆୟେନ୍ । ୧୧ ଇନାକିଦେଂକି ଇମ୍ଣା ମୁଡ଼କୁନାଦି ରଚାକ୍ନା, ତା ପିସ୍ତ୍ର ବିନ୍ ମୁଡ଼କୁନାଦି ଇନେର୍ ରଚେଂ ଆଡୁର୍, ହେ ମୁଡ଼ କୁନାଦି ଜିସୁ କ୍ରିଷ୍ଟ । ୧୨ ମାତର୍ ଜଦି ଇନେର୍ ହେ ମୁଡ଼ କୁନାଦି ଜପି ହନା, ରୁପା, ବେସି ଦାମ୍ନି କାଲ୍, ଝେଜ୍ଗୁ, କାଗ୍ରା ନଲେ ପିରି ହିଜି ରଚନାନ୍, ୧୩ ତା ଆଡିସ୍ ଓଜାକାର୍ କାମାୟ୍ ଇନେସ୍, ହେଦାଂ ହନାଡ଼, ଇନାକିଦେଂକି ହେ ଦିନ୍ ହେଦାଂ ହନାଡ଼, ଲାଗିଂ ହେ ନାଜିଂ ନାଣି ଲାହାକ୍ ହନାଡ଼, ଆରେ ଓଜାକାର୍ କାମାୟ୍ ଇନେସ୍, ହେଦାଂ ନାଣିତ ପରିକ୍ୟା କିନାନ୍ । ୧୪ ଇନେନ୍ ଇନାକା ଇଚ୍ଚାନ୍ନା, ତାଦାକ୍ ହେ କାରୁମ୍ ଜଦି ମୁଡ଼ କୁନାଦି ମାନାଡ଼, ଝାଟିକ୍ ହେଞ୍ଜାନ୍ ଇନାମ୍ ପାୟାନାନ୍; ୧୫ ଜଦି ଇନେର୍ଡି କାମାୟ୍ କାଡ଼ନାଡ଼, ତାଦାଂ ବୁଡାନାଡ଼, ଆଡିସ୍ପା ହେଞ୍ଜାନ୍ ନିଜେ ରାକ୍ୟା ପାୟାନାନ୍, ମତର୍ ହେଦାଂ ନାଣି ଜପି ହିଜି ହାଟି ଲାକେ ଆନାଡ଼ ।

୧୬*ଏପେକ୍ ନିଜେ ପୁନୁଦେରା ଜେ, ଏପେକ୍ ଇସ୍ୱର୍ ମନ୍ଦିର୍,

* ୩:୬ ୩:୬ ପକ୍ୟାତାକା ୧୮:୪-୧୧; ପକ୍ୟାତାକା ୧୮:୨୪-୨୮. * ୩:୧୭ ୩:୧୭ ୧ କରକ୍ରିୟ ୬:୧୯; ୨କରକ୍ରିୟ ୬:୧୭.

ଆରେ ଇସ୍‌ସୁରତି ଖାସ୍ତି ମି ଖାସ୍ତିତ ବାହା କିତ୍‌ତାନ; ୧୭ ଜଦି ଇମ୍‌ଣି ଲଗୁ ଇସ୍‌ସୁତ ମନ୍ଦିରତିଂ ବୁଡାୟ୍ କିନାନ, ଖାଟିଙ୍ଗ୍ ଇସ୍‌ସୁର ତାଙ୍ଗେଙ୍ଗ୍ ବୁଡାୟ୍ କିନାନ, ଇନାକିଦେଂକି ଇସ୍‌ସୁତ ମନ୍ଦିର ପୁଇପୁୟା, ହେ ମନ୍ଦିର ଏପେଙ୍ଗ୍ ।

୧୮ ଇନେର୍ ଜାରତିଂ ଟେପର କିମେନ୍ । ମି ବିତ୍ରେ ଜଦି ଇମ୍‌ଣି ଲଗୁ ଇ ଜୁଗ୍‌ତ ଜାରତିଂ ବୁଦିୟା ଇଞ୍ଜି ମାନେ କିନାନ, ଖାଟିଙ୍ଗ୍ ହେଖାନ୍ ଇନେସ୍‌କି ବୁଦିୟା ଆଦେଂ ଆଡ୍‌ନାନ, ଇଦାଂ କାଜିଂ ହେଖାନ୍ ମୁରୁକ୍ ଆୟେନ୍ । ୧୯ ଇନାକିଦେଂକି ଇ ପୁତ୍‌ନି ଗିଆନ୍ ଇସ୍‌ସୁର ତାକେ ମୁରୁକ୍‌ନିକା । ଲାଗିଂ ଦରମ୍ ସାସ୍‌ସୁର୍ତ୍ତ ଲେକା ମାନାଡ୍, ହେଖାନ୍ ଗିଆନିରିଂ ହେଖାରିତି ହାତୁର୍‌ତାଂ ଆହ୍‌ନାନ; ୨୦ ଆତିସ୍‌ପା, ସାସ୍‌ସୁର୍ତ୍ତ ପା ଲେକା ମାନାଡ୍ “ମାପୁ ପୁନାନ୍ ଜେ ଗିଆନିତ୍‌ ଚିନ୍ତା ବାବ୍‌ନା ପଲ୍ୟା । ୨୧ ଲାଗିଂ, ଇନେର୍ ମାନାୟ୍‌ତାକେ ଗରବ୍ କିମେନ୍; ୨୨ ଇନାକିଦେଂକି ଓଁଜୁ ବିସ୍ତେ ମିଦାଙ୍ଗ୍; ପାଉଲ୍ ଇନାଟ୍ କି ଆପଲ୍ ଇନାଟ୍ କି କେପା ଇନାଟ୍, ପୁତ୍ ଇନେଡ୍ କି ଜିବୁନ୍ ଇନେଡ୍, କି ହାକି ଇନେଡ୍, ନଙ୍ଗ୍ ବିସ୍ତେ ଇନେନ୍‌କି ଖାନିଦିକ୍ତି ବିସ୍ତେ ଇନେନ୍, ଓଁଜୁଟ୍‌ନ ମିଦାଙ୍ଗ୍, ୨୩ ମତର୍ ଏପେଙ୍ଗ୍ କ୍ରିସ୍‌ଟି, ଆରେ କ୍ରିସ୍ ଇସ୍‌ସୁତ୍ ।

୪

ପକ୍ୟାତାକାର୍‌ତି ହେବାକାମାୟ୍

୧ ମାନାୟାର୍ ମାଙ୍ଗେଙ୍ଗ୍ କ୍ରିସ୍‌ଟି ହେବା କିନାକାର୍, ଆରେ ଇସ୍‌ସୁରତିଂ ହାର୍‌ଦିଗିଆନ୍‌ନି ଇଲ୍‌କାର୍‌ନିୟା ଇଞ୍ଜି ମାନେ କିଦେର୍ । ୨ ଆରେ, ଇଲ୍‌କାର୍‌ନିୟା ବିସ୍ତେ ଇଦାଂ ନିଜେ ମାନାକା ମାନାଡ୍, ଇନେସ୍‌କି ପାତ୍ ଚଞ୍ଜାନାଡ୍ । ୩ ମତର୍ ମି ହୁଦାଂ ନଲେ ଇମ୍‌ଣାକା ପା କାବାଆନି ବିଚାର୍ ସବା ହୁକେ ବିଚାର୍ଣ୍ଣା ଆନାକା ନା ପାକ୍ୟାତ ବେସି ଆଡ୍‌ଞ୍ଜା ବିସ୍ତେ, ଏଲେଙ୍ଗ୍ କି ଆନ୍ ନିଜେ ପା ଜାର୍‌ତି ବିଚାର୍ କିଡଙ୍ଗା । ୪ ଇନାକିଦେଂକି ଆନ୍ ଜାର୍ ବିରୁଦ୍‌ତ ଇନାକା ପୁନୁଙ୍ଗ୍ । ଆତିସ୍‌ପା ଇବେ ଆନ୍ ଦସି ଇଞ୍ଜି ପାର୍‌ମାଣ୍ ଆହ୍‌ସାଖାତାଂନା । ମାତର୍ ଜେ ନା ବିଚାର୍ କିନାନ ହେଖାନ୍ ମାପୁ । ୫ ଲାଗିଂ ସମୁନି ଆଗେ ମାପୁତି ଖାଞ୍ଜି ପାତେକ୍ ଇନାକାପା ବିସ୍ତେ ବିଚାର୍ କିମାଟ୍; ହେଖାନ୍ ମାଜ୍‌ଗାନି

ଡକ୍ଟ୍ରି ବିସ୍ତେ ନିକିଙ୍ଗ ଅଜଡ଼ତ ଚର୍ଚ୍ଚାନାନ୍, ଆରେ ମାନଡ କିତାକା ସବୁ ଖେଚନାନ୍; ହେ ପାଦନା ଓଜାକାର ଇସ୍ବର୍ ତାକେ ବଲ୍ବଲ୍ଲୟ ପାୟାନାର୍ ।^୭ ଏ ଟଣ୍ଡାର୍, ଆରେ ତଣ୍ଡେକ୍ ଆନ୍ ମିଙ୍ଗେଙ୍ଗ୍ ହିକ୍ୟା କାଜିଂ ଇ ସବୁ କାତା ନା ନିଜେତିଂ ଆରି ଆପଲ୍ଲତିଂ ଇଚ୍ଚକାଡ଼୍ ଜିସୁ ଉତ୍ତର୍ମୁଡ଼୍ ହିଡ଼ତାଂ, ଇନେସକି ଇନାକା ସାସ୍ବର୍ତ୍ତ ଲେକା ମାନାଡ଼୍, ହେଦାଂ ଆଗେ ହାନାକା ବିଦି ହିଲ୍ଲୁଡ଼୍; ଇଦାଂ ଏପେଙ୍ଗ୍ ମାତାଂ ହିକ୍ୟା କିୟାଟ୍, ଆରେ ଇନେସ୍ ମିତାକେଣ୍ଡାଂ ଇନେନ୍ ରଞ୍ଜାନ୍ ପାକ୍ୟା ଆରି ବିନ୍ନିକାନିଂ ପାକ୍ୟା ଆଜି ଗାବ୍ ଆମାଟ୍ ।^୮ ଇନାକିଦେଂକି ଇନେନ୍ ମିଙ୍ଗେଙ୍ଗ୍ ଗାଜା କିଡ଼ତାନ୍ନା, ଆରେ ଇନାକା ଏପେଙ୍ଗ୍, ଦାନ୍ ଲାକେ ପାୟାଞ୍ଜାତାଦେଣ୍ଡା, ଇଦାଂ ମିଦାଙ୍ଗ୍ ଇନାକା ମାନାଡ଼୍ ? ମତର୍ ଜଦି ଏପେଙ୍ଗ୍ ହେଦାଂ ଇସ୍ବର୍ତ୍ ଦାନ୍ ଲାକେ ପାୟା ତାଦେଣ୍ଡା ଞ୍ଜାଟିଙ୍ଗ୍ ହେଦାଂ ଦାନ୍ ଲାକେ ପାୟାଆଞ୍ଜିତି ଲାକେ ଇନାକିଦେଂ ଗର୍ଚ୍ଚ କିନାଦେରା ?

୮ ଓସ୍ତ୍ରପାଚେ ଏପେଙ୍ଗ୍ ଇନାକା ସାରି ଆଜି ହାତାଦେରେ ? ଇଦାଂ ବିତ୍ରେ ଏପେଙ୍ଗ୍ ଇନାକା ହାଉକାର୍ ଆତାଦେର୍ ? ମାଙ୍ଗ୍ ପିସ୍ତ୍ର ଏପେଙ୍ଗ୍ ଇନାକା ରାଜା ଆତାଦେଣ୍ଡା ? ଆଁ, ଏପେଙ୍ଗ୍ ରାଜା ଆଜି ମାଟିସ୍ ହାରା ଆତାମ୍, ଇନେସ୍ ଆପେଂ ପା ମି ଲାହାଙ୍ଗ୍ ରାଜି କିଦେଙ୍ଗ୍ ଆଡ଼ତାପମା ।^୯ ଇନାକିଦେଂକି ନାଦି ମାନେ ଆନାତା, ପକ୍ୟାତାକାପ୍ ଜେ ଆପେଂ, ମା ଇସ୍ବର୍ ହାଡ଼ି ମୁମଦ ହେଲ୍ଲୟ କିତି ସବୁତିଂ ହାରିହାରା ମାନାୟାରିଂ ଲାକେ ହୁଡ଼ିକିତାନ୍ନା, ଲାଗିଂ ଆପେଂ ପୁଡ଼୍, ଦୁଡ଼୍, ଆରି ମାନାୟାର୍ ଲାଗେ ଗୁଞ୍ଜକିଆନି ବିସ୍ତେ ଆତାପନା ।^{୧୦} ଆସେଙ୍ଗ୍ କ୍ରିସ୍ତୁତି କାଜିଂ ମୁକ୍ତା, ମତର୍ ଏପେଙ୍ଗ୍ କ୍ରିସ୍ତୁତି ମେହାଣ୍ ତାକେ ଏପେଙ୍ଗ୍ ବୁଦି ମାନାକାଦେର୍; ଆପେଂ ନାଦାର୍ ମତର୍ ଏପେଙ୍ଗ୍ ବାଡ଼କାସ୍; ଏପେଙ୍ଗ୍ ଜାଜମାଲ୍ ପାୟାତାକାଦେର୍, ମତର୍ ଆପେଂ ମାନି ହିଲ୍ଲିଖାକାପ୍ ।^{୧୧} ଇ ସମୁ ପାତେକ୍ ପା ଆପେଂ ନାସ୍କିନିକାପ୍ ଆରି ଏସ୍ମିନିକାପ୍, ବାଡ଼କାସ୍ହିଲ୍ଲାକାପ୍ ଆରି ଟ୍ରାକ୍ଯାନାପା, ଆରେ ଆହର୍ ହିଲ୍ଲାଦାଂ ବୁଲ୍ଲାଆଜି ବୁଲ୍ଲାଆଜି ।^{୧୨} *ଜାର୍ କେଇଦ କସ୍ କିନାପା, ନିନ୍ଦାକିୟା ଆଜି ଆସିର୍ବାଦ୍ କିନାପା, ନିନ୍ଦା ପାୟା ଆଜି ହୁଞ୍ଜନାପା, ^{୧୩} ଲାଜ୍କୁଗିସ୍ ମେହାନି ବେଣ୍ କିନାପା; ଇ ପାତେକ୍

ପା ଆପେ ପୁତ୍ର ନି ଗାତ୍ରା, ଓଜାକାତ୍ର ପ୍ରାଲ୍ ଲାକେ ଆତାପ୍ନା ।
 ୧୪ ଆନ୍ ମିଙ୍ଗେଙ୍ଗ ଲାଜକୁଇ କିଦେଂ ଇ ସବୁ ବିସ୍ତେ ଲେକିକିତଙ୍ଗା
 ମତର୍ ନା ଖାରିନି ମାଜି ଇଞ୍ଜି ଏତୁ ଜିସୁ ମିଙ୍ଗେଙ୍ଗ ଚେଡ୍‌ନା ହିଦ୍‌ନି
 କାଜିଂ ଇ ସବୁ ଲେକିକିନାଙ୍ଗା । ୧୫ ଇନାକିଦେଂକି ଜଦିପା କ୍ରିସ୍ତତି
 ବିସ୍ତେ ମିଦାଙ୍ଗ ଦସ୍ ହାଜାର୍ ଗୁରୁର୍ ମାଟିସ୍, ଆତିସ୍‌ପା ମିଙ୍ଗେଙ୍ଗ
 ହେନି ଆବାର୍ ହିଲୁର୍; ଇନାକିଦେଂକି କ୍ରିସ୍ତ ଜିସୁ ତାକେ ଆନ୍ ମିଙ୍ଗେଙ୍ଗ
 ନେକ୍ରିକାରୁର୍ କାଜିଂ ଜଲମ୍ ହିଡ୍‌ତାଙ୍ଗା । ୧୬ ଲାଗିଂ ଆନ୍ ମିଙ୍ଗେଙ୍ଗ
 ଗଞ୍ଜାରି କିଦ୍‌ନାଙ୍ଗା, ଏପେଙ୍ଗ ନା ପାଚେ ଖାତୁ । ୧୭ ଇଦାଂ କାଜିଂ ଆନ୍
 ମି ତାକେ ତିମତିଙ୍ଗ ପକ୍‌ତାତାଙ୍ଗା, ମାପୁ ତାକେ କ୍ରିସ୍ତ ଜିସୁ ତାକେ
 ମାନ୍‌ଞ୍ଜି ନା ଖାରିନିକାନ୍ ଆରି ପାତ୍ର ନି ମାଜି, ଇନେସ୍‌କି ଆନ୍ ଓଜୁ
 ତାକେ ସବୁ ମଣ୍ଡଲିତ ହିକ୍ୟା ହିଜି ମାନାଙ୍ଗ, ହେ ଲାକେ ହେଖାନ୍
 ମିଙ୍ଗେଙ୍ଗ ନା କ୍ରିସ୍ତତି ଚିନ୍ତା ସବୁ ଏତୁ କିଇକିଦ୍‌ନାନ୍ । ୧୮ ଆନ୍ ମି ତାକେ
 ହାଲୁଙ୍ଗ ଇଞ୍ଜି ଏତୁ କିଜି ଜିସୁ ଇନେ ଇନେର୍ ଗରବ୍‌ତ ବାତ୍ର ଆତାନ୍ନା
 । ୧୯ ମତର୍ ଜଦି ମାପୁ ମାନ୍ କିନାନ୍ ଆନ୍ ମି ତାକେ ବେଗି ଖାନାଙ୍ଗ,
 ଆରେ ଇନେର୍ ଗରବ୍ କିନାରା, ହେଖାତ୍ତି ବଚନ୍ ଆକାୟ୍, ମତର୍
 ସାକ୍ତି ରୁଜା ଅନାଙ୍ଗ ! ୨୦ ଇନାକିଦେଂକି ଇସ୍‌ତ୍ର ରାଜି କେବଲ୍
 କାତାନି ବିସ୍ତେ ଆକାୟ୍ ମତର୍ ବେସି ସାକ୍ତି ବିସ୍ତେ । ୨୧ ମି ମାନ୍
 ଇନାକା, ଆନ୍ ବାଡ଼ଗା ଆସ୍ତି ମି ଲାଗେ ହାନାଙ୍ଗ କି ଜିଉନନାକା ଆସ୍ତି
 ଆରି କାଲେତାଙ୍ଗ ଅଜି ହାନାଙ୍ଗ ?



ମଣ୍ଡଲିତ ବାନ୍ୟା ଚିନ୍ତା

୧ ହାଡ଼ପାନେ ଖେନ୍ୟାନାନାତା ଜେ, ମି ବିତ୍ରେ ଦାରି ମାନାଡ଼, ଆରେ
 ଏପେଙ୍ଗ ଦାରି, ଇନାକା କି ପାତ୍ର କିଓ୍ଵି ଜିହୁଦିର୍ ବିତ୍ରେ ପା ଆଉଡ଼,
 ଏଲେଙ୍ଗକି ରଖାନ୍ ଜାର୍ ଆବାନି ତକ୍ତିଂ ଇଟ୍‌ତାନ୍ନା । ୨ ଆରେ ଇନେର୍
 ଇ କାମାୟ୍ କିତାନ୍ନା ହେଖାନ୍ ଇନେସ୍ ମି ବିତ୍ରେତାଂ ଦେହା କିୟା
 ଆୟେନ୍ ଇଦାଂ କାଜିଂ ଆଡ଼ବାଖାଦାଂ ଇଟିସ୍ କି ଗରବ୍ କିନାଦେରା
 । ୩ ମତର୍ ନା ଗାଗାଡ଼ଡ଼ ଖାଓ୍ଵିତିସ୍ ପା ଜିବୁକ୍ତ ଏକାଖାଦାଂ ମାନ୍‌ଞ୍ଜି
 ଏଲେଙ୍ଗବାନି କାମାୟ୍ କିନାନା ଏକିସ୍ ମାତି ଲାକେ ଆନ୍ ମାପୁ ତା

☆ ୪:୧୭ ୪:୧୭ ୧ କରକ୍ରିୟ ୧୧:୧; ପିଲିପିୟ ୩:୧୭

ବିଚାର କିଛି ଓପ୍ରାତାମାନା, ୪ ଇତିସ, ଏପେଙ୍ଗ ଆରି ନା ଖାସ୍ତି ମା ମାପୁ ଜିସୁତି ତରଦ ସାକ୍ତି ଉପକାରତାଂ ରୁଣ୍ଡା ଆଜି ଇଦାଂ ତିର କିତାପନ୍ନା ଜେ, ୫ ଇନେସ୍ ମାନାୟାରିଂ ଗାଗାଡୁନି ନାସ୍ କାଜିଂ ସୟତାନ୍ କେଇଦ ହେଲାଇ କିନି ଲଡ଼ା, ଇନେସ୍ ମାପୁ ଜିସୁତି ଦିନ୍ତ ତା ଜିରୁନ୍ ରାକ୍ୟା ପାୟାନାନ୍ । ୬ *ମିଦାଙ୍ଗ୍ ଏପେଙ୍ଗ୍ ଗରବ୍ କିନାକା ହାର୍ ଆକାୟ୍ । ଏପେଙ୍ଗ୍ କି ପୁନୁଦେରା ଜେ, ଅଲପ୍ ଇଞ୍ଜି ହୈନାକା ସବୁ ହାରାୟ୍ ହୈନାକା କିନାତ୍ ? ୭ ଏପେଙ୍ଗ୍ତ ହୈନାକା ସକଟ୍ ମାନାୟ୍, ଲାଗିଂ ଇନେସ୍ ଏପେଙ୍ଗ୍ ପୁନି ହାରାୟ୍ ଆଦେଂ ଆଡୁନାଦେର୍ ଇଦାଂ କାଜିଂ ପ୍ଲୁନି ପାସ୍ ତୁହି ହିଆଟ୍; ଇନାକିଦେଂକି ମା ନିସ୍ତାର୍ ପାର୍ବୁ ମେଣ୍ଡାହିମଣା ଇତିସ୍ କ୍ରିସ୍ଟୁ ମା କାଜିଂ ପୁଜାଲାକେ କୁସ୍ତ ହାତାନନା । ଲାଗିଂ ଖାଡୁ, ଆସେଙ୍ଗ୍ ପ୍ଲୁନି ହୈନାକା କି ବାନ୍ୟା ଆରି ବାନ୍ୟାକାମାୟ୍ ହୈନାକା ହୁଦାଂ ପାର୍ବୁ ପାଲି କିଞ୍ଜାଦାଂ ହୁଦାର୍ ଆରି ହାଡପାଲାକେ ହଇଞ୍ଜି ରୁଟି ହୁଦାଂ ପାର୍ବୁ ପାଲି କିନାସ୍ । ୮ ଦାୟାର୍ ହୁଦାଂ ମେହାଞ୍ଜାଞ୍ଜି କାଜିଂ ଆନ୍ ମିଙ୍ଗ୍ ନା ଆକିତ ଲେକିକିଜି ମାଚାଙ୍ଗ୍ ମାଚାଙ୍ଗ୍; ୯ ଇ ଜଗଡୁନି ଦାରି କି ଦାନ୍ ଲବ୍ରା କି ଲକାର୍ ଜିନିସ୍ ଚର୍ଣ୍ଣା କି ପୁଡ଼ଡ଼ା ପୁଜାକିନାକାର୍ ଲାହାଙ୍ଗ୍ ଜେ ମୁଡେ ମେହାଣ୍ ଆଉନ୍ । ହେଦାଂ ଆକାୟ୍; ତା ଆତିସ୍ ମିଙ୍ଗ୍ ଜଗଡ଼ତାଂ ବାଡ଼ ହାଞ୍ଜେଙ୍ଗ୍ ଲଡ଼ା । ୧୦ ମତର୍ ନା ଲେକିକିନି ବାବ୍ନା ଇଦାଂ ମାଚାଡ଼ ଜେ, ଜଦି ଇମଣି ଲଗୁ ଚଣ୍ଡେନ୍ ଇଞ୍ଜି ତାକ୍ପୁଟା ଆଜି ଦାରି କି ଦାନ୍ ଲବ୍ରା କି ପୁଡ଼ଡ଼ା ପୁଜାକିନାକାର୍ କି ବାନ୍ୟା କି ମଦୁଆ କି ଲକାର୍ ଜିନିସ୍ ଚର୍ଣ୍ଣା ଆନାନ୍, ଖାଟିଙ୍ଗ୍ ଏପେଙ୍ଗ୍ ଲକୁ ଲାହାଙ୍ଗ୍ ମେହାଆମାଟ୍, ଆରେ ହେଞ୍ଜାନ୍ ଲାହାଙ୍ଗ୍ ତିନ୍ମାଟ୍ । ୧୧ ଇନାକିଦେଂକି ବାର୍ତି ମାନାୟାର୍ତ୍ ବିଚାର୍ କିନାକାଙ୍ଗ୍ ଆନ୍ ଇନେନ୍ ? ମତର୍ ମଣ୍ଡଲିନିକାରିଙ୍ଗ୍ ବିଚାର୍ କିନି ଦାଇଡ଼ ମାଦାଂ ଇନାକା ଆକାୟ୍ ? ୧୨ ମତର୍ ଇମଣାକାର୍ ବାଡ଼ ମାନାର୍, ହେଞ୍ଜାର୍ତି ବିଚାର୍ ଇସ୍ପର୍ କିନାନ୍ । ହେ ବାନ୍ୟା ଲଗାଙ୍ଗ୍ ମି ବିଡ୍ରେତାଂ ହପାଟ୍ ।



କ୍ରିଷ୍ଟିୟାନ୍ ଚଣ୍ଡାର୍ ବିରୁଦ୍ଧ ଗଣ୍ଡଗଲ୍

* ୫:୭ ୫:୭ ଗାଲାତିୟ ୫:୯.

୧ ମି ବିତ୍ରେତାଂ ଜନେରତି ବିନ୍ ଲଗାଂ ବିରୁଦ୍ଧ କାତା ମାତିସ୍ ହେୱାନ କି ବିଚାର କାଜିଂ ପୁଇପୁୟା ସାଦୁର ଲାଗାଂ ହାଲ୍‌ୱାଦା ଅଦାମିଂ ର ଲାଗାଂ ହାନି କାଜିଂ ସାସ୍ କିନାନ ? ୨ କି ସାଦୁର ଜେ ଜଗତ୍‌ନି ବିଚାର୍ଣ୍ଣା କିତାର୍, ଇ କାତା କି ଏପେଙ୍ଗ୍ ପୁନୁଦେର୍ ? ଆରେ ଜଦି ପୁତ୍ ମି ପୁଇପୁୟା ହୁଦାଂ ବିଚାର୍ଣ୍ଣା ଆନାଡ୍, ୱାଟିଙ୍ଗ୍ ଏପେଙ୍ଗ୍ କି ଅଲପ୍ ଅଲପ୍ ବିସ୍ତେ ବିଚାର୍ଣ୍ଣା କିଦେଙ୍ଗ୍ ଆଡୁଦେର୍ ? ୩ ଆସେଙ୍ଗ୍ ଜେ ଦୁଡ୍‌ରତି ବିଚାର କିନାକା, ଇଦାଂ କି ଏପେଙ୍ଗ୍ ପୁନୁଦେର୍ ? ୪ ୱାଟିଙ୍ଗ୍ ସିସାର୍ ଜିରୁନ୍ କାତା କି ଇନାକା ? ଲାଗିଂ, ଜଦି ବିଚାର କାଜିଂ ମିଦାଙ୍ଗ୍ ସିସାର୍ ଜିରୁନ୍ ବିସ୍ତେ ଇମ୍‌ଣି ବିସ୍ତେ ମାତିସ୍, ୱାଟିଙ୍ଗ୍ ମଣ୍ଡଲିତ ଇମ୍‌ଣାକାର୍ ବୁଜାଆଉର୍, ହେୱାରିଂ ବିଚାର୍ଣ୍ଣା କିଦେଙ୍ଗ୍ ବାଟି କିୟାଟ୍ ? ୫ ଆନ୍ ମିଙ୍ଗ୍ ଲାଜ୍ ହିଦନି କାଜିଂ ଇଦାଂ ଇଞ୍ଜନାଙ୍ଗା । ଟଣ୍ଡାର୍ ଟଣ୍ଡାର୍ ବିତ୍ରେ ଗଣ୍ଡଗଲ୍ କିଦେଙ୍ଗ୍ ଆଡୁନାଦେର୍, ଏପେଙ୍ଗ୍ ଇନାକା ରୱାନ ଇଞ୍ଜି ଗିଆନି ଲଗୁ ହାଡପା ବିତ୍ରେ ବିଚାର କିନାକାନ୍ ହିଲୁନ୍ ? ୬ ମତର୍ ଟଣ୍ଡାର୍ ଟଣ୍ଡାର୍ ବିରୁଦ୍ଧ ବିଚାର୍ଣ୍ଣା ଇଞ୍ଜ ଦାବା କିନାନ, ହେଦାଂ ଆରେ ପାତ୍ କିୱାକାର୍ ଲାଗାଂ ।

୭ ଏପେଙ୍ଗ୍ ଜେ ହାରି ବିରୁଦ୍ଧ ବିଚାର ଇଞ୍ଜ ଦାବା କିନାଦେରା, ହେବେ ଏପେଙ୍ଗ୍ ହାଡପା ଦସି । ନଲେ ଇନେକିଦେଂ ଅନ୍ୟାୟ୍ ହୁଞ୍ଜୁଦେରା ? ଇତିସ୍ ଇନେକିଦେଂ ଅନ୍ୟାୟ୍ ମାନିକିଉଦେରା ? ଇତିସ୍ ଇନାକିଦେଂ ନସ୍ ମାନି କିଉଦେରା ? ୮ ମତର୍ ଏପେଙ୍ଗ୍ ଜାର୍ ଜାର୍ ଅନ୍ୟାୟ୍ ଆରି ନସ୍ କିନାଦେରା, ଆରେ ହେଦାଂ ଟଣ୍ଡାର୍ ଆରି ତଣ୍ଡେକ୍ କାଜିଂ କିନାଦେରା । ୯ କି ଅଦାମିଂ ର ଜେ ଇସ୍‌ତ୍ ରାଜିତ ଆଦିକାର୍ ଆଉର୍, ଇଦାଂ କି ଏପେଙ୍ଗ୍ ପୁନୁଦେରା ? ବୁଲ୍‌କା ଆମାଟ୍, ଦାରି କି ପୁଡ଼ା ପୁଜାକିନାକାର୍ କି ଲକାର୍‌ଦାରି କି କଗ୍‌ଲେ ଚିନ୍ତା ଦାରୁଲା ୧୦ କି ମୁଟିଇଡ଼ନାକାନ୍ କି ଚରେନ୍ କି ଦାନ୍ ଲଗୁା କି ମଦ୍‌ୱା କି ବାନ୍ୟା ଲକାତ୍ ଜିନିସ୍ ଚରି କିନାକାନ୍ ଇୱାର୍ ଇସ୍‌ତ୍ ରାଜିତ ହେୱାର୍ ବାଗ୍ ପାୟା ଆଉର୍ । ୧୧ ଆରେ, ମି ବିତ୍ରେ ଜନେର୍ ଇନେର୍ ଏପେଙ୍ଗ୍ ମାଚାଦେର୍; ମତର୍ ମାପୁ ଜିସୁ କ୍ରିସ୍ଟି ତରଦ ଆରି ମା ଇସ୍‌ତ୍ ହୁଦାଂ ଏପେଙ୍ଗ୍ ନୁଜୟା ଆତାଦେର୍ଣ୍ଣା, ପୁଇପୁୟା କିୟା ଆତାଦେର୍ଣ୍ଣା ଆରି ଦାମିଂ ଇଞ୍ଜି ଗାଣ୍ଡି ଆତାଦେର୍ଣ୍ଣା ।

ଜାର ଗାଗାଡ଼ିଂ ଇସ୍ତତ୍ ଜାଜ୍‌ମାଲ୍ କାଜିଂ ଚିନ୍ତା କିୟାଟ୍

୧୭ ଓଜୁ ବିସ୍ତେ ଆଡ଼ଦେଂ ନା ଦାଇଡ଼ ହିଡ଼ତାଣ୍ଟା, ମତର୍ ଓଜୁ ବିସ୍ତେ ହାର୍‌ଦାକା ଆକାୟ୍ । ଓଜୁ ବିସ୍ତେ ଆଡ଼ଦେଂ ନା ଆଦିକାର୍ ମାନାଡ଼, ମତର୍ ଆନ୍ ଇମ୍‌ଣି ବିସ୍ତେ ତାରେନ୍ ଆଡ଼ଜ୍ ୧୩ ବିନ୍‌ନିକାର୍ ଇଞ୍ଜେଜ୍ ଆଡ଼ନାର୍” କାଦି ପଟ୍ କାଜିଂ, ଆରେ ପଟ୍ କାଜିଂ, ମତର୍ ଇସ୍ତର୍ ହାରିତିଂ ବୁଡ଼ାୟ୍ କିନାନ୍ । ଗାଗାଡ଼ ଦାରି କାଜିଂ ଆକାୟ୍, ମତର୍ ମାପୁଡ଼ି କାଜିଂ, ଆରେ ମାପୁ ଗାଗାଡ଼ କାଜିଂ; ୧୪ ଇସ୍ତର୍ ମାପୁଜ୍ ହାକିତାଂ ନିକତାନ୍, ଆରେ, ଜାର୍ ସାକ୍ତି ହୁଦାଂ ମାଜେଜ୍ ପା ନିକତାନାନ୍ ।

୧୫ ମି ଗାଗାଡ଼ ଜେ କ୍ରିସ୍ତତି ଗାଗାଡ଼ ଲାକେ, ଇଦାଂ କି ପୁନୁଦେରା ? ଖାଟିଜ୍ ଆନ୍ ଇନାକା କ୍ରିସ୍ତତି ଗାଗାଡ଼ ଅଜି ଦାରିଆତି ଗାଗାଡ଼ କିନାଜ୍ ? ହେଦାଂ ଇନାଖାତାଂ ପା ଆମେଡ଼ । ୧୬ କି ଇନେର୍ ଦାରିଆ ଲାହାଜ୍ ମେହାନାନ୍, ହେଖାନ୍ ତା ଲାହାଜ୍ ର ଗାଗାଡ଼ ଆନାନ୍, ଇଦାଂ କି ଏପେଜ୍ ପୁନୁଦେର୍ ? ଇନାକିଦେଂକି ଲେକା ମାନାଡ଼, “ହେଖାର୍ ରିଆର୍ ଏକ୍ ଆନାର୍ ।” ୧୭ ମତର୍ ଇନେର୍ ମାପୁଡ଼ି ଲାହାଜ୍ ଖାସ୍ତି ମେହା ଆନାର୍, ହେଖାନ୍ ହେଖାକ୍ତି ଲାହାଜ୍ ର ଜିବୁନ୍ ଆନାଡ଼ ।

୧୮ ଦାରିତାଂ ଦେହା ହାଲାଟ୍ । ମାନାୟ୍ ବିନ୍ ଇମ୍‌ଣାକା ପା ପାପ୍ କିତିସ୍, ହେଦାଂ ଗାଗାଡ଼ିନ୍ ବାଡ଼ହତାକା; ମତର୍ ଇନେର୍ ଦାରି କିତାନ୍, ହେଖାନ୍ ଜାର୍ ନିଜ୍ ଗାଗାଡ଼ ବିରୁଦ୍‌ତ ପାପ୍ କିନାନ୍ । ୧୯ ଏପ୍ ଇନାକା ପୁନୁଦେରା କି ଜେ ମି ଗାଗାଡ଼ ପୁଇପୁୟା ଜିବୁନିଂ ମନ୍ଦିର୍, ଇନାକା ଏପେଜ୍ ଇସ୍ତର୍ତାଂ ପାୟା ଆତାଦେଣ୍ଟା ? ଆରେ, ଏପେଜ୍ ଜାର୍ ଜାର୍ତିଂ ଆକାୟ୍; ୨୦ ଇନାକିଦେଂକି ଏପେଜ୍ ଜବର୍ ମଲ୍‌ଦ କଡ଼ୟାତାଦେଣ୍ଟା; ଲାଗିଂ ମି ଗାଗାଡ଼ ଇସ୍ତତ୍ ଜାଜ୍‌ମାଲ୍ ହପାଟ୍ ।



ବିବା ବିସ୍ତେନି ପର୍‌ସନ୍

୧ ଏପେଜ୍ ଇମ୍‌ଣି ସବୁ ବିସ୍ତେ ଲେକି କିତାଦେରନା, ହେ ସବୁନି ଉତର୍ ଇଦାଂ, କଗ୍‌ଲେ ହିମ୍‌ଣାକାଂ ତୁଖାକା ଆଣ୍ଟାଜ୍ ପାକ୍ୟାତ ହାର୍; ୨ ମତର୍ ଦାରି ପାଣ୍ଟୁ କାଜିଂ ଜାଣ୍‌କେ ଆଣ୍ଟାଜ୍‌ତି ଜାର୍ତିଂ କଗ୍‌ଲେ

ମାନେତ୍, ଆରେ ଜାଣକେ କର୍ଲେକ୍ନି ଜାର୍ତି ଆଣ୍ଡେନ୍ ମାନେନ୍ ।^୩ ଆଣ୍ଡେନ୍ କର୍ଲେତି ପାୟାଏଡ୍, ଆରେ ହେ ଲାକେ ପା କର୍ଲେ ଆଣ୍ଡେନ୍ ପାୟାଏଡ୍ ।^୪ କର୍ଲେତି ଜାର୍ ଗାଗାଡ୍ ଜପି କେମ୍ତା ଆକାୟ୍, ମତର୍ ଆଣ୍ଡେନ୍ତି ମାନାଡ୍; ହେ ବାନି ପା ଆଣ୍ଡେନ୍ତି ଜାର୍ ଗାଗାଡ୍ ଜପି ଆଦିକାର୍ ଆକାୟ୍, ମତର୍ କର୍ଲେତି ମାନାଡ୍ ।^୫ ହାରିତି ଆବ୍ଡ୍ କ୍ଲିମାଟ୍, ଏଚେକାଡ୍ ପାର୍ତାନା କାଜି ପାବ୍ ଗାଟାନି କାଜି ଦୁଲ୍ମାତାର୍ ର ବୁଜାମାଣା ଆଜି ଅଲପ୍ କାଡ୍ ବିନେ ମାଞ୍ଜେକ୍ ଆଡ୍ନାଦେର୍; ଆରେ, ମିଦାକ୍ ମାନ୍ ଦାବାୟ୍ ଅବାବ୍ ଲାଗି ସୟ୍ତାନ୍ ଇନେସ୍ ମିଞ୍ଜେକ୍ ପରିକ୍ୟା କିଦୁଡ୍, ଇଦା କାଜି ଆରେ ରଗ ରୁଣ୍ଡା ଆଡ୍ ।

^୬ ମତର୍ ଆନ୍ ବଲ୍ ହିଡ୍ତି ଲାକେ ଇଞ୍ଜାଦା ବୁଜାୟ୍ କିଡ୍ତି ଲାକେ ଇଦା ଇଞ୍ଜନାକ୍ ।^୭ ଆଡିସ୍ପା, ଇନେସ୍ ସବୁ ଲଗୁ ନା ଲାକେ ଆନାର୍, ଇଦା ନା ଇଚା । ମତର୍ ଇନେର୍ ଏପେକ୍, ଇନେର୍ ହେ ଏଲେ, ଜାଣକେ ଇସ୍ପର୍ତା ଦାନ୍ ପାୟାତାଣ୍ଡା ।

୮ ମତର୍ ଆନ୍ ଖାଟା ଆରି ରାଣ୍ଡିକା ଇନାକ୍, ହେଞ୍ଜେକ୍ ନା ଲାକେ ମାତିସ୍ ହେଞ୍ଜେକ୍ ପାକ୍ୟାତ ହାର୍ ।^୯ ମତର୍ ଜଦି ହେଞ୍ଜେକ୍ ମାନ୍ତ ଯାମାଲି କିଦେକ୍ ଆଡ୍ଡିତିସ୍, ଖାଟିକ୍ ହେଞ୍ଜେକ୍ ବିବା ଆୟେକ୍; ଇନାକିଦେକ୍ କାମାୟ୍ତ ତାହାନି ବାଟା ବିବା ଆନାକା ହାର୍ ।

^{୧୦} ମତର୍ ଇଲା ଆତାକାରି ଆନ୍ ବଲ୍ ହିନା, ଆନ୍ ଆକାୟ୍, ମତର୍ ମାପୁ ବଲ୍ ହିନାନ୍, କର୍ଲେ ଜାର୍ ତକ୍ରାତା ବିନେ ଆମେଡ୍, ^{୧୧} ମତର୍ ଜଦି ହେଦେଲ୍ ବିନ୍ ବିନ୍ ଆଡିସ୍, ଖାଟିକ୍ ହେଦେଲ୍ ଆରେ ବିବା କିମେଡ୍, ଆଡ୍ଡିତିସ୍ ଜାର୍ ଆଣ୍ଡେନ୍ ଲାହାକ୍ ମେହା ଆୟେଡ୍, ଆରେ ଆଣ୍ଡେନ୍ ଜାର୍ କର୍ଲେ ପିହ୍ମେନ୍ ।

^{୧୨} ମତର୍ ବିନ୍ ଲଗା ଖିଜାରି ଆନ୍ ଇନା ମାପୁ ଇନୁନ୍, ଜଦି ଇମ୍ଣି ଟାଣ୍ଡେନ୍ ତାକେ ପାଡ୍ ହିଡ୍ଡି ତକ୍ରି ମାତିସ୍, ଆରେ ହେଞ୍ଜାନ୍ ତା ଲାହାକ୍ ବାହା କିଦେକ୍ ରାଜି ଆଏନ୍, ତା ଆଡିସ୍ ହେଞ୍ଜାନ୍ ହେଦେଲ୍ ପିହ୍ମେନ୍ । ^{୧୩} ଆରେ, ଇନେର୍ ତକ୍ରି ତାକେ ପାଡ୍ କିଞ୍ଜାକାନ୍ ଆଣ୍ଡେନ୍ ମାତିସ୍, ଆରେ ହେଞ୍ଜାନ୍ ଲାହାକ୍ ବାହା କିଦେକ୍ ରାଜି ଆଏଡ୍, ହେଦେଲ୍ ତା ତକ୍ରାହି ପିହ୍ମେଡ୍ । ^{୧୪} ଇନାକିଦେକ୍ ପାଡ୍ କିଞ୍ଜି ଆଣ୍ଡେନ୍ ପାଡ୍ କିନି ତକ୍ରି ଲାହାକ୍

ସକଟ୍ କିୟାଆନାତାତ୍ତନା, ଆରେ ପାତ୍ କିଞ୍ଚି ତକ୍ତ୍ ପାତ୍ କିନି ଆଣ୍ଡେନ୍ କାଜିଂ ସକଟ୍ କିୟାଆନାତାତ୍ତନା; ହେଦାଂ ଆଞ୍ଚିତିସ୍ ମି ହିମ୍ମାଂ ରାଡା ଆତାମା, ମାତର୍ ନଙ୍ ହେଞ୍ଜାର୍ ସକଟ୍ । ୧୫ ଆତିସ୍ପା ଜଦି ପାତ୍ କିଞ୍ଚାକା ବିନେ ଆଦେଂ ଇଚା କିତିସ୍, ଖାଟିଙ୍ ହେଦେଲ୍ ବିନେ ଆୟେଡ୍; ଏଲେଙ୍ ବାହାତ ହେ ଟଣ୍ଡେନ୍ କି ତଣ୍ଡେଲ୍ ହୁରପିୟା ଆଖାତାଣ୍ଡା, ଇସ୍ପର୍ ମିଙ୍ ସୁସ୍ତାତ ବେବାର୍ କିଦଦେଂ ଆସ୍ତାତାନ୍ନା । ୧୬ ଲାଗିଂ ଏ କଗଲେ, ଏପେଙ୍ ଜେ ଜାର୍ ପାତ୍ ତକ୍ତାତି ମୁକ୍ତିନି କାରଣ୍ ଆନାଦେର୍, ଇଦାଂ ଇନାକା ପୁନୁୟ୍ ? କି ଏ ଆଣ୍ଡାଙ୍, ଏପେଙ୍ ଜେ ଜାର୍ କଗଲେତି ମୁକ୍ତାନି କାରଣ୍ ଆନାଦେର୍, ଇଦାଂ ଇନାକା ପୁନାଦେର୍ ?

ଇନେସ୍ କୁକ୍ତାକା ହେ ଏଲେଙ୍ ଚିନ୍ତା

୧୭ କେବଲ୍ ମାପୁ ଇନେରିଂ ଦାନ୍ ପାସ୍ତାତାନ୍ନା, ଇସ୍ପର୍ ଝିଜାରିଂ ଇନେସ୍ କୁକ୍ତାନ୍ନା ହେଞ୍ଜାନ୍ ହେ ଲାକେ ଚିନ୍ତା କିଏନ୍ । ଆନ୍ ସବୁ ମଣ୍ଡଲିତ ଏଲେଙ୍ ବାନି ବଲ୍ ହିନାଂ । ୧୮ ଇନେନକି ସୁନ୍ନଡ୍ ଲାକେ ଇସ୍ପର୍ ହୁକେ କୁକ୍ତାତାନ୍ନା ? ହେଞ୍ଜାନ୍ ସୁନ୍ନଡ୍ ଆକାୟ୍ ଲାକେ ଚଞ୍ଚିୟା ଆଦେଂ ସେସ୍ କିମେନ୍ । ଇନେ ଇନେନକି ସୁନ୍ନଡ୍ ଆକାୟ୍ ଲାକେ କୁକ୍ତାତାନ୍ନା ? ହେଞ୍ଜାନ୍ ସୁନ୍ନଡ୍ ଆମେନ୍ । ୧୯ ସୁନ୍ନଡ୍ ଆନାକା କି, ଆରେ ସୁନ୍ନଡ୍ ଆକାୟ୍ ମୁଡ୍ଡେ ଆକାୟ୍, କେବଲ୍ ଇସ୍ପର୍ ବଲ୍ ପାଲି କିନାକା ନେ ଗାଜା । ୨୦ ଇସ୍ପର୍ ଖାତିଲେ ହେ ଇମ୍ଫିଶି ଅବସ୍ତାତ କୁକ୍ତାତାଦେଣ୍ଡା, ହେଞ୍ଜାନ୍ ହେବେ ମାନେନ୍ । ୨୧ ଏପେଙ୍ କି ଆଡିଏନ୍ ଆଜି କୁକ୍ତାତାଦେଣ୍ଡା ? ଚିନ୍ତା କିମାଟ୍; ମତର୍ ଏତେକାଡ୍ ମୁକ୍ତା ଆଦେଂ ଆଡ୍ନାଦେର୍, ତେବେ ନଲେ ସୁବିଦା ହୁଡାଟ୍ । ୨୨ ଇନାକିଦେଂକି ଇନେର୍ ଆଡିଏନ୍ ଆଜି ମାପୁତାକେ କୁକ୍ତାତାନ୍ନା, ହେଞ୍ଜାନ୍ ମାପୁତି ମୁକ୍ତାତି ଲଗ୍; ହେ ଲାକେ ଇନେର୍ ମୁକ୍ତା ଆଜି କୁକ୍ତାତାନ୍ନା, ହେଞ୍ଜାନ୍ କ୍ରିସ୍ଟି ଆଡିଏନ୍ । ୨୩ ଏପେଙ୍ ବେସି ମଲ୍ଦ କଡ୍ଡିୟାତାଦେଣ୍ଡା, ମାନାୟ୍ନି ଆଡିଏନ୍ ଆମାଟ୍ । ୨୪ ଏ ଟଣ୍ଡାର୍, ଆରି ତଣ୍ଡେକ୍ ଜାଣ୍ଡକେ ଇମ୍ଫିଶି ଅବସ୍ତାତ କୁକ୍ତାତାଦେଣ୍ଡା; ହେଞ୍ଜାନ୍ ଇସ୍ପର୍ ରତେ ମାନ୍ଞି ହେ ଅବସ୍ତାତ ମାନେନ୍ ।

ଖାଟା ଆରି ରାଣ୍ଡିକ୍ ବିସ୍ତେ ପର୍ସନ୍

୨୫ ଗାଡ଼ରେକ୍ତି ବିସ୍ତେ ଆନ୍ ମାପୁତାଂ ଇମ୍ଣାକା ପା ବଲ୍
ଗାଗାଞ୍ଜାତାଂନା; ମତର୍ ମାପୁତି ଦୟାତାଂ ପାତ୍ ଲଗୁ ଆଜି ଜାର୍ତିଂ
କାତା ହିନାଜା ।

୨୬ ଆନ୍ ବାବି କିନାଜା ଜେ, ମାନାୟ୍ ଇନେସ୍ ମାନାନ୍, ସୁନ୍ତ୍ ଆଞ୍ଜି
କସ୍ ଲାଗିଂ ହେ ଲାକେ ମାନାକା ହାର୍ । ୨୬ ଏପେଙ୍ଗ୍ ଜେ ଡକ୍ତି ହୁଦାଂ
ମାନାଦେର୍ ? ଲାଗିଂ ମୁକ୍ତା ଆନି କାଜିଂ ସେସ୍ କିମାଟ୍ । ଏପେଙ୍ଗ୍
ଜେ ଡକ୍ତିହୁଦାଂ ମୁକ୍ତାନାଦେର୍ ? ତେବେ ଡକ୍ତି ଗାଗାନି କାଜିଂ ସେସ୍
କିମାଟ୍ । ୨୮ ମତର୍ ଜଦି ଏଲେଙ୍ଗ୍ ବିବା କିତାଦେଣ୍ଟା, ତା ଆତିସ୍ପା
ପାପ୍ କିଞ୍ଜାତାଦେଣ୍ଟା; ଆରେ ଜଦି ଜିପଲି ବିବା କିତାଦନା, ତା ଆତିସ୍
ହେଦେଲ୍ ପାପ୍ କିଞ୍ଜାତାଦନା । ଆତିସ୍ପା ଏଲେଙ୍ଗ୍ ଲଗୁ ଗାଗାଡ଼
କସ୍ ବଗ୍‌କିନି କାଜିଂ; ଆରେ ଏପେଙ୍ଗ୍ ଇନେସ୍‌କି ହେବେତାଂ ରାକ୍ୟା
ପାୟାଡ଼, ଇଦାଂ ନା ମାନ୍ ।

୨୯ ମତର୍ ଏ ଟଣ୍ଡାର୍, ନା କାତା ମାନ୍ ଏଲେଙ୍ଗ୍, ସମୁ ବେସି ଡଣା,
ଲାଗିଂ ଇମ୍ଣାକାତ୍ ଡକ୍ତି ମାନାଡ଼, ହେଞ୍ଜାର ଡକ୍ତି ହିଲ୍‌ଞ୍ଜି ଲାକେ
ଆଏର୍ । ୩୦ ଆରେ, ଇନେର୍ ଆଡ଼୍‌ବାନାର୍, ହେଞ୍ଜାର୍ ଆଡ଼୍‌ବାଞ୍ଜାକାର୍
ଲାକେ ଆଏର୍; ଆରେ, ଇନେର୍ ଦୁକ୍ କିତାର୍, ହେଞ୍ଜାର୍ ଦୁକ୍
କିଞ୍ଜାକାର୍ ଲାକେ ଆଏର୍; ଇନେର୍ କଡ଼୍‌ନାର୍, ହେଞ୍ଜାର୍ କଡ଼୍‌ଞ୍ଜାକାର୍
ଲାକେ ଆଏର୍; ୩୧ ଆରେ, ଇନେର୍ ସିସାର୍ ବିସ୍ତେ ବଗ୍ କିତାର୍,
ହେଞ୍ଜାର୍ ବଗ୍ କିଞ୍ଜାକାର୍ ଲାକେ ଆଏର୍ । ଇନାକିଦେଂକି ଇ ଜଗଡ଼ନି
ବାନା ବାଦ୍‌ଲା ଆନାତା ।

୩୨ ମତର୍ ଏପେଙ୍ଗ୍ ଇନେସ୍‌କି ଚିନ୍ତା କିମାଟ୍, ଇଦାଂ ନା ଇତା ।
ଇନେନ୍ ଝାଟା, ହେଞ୍ଜାନ୍ ଇନେସ୍‌କି ମାପୁତି ମାନ୍‌ସତକ୍ ଆନାଦେର୍,
ହେଦାଂ କାଜିଂ ମାପୁନି ବିସ୍ତେ ଆସ୍ତି ଚିନ୍ତା ଆଡ଼୍; ୩୩ ମତର୍ ଇନେନ୍
ଇଲା ଆତାକାନ୍, ହେଞ୍ଜାନ୍ ଇନେସ୍ ଜାର୍ ଡକ୍ତିତି ମାନ୍‌ସତକ୍ ଲଗୁ
ଆନାନ୍, ହେଦାଂ କାଜିଂ ହେଞ୍ଜାନ୍ ପୁତ୍‌ନି ବିସ୍ତେ ଆସ୍ତି ଚିନ୍ତା କିନାନ୍,
ଆରେ ତା ମାନ୍ ବିନେବିନେ ଆନାଡ଼ । ୩୪ ଲାଗିଂ ହେଞ୍ଜାନ୍‌କ୍ତି ମାନ୍
ରିବାଗ୍ ଆୟେଡ଼ ଡିଣ୍ଡା କଗଲେ ଆରି ଜିପଲି ମାପୁ କାମାୟ୍ ଗାଗାଡ଼ତ
ଆରି ଜିରୁକ୍ତ ପୁଇପୁୟା ଆନି କାଜିଂ ମାପୁତି ବିସ୍ତେ ଅଜି ଚିନ୍ତା ଆନାର୍;
ମତର୍ ଇଦେଲ୍ ଇଲା ଆତାକା, ହେଦେଲ୍ ଇନେସ୍ ଜାର୍ ଆଣ୍ଡେକ୍ତି
ମାନ୍‌ସତକ୍ କଗଲେ ଆନାଡ଼, ହେଦାଂ କାଜିଂ ପୁତ୍ ବିସ୍ତେ ଅଜି ଚିନ୍ତା

ଆଡୁ ।

୩୫ ଇ କାତା ଆନ୍ ମିଦାଈ ଜାର ହାର କାଜିଂ ଇଞ୍ଜନାଈ, ମିଈ ଗାଡ଼ଚିତ ଆସ୍ତେଈ ଇଞ୍ଜୁଈ, ମତର୍ ଏପେଈ ଇନେସ୍ ହାର ଚିନ୍ତା ଜିସୁ ର ମାତ୍ର ମାପୁ ତାକେ ଲାଗାଜି ମାନାଡ଼, ଇଦାଂ କାଜିଂ ଇଞ୍ଜନାଈ ।

୩୬ ମତର୍, ଖାଟିଈ ଇମ୍‌ଣି ମାନାୟ୍ ଜାର ଗାଡ଼ଚେନି ଜିପଲି ଅବସ୍ତା ହାଚାଡ଼ନା, ଆରେ ହେଦେଲ୍ ତା କାଜିଂ କିଞ୍ଜାକା ଚିନ୍ତା କିନାତା ଇଞ୍ଜି ବାବି କିନାଡ଼, ତେବେ ଲଡ଼ାନିମାନ୍ କିତିସ୍ ହେଦେଲ୍ ଇନାକା ଇଚା, ହେଦାଂ କିଏଡ଼; ହେବେ ପାପ୍ ଆକାୟ୍; ହେଞ୍ଜେକ୍ ବିବା ଆୟେକ୍ ।

୩୭ ମତର୍ ଜେ ଖାସ୍ତିତ ତିର୍ ମାନାଡ଼, ଆରେ ଲଡ଼ା କିଞ୍ଜିତିସ୍, ଆରେ ଇନେରତି ଜାର ଇଚା ଲାହାଈ କିଦେଈ ଆଦିକାର୍ ମାଚିସ୍, ଆରେ ଇନେର୍ ଜାର ଗାଡ଼ଚେଂ ଜିପଲି ଇଡ଼ଦେଂ କାଜିଂ ଖାସ୍ତିତ ତିର୍ କିତାନ୍ନା, ହେଦେଲ୍ ହାର କିତାଡ଼ନା । ୩୮ ଲାଗିଂ ଇନେର୍ ଜାର ଜିପଲି ବିବା କିନାନ୍, ହେଞ୍ଜାନ୍ ହାର କିନାନ୍, ଆରେ ଇନେର୍ ବିବା କିଡ଼ନ୍, ହେଞ୍ଜାନ୍ ଆରେ ହାର କିନାନ୍ ।

୩୯ ଆଣ୍ଟେନ୍ ଜିଜି ମାନି ପାତେକ୍ କଗଲେ ଗାଚ୍ୟାଜି ମାନାଡ଼; ମତର୍ ଆଣ୍ଟେନ୍ ହାତିସ୍, ଖାଟିଈ କଗଲେ ମାପୁତି ତାକେ ପାଚି ନିକା ଇନେରିଂ ମାନ୍, ହେଞ୍ଜାନିଂ ବିବା କିଦେଈ ଜାରମାନ୍ । ୪୦ ମତର୍ ହେଦେଲ୍ ହେ ଲାକେ ମାଚିସ୍ ଆଦିକ୍ ସୁକ୍ ଆନାଡ଼, ଇଦାଂ ନା ଇନାକା, ଆରେ ଆନ୍ ପା ଇସ୍ତ ଜିବୁନ୍ ପାୟାତାଂନା ଇଞ୍ଜି ବାବି କିନାଈ ।

୮

ପେନ୍ ଆକାଡ଼ ବିସ୍ତେ

୧ ପେନ୍ ପୁଜାକିତି ଆକାଡ଼ ବିସ୍ତେ ନା ଉତର୍ ଇଦାଂ, ମାଦାଂ ଝିଜାକାଚିଂ ଗିୟାନ୍ ମାନାଡ଼ ଇଞ୍ଜି ଏପେଈ ଇନାକା ଇନାଦେରା, ହେଦାଂ ଆପ୍ ପୁନାପ୍ । ଗିୟାନ୍ ଆକାର୍ ଉବ୍‌ଜାଣ୍ କିନାଡ଼, ମତର୍ ଜିଉନନିତାଂ ହାରଦାକା ହନାଡ଼ । ୨ ଜଦି ଇନେର୍ ଇମ୍‌ଣି ବିସ୍ତେ ପୁନାନ୍ ଗିଆନି ଇଞ୍ଜି ବାବି କିତାର୍, ଲାଗିଂ ହେଞ୍ଜାନ୍ତି, ଇନେସ୍ ପୁନାକା ଲଡ଼ା ହେଞ୍ଜାନ୍ ଇ ପାତେକ୍ ପୁନ୍‌ଖାତାନ୍ନା; ୩ ମତର୍ ଜଦି ଇନେର୍ ଇସ୍ତରତିଂ ଜିଉନନାର୍, ଇସ୍ତର ତାକେଈ ପୁଚାନ୍‌ନା । ୪ ଲାଗିଂ ପେନ୍

ପୁଜାକିତି ଆକାଡ଼ ତିନି ବିସ୍ତେ ଆସେଙ୍ଗ ପୁନାସ୍ ଜେ, ପୁତ୍ ତ ପେନକୁ
 ଇଞ୍ଜି ଇନାକା ମୁଲ୍ୟ ହିଲେଡ଼, ଆରେ ର ଇସ୍ୱର୍ ପିସ୍ୱି ରିଣ୍ଡାଂ
 ହିଲେକ୍ । ୫ ଇନାକିଦେଂକି ସାଗେତ ଆୟେଡ଼ କି ପୁତ୍ ତ ଆୟେଡ଼,
 ଇମ୍ନାକାରିଂ ପେନ୍ ଇଞ୍ଜି ଇନାର୍, ଆତିସ୍ୱା ହେଞ୍ଜେକ୍ ମାନ୍‌ଗିନିକ୍‌ପା
 ଇ ଲାକେ ତ ହେନି ପେନକୁ ଆରି ବେସି ମାପୁ ମାନିକ୍, ୬ ମତର୍
 ମା ରଞ୍ଜାନ୍ ମତର୍ ଇସ୍ୱର୍, ଇତିସ୍ ଇମ୍ନା ଆବା ତାକେଣ୍ଡାଂ ସବୁ
 ବିସ୍ତେ ଉଦ୍‌ଜା ଆତାଡ଼ନ୍ନା, ଆରେ ଆସେଙ୍ଗ ହେଞ୍ଜାନ୍ତି କାଜିଂ ଉପଜା
 ଆତାସ୍‌ନା ଆରେ ରଞ୍ଜାନ୍ ମତର୍ ମାପୁ, ଜିସୁ କ୍ରିସ୍ତୁ ହେଞ୍ଜାନ୍ତି ହୁକେ ଝିଜୁ
 ବିସ୍ତେ ଆତାଡ଼ନ୍ନା, ଆରେ ହେଞ୍ଜାନ୍ତି ହୁକେ ଆସେଙ୍ଗ ଆତାସ୍‌ନା ।

୭ ଆତିସ୍ୱା ଝିଜାକାର୍‌ତି ଇ ଗିଆନ୍ ହିଲୁଡ଼; ମାତର୍ କେତେକ୍ ଲକୁ
 ଇ ପାତେକ୍ ପେନ୍ ମାନାଡ଼ ଇଞ୍ଜି ପୁନ୍‌ଞ୍ଜି ପେନ୍ ପୁଜାକିତି ଆକାଡ଼
 ତିନାର୍, ଆରେ ହେଞ୍ଜାନ୍ତି ବାବ୍‌ନା ନାଦାର୍ ମାତିସ୍ ଦସି ଆନାର୍ ।
 ୮ ମତର୍ ତିନାକାଉଣାକା ମାଙ୍ଗେଙ୍ଗ୍ ଇସ୍ୱର୍ ଲାଗାଂ ଇଡ଼ନାକା କି
 ଇଟ୍‌ୟାଞ୍ଜାକା କିୟା ଆଉଡ଼; ତିନ୍‌ଝିତିସ୍ ମାଦାଂ ନସ୍ତୁ ଆଉଡ଼ କି ଚିତିସ୍
 ମାଙ୍ଗେଙ୍ଗ୍ ଲାବ୍ ଆଦୁଡ଼ ।

୯ ମତର୍ ଜାଗ୍ରଡ଼, ଏବେକାଡ଼ଦ ମିଦାଙ୍ଗ୍ ଇ ଜାର୍ ଆଦିକାର୍
 ନାଦାରିଂ ଉସ୍‌ନାକା ଆନାଡ଼ । ୧୦ ଇନାକିଦେଂକି ଗିଆନି ଜେ
 ଏପେଙ୍ଗ୍, ମିଙ୍ଗେଙ୍ଗ୍ ଜଦି ଇନେର୍ ମନ୍ଦିର୍ ଇଞ୍ଜି ତିନିତାକେ କୁଡ଼ନାକା
 ହୁଡ଼ଦାନାର୍, ଲାଗିଂ ହେଞ୍ଜାନ୍ ନାଦାର୍ ଆଜି ମାତିସ୍ ହେଞ୍ଜାନ୍ତି ବାବ୍‌ନା
 ଇନାକା ପେନକୁ ଆକାଡ଼ ତିଜେଙ୍ଗ୍ ସାସ୍ ଆଉନ୍ ? ୧୧ ଲାଗିଂ ଇମ୍ନା
 ନାଦାର୍ ଟଣ୍ଡେନ୍ କାଜିଂ କ୍ରିସ୍ତୁ ହାତାନ୍, ହେଞ୍ଜାନ୍ “ମି ଗିୟାନ୍” ହୁକେ
 ନସ୍ତୁ ଆନାତା । ୧୨ ଇ ଲାକେ ଟଣ୍ଡାର୍ ବିରୁତାଂ ପାପ୍ ଜିସୁ ଆରି
 ହେଞ୍ଜାନ୍ତି ନାଦାର୍ ବାବ୍‌ନାତିଂ ଗାଅ ଜିସୁ ଏପେଙ୍ଗ୍ କ୍ରିସ୍ତୁ ବିରୁଦ୍‌ତ
 ପାପ୍ କିନାଦେରା । ୧୩ ଲାଗିଂ ଜଦି ତିନାକା ଉଣାକା ନା ଟଣ୍ଡେନ୍
 ବାଦାନି କାରଣ୍ ଆତିସ୍, ଝାଟିଙ୍ଗ୍ ନା ଟଣ୍ଡେନ୍ ଇନେସ୍ ନା ହୁଦାଂ ବାଦା
 ପାୟା ଆଉନ୍, ଇଦାଂ କାଜିଂ ଆନ୍ ମୁଡ଼ ପା ଜାଇ ତିନୁଙ୍ଗ୍ ।



ପକ୍ୟାତାକାର୍‌ତି ଆଦିକାର୍ ଆରି କାମାୟ୍

୧ ଏପେଙ୍ଗ ଇନାକା ଜାର୍ତ୍ତାରେନ୍ ମାନାୟ ଆକାୟ ? ଆନ୍ ଇନାକା ରଖାଙ୍ଗ ପକ୍ୟାତାକାନ୍ ଆକାୟ ? ଆନ୍ ଇନାକା ମା ମାପୁ ଜିସୁଙ୍ଗ ଚଞ୍ଜୟା ଖାତାମ୍ନା ? ଏପେଙ୍ଗ ଇନାକା ମାପୁ ତାକେ ନା କିତି କାମାୟ ଆକାୟ ? ୨ ଜଦି ଆନ୍ ବିନ୍ନିକାର୍ ଲାଗାଂ ରଖାଙ୍ଗ ପକ୍ୟାତାକାନ୍ ଆକାୟ, ଆତିସ୍ପା ମି ଲାଗାଂ ଆତିସ୍ପା ରଖାନ୍ ପକ୍ୟାତାକାନ୍, ଇନାକିଦେଂକି ମାପୁତାକେ ଏପେଙ୍ଗ ନା ପକ୍ୟାତି ପାଦ୍ତ ତିନ୍ଲାକେ ।

୩ ନା ବିଚାର୍ କିନାକାରିଂ ନା ଉତର୍ ଇଦାଂ । ୪ ତିନାଉଣା କିଦେଙ୍ଗ ଇନାକା ମା ଆଦିକାର୍ ଆକାୟ ? ୫ ବିନ୍ ଝିଜାର୍ ପକ୍ୟାତାକାର୍, ମାପୁତି ଟଣ୍ଡାର୍ ଆରି ତଣ୍ଡେକ୍ କେପାତି ଲାକେ ପାତ୍ କିନି କଗ୍ଲେ ବିବା କିଜି ରଚେ ଅଜି ହାଞ୍ଜେଙ୍ଗ ଇନାକା ମା ଆଦିକାର୍ ଆକାୟ ? ୬ କି ଜିନି ଜପି କସ୍ ପିସ୍ତେଂ ଇନାକା କେବଲ୍ ଆନ୍ ଆରି ବର୍ଣ୍ଣବାଂ ଆଦିକାର୍ ଆକାୟ ? ୭ ଇନେନ୍ ଜାର୍ କର୍ତ୍ତ ଇନାଖାତାଂ ମେଲ୍ୟା ବୁରତି କିନାନ୍ ? ଇନେନ୍ ଅଙ୍ଗୁର୍ ବାଡ୍ କିଜି ହେବେନି ପାଡ୍ ତିନୁନ୍ ? ନଲେ ଇନେନ୍ ପସୁମାୟା ପାଲି କିଜି ମାୟାନି ପାଲ୍ ଉଣୁନ୍ ?

୮ ଆନ୍ ମାନାୟ ବାବ୍ରେ ଇନାକା ଇ ସବୁ କାତା ଇନାଙ୍ଗା ? ମସାତି ବିଦି ପା ଇନାକା ଇ ସବୁ କାତା ଇନୁଡ୍ ? ୯ *ଇନାକିଦେଂକି ମସାତି ବିଦିତ ଇଦାଂ ଲେକା ମାନାଡ୍, “କଟେର୍ତ ବୁଲାନି ବଇଲ୍ତି ମୁଡ୍ଲାତ ଗାଡ୍ମାଡ୍ । ଇସ୍ପର୍ ଇନାକା ବଇଲା ବିସ୍ତେ ତିତା କିନାନ୍ ? ୧୦ ହେଞ୍ଜାନ୍ ଇନାକା କେବଲ୍ ମା କାଜିଂ ଇଦାଂ ଇନୁନ୍ ? ଆଁ ମା କାଜିଂ ଇଦାଂ ଲେକି କିୟାଆତାଡ୍ନା, ଇନେସ୍ ଇନେନ୍ ତାସ୍ କିନାନ୍, ଆହାତ ହେଞ୍ଜାନ୍ତି ତାସ୍ କିନି ଲଡା, ଆରେ ଇନେନ୍ ବେଙ୍ଗ୍ଲା ଗାଡ୍ନାନ୍, ବାଗ୍ ପାୟାନି ଆହାତ ତ ବେଙ୍ଗ୍ଲା କିନି ଲଡା । ୧୧ *ଜଦି ଆପେଂ ମି କାଜିଂ ହାଦ୍ ବିୟାନ୍ ଝିଡ୍ନାପା, ଲାଗିଂ ମିଦାଙ୍ଗ୍ ଇ ବାରିତି ତାସ୍ ତ୍ରେସ୍ତି ଇନାକା ଅଲପ୍ନି ବିସ୍ତେ ? ୧୨ ଜଦି ବିନ୍ନିକାର୍ ମିଙ୍ଗେଙ୍ଗ୍ ବାଗ୍ ଆଦିକାର୍ ମାନାର୍, ତେବେ ଆପେଂ ଇନାକା ଆରେ ଆଦିକ୍ ଆକାୟ ?

ଆତିସ୍ପା ଆସେଙ୍ଗ୍ ହେ ଆଦିକାର୍ ବେବାର୍ କିଉପା; ମାତର୍ ଇନେସ୍ ଆପେଂ କ୍ରିସ୍ତୁତି ନେକ୍ରିକାବୁର୍ ଇମ୍ଣି ବାଦା ଉବ୍ଜାୟ

କିମେତ୍, ଇଦାଂ କାଜିଂ ଓଜାପ୍ ହୁଞ୍ଜନାପା । ୧୩ ଇମ୍‌ଶାକାର ମନ୍ଦିରତ ହେବା କିତାର, ହେଞ୍ଜାର ଜେ ମନ୍ଦିରତାଂ କାଦି ପାୟାନାର, ଆରେ ଇମ୍‌ଶାକାର ଗାର୍‌ଶିନି ବାଗି ଆନାର, ଇଦାଂ ଇନାକା ପୁନୁଦେରା ? ୧୪ ☆ହେ ଲାକେ ଇମ୍‌ଶାକାର ନେକ୍ରିକାବୁର ସୁଶାୟ କିତାର, ହେଞ୍ଜାର ଜେ ନେକ୍ରିକାବୁର ହୁକେ ଜିନି ଚିନ୍ତା କିତାର, ଇଦାଂ ମାପୁ ବଲ୍ ହିତାନନା ।

୧୫ ମତର୍ ଆନ୍ ଇ ସବୁ ବିସ୍ତେ ଇନାକା ଚିନ୍ତା କିଉଙ୍ଗା, ଆରେ ନା କାଜିଂ ଇନେନ୍ ଏପେଙ୍ଗ କିନାନ୍, ଇଦାଂ କାଜିଂ ଆନ୍ ଇ ସବୁ ଲେକି କିଉଙ୍ଗା; ଇନାକିଦେଂକି ଇନେର୍ ନା ଇ ଗରବ୍ ପଲ୍ୟା ବାଟା ଇଦିସ୍ ନା ହାନାକା ହାର । ୧୬ ଇନାକିଦେଂକି ଆନ୍ ଜଦି ନେକ୍ରିକାବୁର ସୁଶାୟ କିନାଙ୍ଗ୍, ହେବେ ନା ଗରବ୍ କିନାକା ଇନାକା ଆକାୟ୍, ଲାଗିଂ ହେଦାଂ କିନି କାଜିଂ ଆନ୍ ପାକା; ଆରେ ଜଦି ଆନ୍ ନେକ୍ରିକାବୁର ସୁଶାୟ କିଉନ୍, ଲାଗିଂ ହାୟ୍, ନା ଡଣ୍ଡି ବାହା । ୧୭ ଇନାକିଦେଂକି ଜଦି ଆନ୍ ନିଜେ ଏଲେଙ୍ଗ କିନାଙ୍ଗ୍, ଲାଗିଂ ନା ଇନାମ୍ ମାନାଡ୍; ମତର୍ ଜଦି ନିଜେ କିଉଙ୍ଗ୍, ଲାଗିଂ ନେ ଗୁମୁସ୍ତାନି ବଜ୍ ନା ତାକେ ହେଲାୟ୍ ଆତାଡନ୍ନା । ୧୮ ଲାଗିଂ ନା ଇନାମ୍ ଇନାକା ? ହେଦାଂ ଇଦାଂ ଜେ, ଇନେସ୍ ଆନ୍ ନେକ୍ରିକାବୁରତ ମାନି ନା ଆଦିକାର ଚିନ୍ତା କିଞ୍ଜାଦାଂ ନେକ୍ରିକାବୁର ସୁଶାୟ କିଉ କିଉ ହେ ନେକ୍ରିକାବୁରତିଂ ମଲ୍‌ହିଲ୍‌ଞ୍ଜି ବିସ୍ତେ କିନାନ୍ ।

୧୯ ଇନାକିଦେଂକି ଇନେସ୍ ଆନ୍ ଆଦିକ୍ ହେନି ମାନାୟ୍ ଲାବ୍ କିଦେଙ୍ଗ୍ ଆଡ୍‌ନାଙ୍ଗ୍, ଇଦାଂ କାଜିଂ ଆନ୍ ଇନେର୍ ତାରେନ୍ ଆଞ୍ଜିତିସ୍ତା ଜାରତିଂ ଓଜାର୍ ଆଡ୍‌ୟା କିତାଙ୍ଗ୍ । ୨୦ ଇନେସ୍ ଆନ୍ ଜିହୁଦିରିଙ୍ଗ୍ ଲାବ୍ କିଦେଙ୍ଗ୍ ଆଡ୍‌ନାଙ୍ଗ୍, ଇଦାଂ କାଜିଂ ଜିହୁଦିର୍ ଲାଗାଂ ଆନ୍ ଜିହୁଦି ଲାକେ ଆତାଙ୍ଗ୍; ଇନେସ୍ ବିଦି ତାରେନ୍ ମାନି ମାନାୟାରିଂ ଲାବ୍ କିଦେଙ୍ଗ୍ ଆଡ୍‌ନାଙ୍ଗ୍, ଇଦାଂ କାଜିଂ ଆନ୍ ବିଦିନି ତାରେନ୍ ଆଞ୍ଜିତିସ୍ତା ବିଦି ତାରେନ୍ ମାନାୟାର ଲାଗାଂ ବିଦି ବୁଇନି ଲାକେ ଆତାଙ୍ଗ୍ । ୨୧ ହେ ଲାକେ ମସାତି ବିଦିଞ୍ଜିସ୍ତି ଲାବ୍ କିନି କାଜିଂ ଆନ୍ ହେଞ୍ଜାର୍ ବିତ୍ରେ କାମାୟ୍ କିନି ଞ୍ଜାଡାଙ୍ଗ୍ ପାତ୍ କିଞ୍ଜି ଜିହୁଦିର୍ ଲାକେ ବିଦି ବାର୍ତ୍ତ ବେବାର୍ କିନାଙ୍ଗା । ଇ ଅରଡ୍ ଆକାୟ୍ ଜେ, ଆନ୍ ଇସ୍‌ବୁର୍ତି

☆ ୯:୧୪ ୯:୧୪ ମାଡିଉ ୧୦:୧୦; ଲୁକ ୧୦:୭.

ନିୟମ୍ ପାଲି କିଭଙ୍ଗ । ହାତପାତ ଆନ୍ କ୍ରିସ୍ତୁତି ବିଦି ତାରେନ୍ ଆତା
 । ୨୨ ଇନେସ୍ ଆନ୍ ନାଦାରିକାଂ ଲାବ୍ କିଦେଙ୍ଗ୍ ଆଡ଼ନାଙ୍ଗ୍, ଇଦାଂ
 କାଜିଂ ଆନ୍ ନାଦାର୍ତ୍ତି ଲାଗାଂ ନାଦାର୍ ଲାକେ ଆତାଙ୍ଗ୍; ଇନେସ୍
 ଆନ୍ ଇମ୍ପଣିବାନି କେତେଜାଣତିଂ ରାକ୍ୟା କିଦେଙ୍ଗ୍ ଆଡ଼ନାଙ୍ଗ୍, ଇଦାଂ
 କାଜିଂ ଆନ୍ ଝିଜାର୍ ଲାଗାଂ ସବୁବାନି ଆତାଙ୍ଗନା ।

୨୩ ଆନ୍ ଇନେସ୍ ନେକ୍ରିକାରୁରନ୍ ଆସିର୍ବାଦ୍ତ ମେହା ଆନାଙ୍ଗ୍,
 ଇଦାଂ କାଜିଂ ଆନ୍ ନେକ୍ରିକାରୁର କାଜିଂ ସବୁ କିନାଙ୍ଗ୍ । ୨୪ ଇମ୍ପଣାକାର୍
 କାତ୍ରା ବୁଇଁତ ହନ୍ନାର୍, ହେଝାର୍ ଝିଜାର୍ ହନ୍ନାର୍ ସତ୍, ମତର୍
 କେବଲ୍ ରଝାନ୍ ଜେ ଇନାମ୍ ପାୟାନାନ୍, ଇଦାଂ କି ଏପେଙ୍ଗ୍
 ପୁନୁଦେରା ? ଏପେଙ୍ଗ୍ ଇନେସ୍ ଇନାମ୍ ପାୟାନାଦେର୍, ଇଦାଂ
 କାଜିଂ ହେ ଲାକେ ହନାର୍ । ୨୫ ଇନେନକି କ୍ରାସ୍ନିତ ବାଗ୍ ଅନାର୍,
 ହେଝାନ୍ ସବୁ ବିସ୍ତେ ବାଗ୍ ଅନାନ୍; ହେଝାର୍ ଅଲପ୍ କାଜିଂ ମୁକୁର୍
 ପାୟାନି କାଜିଂ ହେଦାଂ କିନାନ୍; ମତର୍ ଆସେଙ୍ଗ୍ ଜିରାଝି ମୁକୁର୍
 ପାୟାନି କାଜିଂ ହେଦାଂ କିନାସ୍ । ୨୬ ଲାଗିଂ ଆନ୍ ହନ୍ନାଙ୍ଗା,
 ମତର୍ ଇର୍କାତ୍ତାଂ ଆକାୟ୍, ଆନ୍ ଇଞ୍ଜିଜୁଜ୍ କିନାଙ୍ଗା, ମତର୍
 ଝାରିକିନିବାହାତ ଗାଅ କିନାକା ଲକୁ ଲାକେ ଆକାୟ୍ । ୨୭ ଆନ୍
 କସ୍ ହୁନ୍ଞି ଗାଗାଡ଼ତିଂ ଆର୍ଝା କିତାଂନା ଆରି ଜାର୍ତିଂ ତାରେନ୍
 ଇଡ଼ତାଙ୍ଗନା । ଇନାକିଦେଂକି ବିନ୍ ମାନାୟାର୍ ଲାଗାଂ ନେକ୍ରିକାରୁର
 ସୁଣାୟ୍ କିଜି ମାଟିସ୍ ପା ଆନ୍ ଜାର୍ତିଂ ଇନେସ୍ ଆନ୍ ପିସ୍ତି ଇନାମ୍
 ଆଡ଼ତ୍ ।

୧୦

ପର୍ବକୁ ବିରୁଦ୍ଧତ ଜାଗରତ୍

୧ ଇନାକିଦେଂକି, ଏ ଟଣ୍ଡାର୍, ଆରି ତଣ୍ଡଦେକ୍ ମା ଆକର୍ ଝିଜାର୍
 ବାଦାଡ଼ ତାରେନ୍ ମାଗାର୍, ୨ ଆରେ ଝିଜାକାର୍ ହାମ୍ପୁର୍ ନାସି ହାଗାର୍,
 ଆରେ ଝିଜାର୍ ବାଦାଡ଼ ଆରି ହାମ୍ପୁର୍ତ ମସାତି ଇସାପ୍ତାଂ ବାପ୍ରିସିମ୍
 ଆତାର୍, ୩ ଆରେ ଝିଜାର୍ ର ହାଦ୍ କାଦି ଚିଚାର୍ ୪ ଆରି ଝିଜାର୍
 ର ହାଦ୍ କା ଉଟାର୍ ଲାଗିଂ ହେଝାର୍ ଝିଜାରିଙ୍ଗ୍ ପାଞ୍ଜିନି ହାମାନ୍ନି
 ସମାନ୍ତାଂ ଉଣ୍ଡି ମାଗାର୍, ଆରେ ହେ ସମାନ୍ କ୍ରିସ୍ତୁ, ୫ ଆତିସପା
 ହେଝାର୍ ବିତ୍ତେ ଆଦେକାର୍ ତାକେ ଇସ୍ତ୍ ମାନ୍ ହିଲ୍ଝାତାଡ଼,

ଲାଗିଂ ହେୱାର୍ ବାଟାତ ହାତାର୍, ସବୁ କାତା ଜେ ଏପେଙ୍ଗ୍ ପୁନ୍‌ୱାଦାଂ ମାନାଦେର୍, ଇଦାଂ ନା ଇଟା ଆକାୟ୍ ।

୬ ହେୱାର୍ ଇନେସ୍ ବାନି ବାନ୍ୟା ବିସ୍ତେ ଆହା ଆଜି ମାଟାର୍, ଆସେଙ୍ଗ୍ ଇନେସ୍‌କି ହେ ଲାକେ ଆହା ଆଉସ୍, ଇଦାଂ କାଜିଂ ଇ ସବୁ ବିସ୍ତେ ମା ପାକ୍ୟାତ ଉତର୍‌ମୁଡ୍ ଲାକେ ଆତାଡ୍‌ନା । ୭ ଇନେସ୍ ହେୱାର୍ ବିତ୍ତେ କେଡ୍‌ଜାଣ୍ ପୁଡ୍‌ଡା ପୁଜା କିତାର୍, ହେ ଲାକେ ଏପେଙ୍ଗ୍ ପୁଡ୍‌ଡା ପୁଜାକିନାକାର୍ ଆମାଟ୍; ସାସ୍ତର୍‌ତ ଇନେସ୍ ଲେକା ମାନାଡ୍, ମାନାୟାର୍ ତିଞ୍ଜେଙ୍ଗ୍ କୁଟ୍‌ଟିସ୍, ଆରେ ବିନ୍ କାମାୟ୍‌ତ ହଟ୍‌ଟାର୍ । ୮ ହେ ବାର୍‌ତି ଆସେଙ୍ଗ୍ ପାପ୍ କିଡ୍‌ସ୍ ଇନେସ୍‌କି ହେୱାର୍ ବିତ୍ତେ କେଡ୍‌ଜାଣ୍ ଦାରି କିଜି ରଞ୍ଜେ ନାଜିଂ କଡେଡିନ୍ ହାଜାର୍ ହାତାର୍, ହେ ଲାକେ ଆସେଙ୍ଗ୍ ଦାରି କିଡ୍‌ସ୍ । ୯ ଇନେସ୍ ହେୱାର୍ ବିତ୍ତେ କେଡ୍‌ଜାଣ୍ ମାପୁଡିଂ ପରିକ୍ୟା କିଜି ରାଟ୍ ତାଙ୍ଗ୍ ରୁଡା ଆତାର୍, ହେ ଲାକେ ଆସେଙ୍ଗ୍ ମସିୟା ମାପୁଙ୍ଗ୍ ପରିକ୍ୟା କିଡ୍‌ସ୍ । ୧୦ ଇନେସ୍‌କି ହେୱାର୍ ବିତ୍ତେ କେଡ୍ ଜାଣ୍ କାତା ଇଞ୍ଜି ମାନାୟାର୍ ହୁଦାଂ ରୁଡା ଆତାର୍, ହେ ଲାକେ ଏପେଙ୍ଗ୍ କାତା ଇନ୍‌ମାଟ୍ ।

୧୧ ଇ ଝିଜୁ କାତା ଲାକେ ହେୱାର୍ କାଜିଂ ଗିଟା ଆତାଡ୍, ଆରେ ଇମ୍‌ଣାକାର୍ ଜୁଗ୍ ଝିଜିନ୍ କାଡ୍ ବାହା କିତାସ୍‌ନା, ଏଲେଙ୍ଗ୍ ଜେ ଆସେଙ୍ଗ୍ ମା ଚେଡ୍‌ନା କାଜିଂ ହେ ଝିଜୁ ଲେକା ଆତାଡ୍‌ନା ।

୧୨ ଲାଗିଂ ଇନେନ୍ ଜାର୍‌ତିଂ ତିର୍ ଇଞ୍ଜି ମାନେ କିନାନ୍, ହେୱାନ୍ ଇନେସ୍ ଦେହା ମୁର୍‌ୟା ଆଉନ୍, ଇଦାଂ କାଜିଂ ହେୱାନ୍ ଜାଗ୍‌ରଡ୍ ଆଏନ୍ । ୧୩ ମାନାୟାର୍ କାଜିଂ ଇନେସ୍ ବାନି ପରିକ୍ୟା ଆନାକାପା, ହେଦାଂ ପିସ୍ତ୍ର ବିନ୍‌ବାନି ପରିକ୍ୟା ମି କାଜିଂ ଗିଟାଆଦୁଡ୍; ମତର୍ ଇସ୍‌ବୁଡି ପାଡ୍ ନିକାନ୍, ହେୱାନ୍ ମିଙ୍ଗେଙ୍ଗ୍ ଇନେସ୍ ଆଡିସ୍‌ପା ପରିକ୍ୟାତ ପରିକ୍ୟା ଆଦେଂ ହିଦୁନ୍, ମତର୍ ଇନେସ୍ ଏପେଙ୍ଗ୍ ମାନିକିଦେଙ୍ଗ୍ ଆଡ୍‌ନାଦେର୍, ଇଦାଂ କାଜିଂ ପରିକ୍ୟା ଗିଟାଆନି ସାଙ୍ଗେ ସାଙ୍ଗେ ହେୱାନ୍ ବାର୍‌ତି ହାଜି ପା ରଚ୍‌ନାନ୍ ।

୧୪ ଲାଗିଂ, ଏ ନା ୱାରିନିକାଦେର୍, ପୁଡ୍‌ଡା ପୁଜାତାଂ ହାଲାଟ୍ । ୧୫ ଆନ୍ ରୁଦିକାର୍‌ୟା ମାନାୟାଡିଂ ଇନି ଲାକେ ଇଞ୍ଜିନାଙ୍ଗା; ଆନ୍ ଇନାକା ଇଞ୍ଜିନାଙ୍ଗା, ହେଦାଂ ଏପେଙ୍ଗ୍ ନିଜେ ବିଟାର୍ କିୟାଟ୍ ।

୧୭ ☆ ଇମ୍ମାନି ଆସିବାଦିନି ବାହାତିଂ ଆସେଇଁ ଆସିବାଦି କିନାସ୍, ହେଦାଂକି କ୍ରିସ୍ତୁତି ନେତେରନି ମେହାଣ୍ ଆକାୟ୍ ? ଇମ୍ମାନି ରୁଚି ଆସେଇଁ ତ୍ରିକନାସ୍, ହେଦାଂକି କ୍ରିସ୍ତୁତି ଗାଗାଡୁନି ମେହାଣ୍ ଆକାୟ୍ ?
 ୧୭ ଇନାକିଦେଂକି ରୁଚି ରଞ୍ଜାଙ୍ ଆତିଲେ ଆସେଇଁ ହେନି ଆତିସପା ରଞ୍ଜେ ଗାଗାଡୁ ଆନାସ୍, ଲାଗିଂ ଆସେଇଁ ଝିଜାର୍ ହେ ରଞ୍ଜେ ରୁଚିନି ବାଗି ।

୧୮ ଇମ୍ମାନାକାର୍ ଇସ୍ରାଏଲ୍‌ନି ଲକୁ ବିସ୍ତେ ବାବି କିୟାର୍, ହେଝାରିଂ ହୁଡ଼ାଟ୍; ଇମ୍ମାନାକାର୍ ପୁଜାକିତି ଜେଇ ତିନାର୍, ହେଝାର୍ କି ଇସ୍ତର୍ ଗାର୍‌ଣିତ ମେହାଆଉର୍ ? ୧୯ ଲାଗିଂ ପେନ୍ ଆକାଡ଼ ଇଞ୍ଜି ଜେ ଇନାକା ମାନାଡ଼ ଆରି ପୁଡ଼ତ୍ ଇଞ୍ଜି ଜେ ଇନାକା ମୁଲ୍ୟ ମାନାଡ଼, ଇଦାଂ କି ଆନ୍ ଇଞ୍ଜନାଙ୍ ? ୨୦ ଆକାୟ୍, ମତର୍ ଆନ୍ ଇଞ୍ଜନାଙ୍ ଜେ, ଇନା ଇନାକା ହେଝାର୍ ପୁଜାଲାକେ ହିନାର୍, ହେ ସରୁ ହେଝାର୍ ଇସ୍ତର୍ ଉଦେସ୍ତ କିଝାଦାଂ ବୁଡ଼କୁ ଉଦେସ୍ତ କିଡାର୍, ଆରେ ଏପେଇଁ ଜେ ବୁଡ଼କୁ ମେହା ଆଡ଼, ଇଦାଂ ନା ମାନ୍ ଆକାୟ୍ । ୨୧ ଏପେଇଁ ମାପୁତି ଉଣିବାହା ଆରି ବୁଡ଼କୁ ଉଣିବାହା ରିବେ ଉଣ୍ଡେଇଁ ଆଡୁଦେର୍; ଏପେଇଁ ମାପୁତି ପାଟା ଆରି ବୁଡ଼କୁତି ପାଟା ରିବେ ବାଗି ଆଦେଂ ଆଡୁଦେର୍ । ୨୨ ଆଝିତିସ୍ ଆପେଂ ଇନାକା ମାପୁତି ବେରୁ ହପ୍‌ନାସ୍ ? ଆସେଇଁ କି ତାତାକେଣ୍ଟାଙ୍ ସାଲ୍‌ନିକାସ୍ ?

୨୩ ଝିଜୁ ବିସ୍ତେ ଜାଗ୍ରତ୍ କିଦେଇଁ ଆଦିକାର୍ ମାନାଡ଼, ମତର୍ ଝିଜୁ ବିସ୍ତେ ହାର୍ ଆକାୟ୍ । ଝିଜୁ ବିସ୍ତେ ମାନି କିଦେଇଁ ଜାର୍‌ତାରେନ୍ ମାନାଡ଼, ମତର୍ ଝିଜୁ ବିସ୍ତେତାଂ ବାନ୍ୟା ଉବ୍‌ଜା ଆଉର୍ । ୨୪ ଇନେର୍ ନିଜାର୍‌ତିଂ ସେସ୍ଟା କିମେନ୍, ମତର୍, ଝିଜାକାର୍‌ତି ବିନ୍‌ନିକାନ୍‌ତି ହାର୍ ସେସ୍ଟା କିଏନ୍ ।

୨୫ ବାଜାର୍‌ତ ଇନାକା ବେପାର୍ ଆନାଡ଼, ବାବ୍‌ନା କାଜିଂ ଇନାକା ପର୍‌ସନ୍ ଝେନ୍‌ବାଝାଦାଂ ହେଦାଂ ତିନାର୍, ୨୬ ଇନାକିଦେଂକି ସାସ୍‌ରର୍‌ତ୍ ଲେକା ମାନାଡ଼ ପୁଡ଼ ଆରି ହେବେ ମାନି ଝିଜୁ ବିସ୍ତେ ମାପୁତି ।

୨୭ ପାଡ଼ କିଝାକାର୍‌ତି ବିଡ୍ରେତାଂ ଇନେର୍ ଜଦି ମିଲେଇଁ ଚିଞ୍ଜେଇଁ କୁଞ୍ଚାନାର୍, ଆରେ ଏପେଇଁ ହାଞ୍ଜେଇଁ ଇଚା କିନାଦେର୍, ଲାଗିଂ ଇନାକା ଆୟେଡ଼ ମିଲେଇଁ ବାଟାହିଦ୍‌ନାର୍, ବାବ୍‌ନା କାଜିଂ ଇନାକା

☆ ୧୦:୧୭ ୧୦:୧୭ ମାତିଉ ୨୭:୨୭-୨୮; ମାର୍କ ୧୪:୨୨-୨୪; ଲୁକ ୨୨:୧୯,୨୦.

ପରସନ୍ ଖେନ୍‌ବାଖାଦାଙ୍କ ହେଦାଂ ତିନାଟ୍ । ୨୮ ମତର ଇନେର ଜଦି ମିଙ୍ଗେଙ୍ଗ୍ ଇଞ୍ଜନାର୍, ଇଦାଂ ପୁଜାଈସାବ୍ରେ ଆକାଡ୍ ହିୟା ଆତାଡ୍‌ନା, ଖାଟିଙ୍ଗ୍ ଜେ ଇଦାଂ ପୁନିକିଡ୍‌ତାଡ୍, ତା କାଜିଂ ପୁଜା ଆତାଡ୍ ବାବ୍‌ନା କାଜିଂ ହେଦାଂ ତିନ୍‌ମାଟ୍ ୨୯ ମି ଜାର୍ ବାବ୍‌ନା କାଜିଂ ଇଞ୍ଜି ଆନ୍ ଇଞ୍ଜୁଙ୍ଗା, ମତର ହେଖାନ୍ତି ବାବ୍‌ନା କାଜିଂ ।

ନା ଜାର୍ ତାରେନ୍ ଇନେକିଦେଂ ବିନେନି ବାବ୍‌ନା ହୁଦାଂ ବିଚାଣ୍ଟା ଆନାଡ୍ ? ୩୦ ଜଦି ଆନ୍ ଇସ୍‌ବ୍‌ରତିଂ ଜୁଝାର୍ ହିଜି ତିନାଙ୍ଗ୍, ଖାଟିଙ୍ଗ୍ ଇସ୍‌ବ୍‌ରତିଂ ଜୁଝାର୍ ହିନି ବିସ୍ତ୍ରେ, ତା କାଜିଂ ନିନ୍‌କାକିୟାଆନାଂ ଇନାକିଦେଂ ?”

୩୧ ହେଦାଂ କାଜିଂ, ଏପେଙ୍ଗ୍ ତିନାଟ୍ କି ଉଣାଟ୍ କି ଇନାକାପା କିୟାଟ୍, ଇସ୍‌ବ୍‌ତ୍ ଜାଜ୍‌ମାଲ୍ କାଜିଂ ସବୁ କିୟାଟ୍ । ୩୨ ଜିହୁଦି ଆରେ ଜିହୁଦି ଆକାୟ୍ କି ଗ୍ରିକ୍ କି ଇସ୍‌ବ୍‌ତ୍ ମଣ୍ଡଲି, ଇନେର ଅଡ୍‌ଜା ଆନାକା ଇନାକିଦେଂକି ଆନାଦେର୍, ୩୩ ଏପେଙ୍ଗ୍ ନା ଲାକେ ଚିନ୍ତା କିୟାଟ୍ ଆନ୍ ସବୁ ବିସ୍ତ୍ରେ ଝିଜାରିଂ ପଟ୍‌ପାଞ୍ଜି କିଦେଙ୍ଗ୍ ସେଷ୍ଟା କିନାଙ୍ଗା । ଜାର୍ ଚିନ୍ତା କିଖାଦାଂ, ବିନ୍‌ଲକାର୍‌ତି ମୁକ୍ତି ଲାବ୍ ଉଦେସ୍‌ତ ଝିଜାର୍‌ତି ମଙ୍ଗଲ୍ କିନାଙ୍ଗା ।

୧୧

୧ ଆନ୍ ଇନେସକି କ୍ରିସ୍‌ତ୍ ପାରେପାରେ ହାନାଙ୍ଗ୍, ଏପେଙ୍ଗ୍ ପା ହେ ଲାକେ ନା ପାରେପାରେ ଝାନାକାଦେର୍ ଆଡ୍ ।

ପାର୍ତ୍ତନାତ କାପ୍‌ଡାତ ମୁଗ୍‌ନାକା

୨ ଏପେଙ୍ଗ୍ ଜେ ଝିଜୁ ବିସ୍ତ୍ରେ ନାଙ୍ଗେଙ୍ଗ୍ ଏଡୁ ଜିସୁ ମାଞ୍ଜାଟ୍ ଆରି ଆନ୍ ମିଙ୍ଗେଙ୍ଗ୍ ଜେ ଝିଜାର୍ ବିଦି ହିତାଙ୍ଗ୍‌ନା, ହେ ଝିଜୁ ପାଲି କିନାଦେରା, ଇଦାଂ କାଜିଂ ଆନ୍ ମିଦାଙ୍ଗ୍ ଜୁଝାର୍ । ୩ ମତର କ୍ରିସ୍‌ତ୍ ଜେ ଝିଜାର୍ ଆଣ୍ଡାଙ୍ଗ୍‌ନି କାପ୍‌ଡା ଲାକେ ଆରି ଆଣ୍ଡାଙ୍ଗ୍ ଜେ କଗ୍‌ଲେ କାପ୍‌ଡା ଲାକେ ଆରି ଇସ୍‌ବ୍‌ର ଜେ କ୍ରିସ୍‌ତ୍ କାପ୍‌ଡା ଲାକେ, ଇଦାଂ ଏପେଙ୍ଗ୍ ପୁନାଟ୍ ଇଞ୍ଜି ନା ଇଚା । ୪ ଇମଣାକାନ୍ ପା ଆଣ୍ଡେନ୍ ଜାର୍ କାପ୍‌ଡା ଗୁଗ୍‌ରମୁଗ୍‌ଜି ପାର୍ତ୍ତନା କିନାନ୍ କି ବେଶ୍‌ବାକ୍‌ଶାୟ୍ କିନାନ୍, ହେଖାନ୍ ଜାର୍ କାପ୍‌ଡାନି ଇନେନ୍ କ୍ରିସ୍‌ତ୍ ଅପ୍‌ମାନ୍ କିନାନ୍ । ୫ ଏପେଙ୍ଗ୍ ବାନି କଗ୍‌ଲେ ଜେ କାପ୍‌ଡା ଟାଙ୍ଗ୍‌ରିଂ ଲାକେ ଅପ୍‌ମାନ୍

କିନାନ୍, ଗୁଗୁର ମୁଗ୍‌ଖାଦାଂ ପାର୍ତ୍ତାନା କିନାଡ଼ କି ବେଶବାକ୍‌ଶାୟ
 କିନାଡ଼, ହେଦେଲ୍ ଜାର୍ କାପ୍‌ଡାନି ଅପ୍‌ମାନ୍ କିନାଡ଼, ଲାଗିଂ ହେଦାଂ
 ତା କାପ୍‌ଡା ହେନ୍ୟାଆଡି ହୁକେ ସମାନ୍ । ୬ ଇନାକିଦେଂକି ଜଦି
 କଗ୍‌ଲେ କାପ୍‌ଡାତ ଗୁଗୁର ମୁଗ୍‌ଞ୍ଜିତିସ୍, ଖାଟିଙ୍ଗ୍ ହେଦେଲ୍ ତେମ୍‌ଲ୍
 ପା ଆହିକିଏଡ଼; ମତର୍ ଜଦି କଗ୍‌ଲେ ପାକ୍ୟାତ ତେମ୍‌ଲ୍ ଆହିକିନାକା
 କି କାପ୍‌ଡା ହେନ୍ୟାନାକା ଲାଜୁ, ତା ଆଡିସ୍ ହେଦେଲ୍ କାପ୍‌ଡାତ
 ପ୍ଲୁକ୍ୟା ଆୟେଡ଼ । ୭ ଆଣ୍ଡାଙ୍ଗ୍ ଇସ୍‌ସୁଡ଼ିଂ ଡିଗା ଆରି ଜାଜ୍‌ମାଲ୍ ଲାକେ
 ଆଡିଲେ ହାଡ଼ପାନେ ତାଦାଂ କାପ୍‌ଡା ପ୍ଲୁକ୍ୟାନାକା ଲଡ଼ା ଆକାୟ୍,
 ମତର୍ କଗ୍‌ଲେ ଆଣ୍ଡେନ୍ତି ଜାଜ୍‌ମାଲ୍ ଲାକେ । ୮ ଇନାକିଦେଂକି
 ଆଣ୍ଡେନ୍ କଗ୍‌ଲେ ତାଙ୍ଗ୍ ଉବ୍‌ଜାଣ୍ ଆଖାତାନ୍ନା, ମତର୍ କଗ୍‌ଲେ
 ଆଣ୍ଡେନ୍‌ତାଂ ଉବ୍‌ଜାଣ୍ ଆଡିକନା । ୯ ଆରେ କଗ୍‌ଲେ କାଜିଂ ତ
 ଆଣ୍ଡେନ୍ତି ଉବ୍‌ଜାଣ୍ ଆଖାତାନ୍ନା; ମତର୍ ଆଣ୍ଡେନ୍ କାଜିଂ କଗ୍‌ଲେ
 ଉବ୍‌ଜାଣ୍ ଆତାଡ଼ନ୍ନା । ୧୦ ଇଦାଂ କାଜିଂ ଦୁଡ଼ କାଜିଂ କଗ୍‌ଲେ ଜାର୍
 କାପ୍‌ଡାତ ଆଦିକାର୍‌ନି ଚିନ୍ ପ୍ଲୁକି କିୟାନାକା ଲଡ଼ା । ୧୧ ହେ
 ଇନାକା ଆଏଡ଼ ମାପୁଡାକେ ଆଣ୍ଡେନ୍‌ତାଂ କଗ୍‌ଲେ ଆଲ୍‌ଗା ଆକାୟ୍ କି
 କଗ୍‌ଲେ ତାଙ୍ଗ୍ ଆଣ୍ଡେନ୍ ଆଲ୍‌ଗା ଆକାୟ୍ । ଇନାକିଦେଂକି କଗ୍‌ଲେ
 ଇନେସ୍ ଆଣ୍ଡେନ୍‌ତାଂ ଉବ୍‌ଜାଣ୍, ୧୨ ଇନାକିଦେଂକି ଆଣ୍ଡେନ୍ ପା ହେ
 ଲାକେ କଗ୍‌ଲେ ହୁକେ ଉବ୍‌ଜାଣ୍; ମତର୍ ଖିଜୁ ବିସ୍‌ସେ ଇସ୍‌ସୁରତାଂ
 ଉବ୍‌ଜାଣ୍ ।

୧୩ ଏପେଙ୍ଗ୍ ନିଜେ ନିଜେ ବିଚାର୍ କିୟାର୍, କାପ୍‌ଡା ପ୍ଲୁକ୍‌ଖାଦାଙ୍ଗ୍
 ଇସ୍‌ସୁର ଲାଗେ ପାର୍ତ୍ତାନା କିନି କଗ୍‌ଲେ ପାକ୍ୟାତ ଇନାକା ହାର୍ ?
 ୧୪ ସଂସାର୍ ନିଜେ କି ମିଙ୍ଗେଙ୍ଗ୍ ହିକ୍ୟା ହିଦୁଡ଼ ଜେ, ଆଣ୍ଡେନ୍ ତେଙ୍ଗା
 ତେମ୍‌ଲ୍ ଇଚ୍‌ଚିସ୍ ତା ପାକ୍ୟାତ ହେଦାଂ ଲାଜୁ, ୧୫ ମତର୍ କଗ୍‌ଲେ
 ତେଙ୍ଗା ତେମ୍‌ଲ୍ ଇଚ୍‌ଚିସ୍ ତା ପାକ୍ୟାତ ହେଦାଂ ଜାଜ୍‌ମାଲ୍‌ନିକା ?
 ଇନାକିଦେଂକି କାପ୍‌ଡା ଗୁଗୁରମୁକ୍ତି ଲାକେ ତା ତେମ୍‌ଲ୍ ତାଙ୍ଗେଙ୍ଗ୍
 ହିୟାଆତାଡ଼ନା । ୧୬ ମତର୍ ଇନେର୍ ଗାଣ୍‌ଜୁ କିଦେଙ୍ଗ୍ ମାନ୍ କିତିସ୍
 ହେଖନ୍ ପୁନେନ୍ ଜେ, ମାଦାଂ ଏଲେଙ୍ଗ୍ ଅଲ୍‌ଗା ନିତି ହିଲୁଡ଼, କି
 ଇସ୍‌ସୁଡ଼ିଂ ମଣ୍ଡଲିତ ଇନାକା ହିଲୁଡ଼ ।

ମାପୁତି ବନ୍ଧ

(ମାତିଉ ୨୬:୨୭-୨୯; ମାର୍କ ୧୪:୨୨-୨୫; ଲୁକ ୨୨:୧୪-୨୦)

୧୭ ମତର ମିଦାଙ୍ଗ ରୁଣ୍ଡାନାକା ଜେ ବାନ୍ୟା ଆଖାଦାଂ ଇତିସ୍ ବାନ୍ୟା ଆନାତା, ଇବେ ଆନ୍ ମିଦାଙ୍ଗ ଜୁଝାର୍ ହିଦେଂ ଆଡ଼ଝାଦାଂ ଇ ବଲ୍ ହିଦ୍‌ନାଙ୍ଗା । ୧୮ ଇନାକିଦେଂକି ପର୍ତ୍ତୁମ୍ ଆନ୍ ଝେଟାଙ୍ଗନା ଜେ, ମଣ୍ଡୁଲି ଲାକେ ମିଦାଙ୍ଗ ଲକୁ ବିଡ଼୍ ଝେଡ଼ାଲିଂ ମି ବିତ୍ରେ କୁଦାକୁଦା କେଡ଼ପାନାକା ଗିଟା ଆଜି ମାନାଡ଼, ଆରେ ଆନ୍ ଏରେକ୍ ଇସାପ୍ତାଂ ଇଦାଂ ପାତର୍ କିନାଙ୍ଗା । ୧୯ ଇନେସ୍ ମି ବିତ୍ରେ ପରିକ୍ୟାସିଦ୍ ମାନାୟାର୍ ହଡ଼ନାର୍, ଇଦାଂ କାଜିଂ ମି ବିତ୍ରେ ତ କୁଦାକୁଦା କେଡ଼ପାନାକା ହାତେନେ ଗିଟାନାଡ଼ । ୨୦ ମିଦାଙ୍ଗ ର ଦଲ୍ ଲାକେ ରତେମାନଞ୍ଜି ଇମ୍‌ଣି ତିନିତାକେ ମେହାନାଦେରା ହେଦାଂ ମାପୁବନ୍ଧ୍ ଆକାୟ୍ । ୨୧ ଇନାକିଦେଂକି ତିନି ସମୁତ ଜାଣକେ ଆଲ୍‌ଗାନିକାରିଂ କାଝାଦାଂ ଜାର୍ କାଦି ତିନାନ୍, ହେଦାଂ କାଜିଂ ରଝାନ୍ ନାସକି ମାନାନ୍ ଆରି ରଝାନ୍ ହଡ଼ନାନ୍ । ୨୨ ଇନାକା ? ମିଦାଙ୍ଗ କି ତିନାକାଉଣାକା କିନି କାଜିଂ ଇଲ୍ ହିଲୁଡ଼ ? କି ଏପେଙ୍ଗ ଇନାକା ଇସ୍‌ତର୍ ମଣ୍ଡୁଲିତିଂ ଏଲା ଆନାଦେରା, ଆରେ ଇମ୍‌ଣାକାର୍‌ତି ହିଲୁଡ଼, ହେଝାରିଂ ଲାଜୁ କୁଗାନାଦେରା ? ଆନ୍ ମିଙ୍ଗେଙ୍ଗ ଇନାକା ଇଞ୍ଜନାଙ୍ଗ ? ଇନାକା ମିଦାଙ୍ଗ ଜୁଝାର୍ ? ବିରକୁଲ୍ ଆକାୟ୍ ।

୨୩ ଇନାକିଦେଂକି ଆନ୍ ମାପୁତାକେ ପାୟାତି ଇମ୍‌ଣି ହିକ୍ୟା ମିଙ୍ଗେଙ୍ଗ ହିଡ଼ତାଂନା, ହେଦାଂ ଇ, ସାତୁ କେଇଦ ହେଲ୍‌ୟ କିଆନି ନାଣାଲିଙ୍ଗ ମାପୁ ଜିସୁ ରୁଟି ଅଜି, ୨୪ ଇସ୍‌ରତିଂ ଜୁଝାର୍ ହିଜି, ହେଦାଂ ତ୍ରିକ୍‌ତି ଇଚାନ୍, “ଇଦାଂ ମି କାଜିଂ ନା ଗାଗାଡ଼; ନାଙ୍ଗେଙ୍ଗ ଏଡୁକିଦନି କାଜିଂ ଇଦାଂ କିୟାର୍ । ୨୫ ହେ ଲାକେ ଚିଟି ପାତେ ହେଝାନ୍ ଉଣି ବାହା ପା ଆସ୍ତି ଇଚାନ୍, ଇ ଉଣି ବାହା ନା ନେତେରତାଂ ରଚ୍‌ଚି ଇସ୍‌ତର୍ ପୁନି ନିୟମ୍; ଏପେଙ୍ଗ ଏଚେ ହର୍ ଇବେତାଂ ଉଣାଦେର୍, ହେ ଏଚେ ହର୍ ନାଙ୍ଗେଙ୍ଗ ଏଡ଼ କିଦେଂ କାଜିଂ ଇଦାଂ କିୟାର୍ ।”

୨୬ ଇନାକିଦେଂକି ଏଚେ ହର୍ ଏପେଙ୍ଗ ଇ ରୁଟି ତିନାଦେର୍ ଆରି ଇ ଉଣି ବାହାତାଂ ଉଣାଦେର୍, ହେଏଚେ ହର୍ ଏପେଙ୍ଗ ମାପୁତି ଝାନି ପାତେକ୍ ହେଝାଡ଼ି ହାକି କାବୁର୍ ସୁଣାୟ୍ କିନାଦେର୍ । ୨୭ ଲାଗିଂ, ଇନେର୍ ଜଗ୍‌ହିଲ୍‌ଝି ବାବ୍ରେ ମାପୁତି ଇ ରୁଟି ତିନାନ୍ କି ଇ ବାହାତାଂ

ଉଣାନ୍, ହେୱାନ୍ ମାପୁତି ଗାଗାଡ଼ନ୍ ଆରି ନେତେରନ୍ ବେରୁତ ପାପ କିନାନ୍ । ୨୮ ମତର୍ ମାନାୟ୍ ଜାର୍ତି ପରିକ୍ୟା କିଏନ୍, ଆରେ ହେ ଏଲେଙ୍ଗ୍ ବାବ୍ରେ ଇ ରୁତି ତିନେନ୍ ଆରେ ଇ ବାହାତାଂ ଉଣେନ୍ । ୨୯ ଇନାକିଦେଂକି ଇନେନ୍ ମାପୁ ଗାଗାଡ଼ତିଂ ହାଡ଼ପା ଅରଡ଼ ପୁନ୍ୱାଦାଂ ତିନାନ୍ ଆରି ଉଣାନ୍, ହେୱାନ୍ ଜାର୍ ତାଣ୍ କାଜିଂ ତିନାନ୍ ଆରି ଉଣାନ୍ । ୩୦ ଇଦାଂ କାଜିଂ ମି ବିତ୍ରେ ବେସି ନାଦାରିଂ ଆରି ନଚ୍ନାକା, ଆରେ ହେନି ହାତାଣ୍ଟା । ୩୧ ମତର୍ ପର୍ତ୍ତୁମ୍ ଜଦି ଆସେଙ୍ଗ୍ ଜାର୍ ଜାର୍ତି ବିଚାର୍ କିନାର୍, ତେବେ ଇସ୍ତର୍ ବିଚାଣ୍ଟା ଆମେର୍ । ୩୨ ମତର୍, ପୁତ୍ରିଂ ଓସ୍ତ୍ରି ଲକ୍ ଲାହାଙ୍ଗ୍ ଇନେସ୍ତକି ଦାଣ୍ ପାୟା ଆଉସ୍, ଇଦାଂ କାଜିଂ ମାପୁତି ହୁକେ ବିଚାଣ୍ଟା ଆଜି ଆସେଙ୍ଗ୍ କସ୍ ବଗ୍ କିନାସା ।

୩୩ ଲାଗିଂ, ନା ଟଣ୍ଡାର୍, ଏପେଙ୍ଗ୍ ମାପୁତି ତିନି କାଜିଂ ରୁଣ୍ଡାଆନି ଝେଡାଲିଂ ହାରି କାଜିଂ ମାନାର୍ । ୩୪ ମି ରୁଣ୍ଡାନାକା ଇନେସ୍ ଇସ୍ତର୍ ତାଣ୍ କାରଣ୍ ଆଉଡ଼, ଇଦାଂ କାଜିଂ ଜଦି ଇନେର୍ ନାସକି, ଝାଟିଙ୍ଗ୍ ହେୱାନ୍ ଇଞ୍ଜି ତିନେନ୍, ବାକି ଓଜୁ ବିସ୍ତେ ଆନ୍ ହାଟିସ୍ ରୁଜାନାଙ୍ଗ୍ ।

୧୨

ପୁଇପୁୟା ଜିରୁନ୍ନି ଦାନ୍

୧ ଏ ଟଣ୍ଡାର୍ ଆରି ତଣ୍ଡେକ୍ ଆମିକ୍ ଦାନ୍ ବିସ୍ତେ ଜେ ଏପେଙ୍ଗ୍ ପୁନାର୍ ଇଞ୍ଜି, ଇଦାଂ ନା ମାନ୍ ଆକାୟ୍ । ୨ ଏପେଙ୍ଗ୍ ପୁନାର୍ ଜେ, ଏଚେକାଡ଼ଏପେଙ୍ଗ୍ ପାଡ଼ି କିଓ୍ ଜିହୁଦିର୍ ମାଚାଦେର୍, ହେ ପାଦ୍ନା ଇନେସ୍ ପୁନ୍ୟା ଆଜି ମାଚାଦେର୍, ହେ ଲାକେ ଚାକ୍ରାୟ୍ ବାବ୍ରେ ଚାଲା ଆଜି ପେନ୍ ପୁଦା ଲାହାଂ ମାଚାଦେର୍ ୩ ହେଦାଂ କାଜିଙ୍ଗ୍ ଆନ୍ ମିଙ୍ଗେଙ୍ଗ୍ ଝେଚ୍ଚାନାଙ୍ଗା, ଇସ୍ତର୍ ଜିରୁନ୍ ପାୟା ଆଜି କାତା ଇନାକା ଇମ୍ଣି ଲଗୁ ସାଉପ୍ନିକାନ୍ ଇଞ୍ଜି ଇନୁନ୍, ଆରେ ଇମ୍ଣି ମାନାୟ୍ ପୁଇପୁୟା ଜିରୁନ୍ ପାୟା ଆୱାଦାଂ ଜିସୁ ମାପୁ ଇଞ୍ଜି ଇଞ୍ଜେଙ୍ଗ୍ ଆଡୁନ୍ ।

୪ ✨ଉପକାର୍ ଦାନ୍ କେତେକ୍ ବାନି, ମାତାର୍ ଜିରୁନ୍ ରଞ୍ଜାଙ୍ଗ୍; ୫ ହେବା କେତେକ୍ ବାନି, ଆରେ ମାପୁ ରଞ୍ଜାଙ୍ଗ୍; ୬ କାମାୟ୍ ବିନ୍ଦିନ୍ ବାନି, ମତର୍ ଇସ୍ତର୍ ରଞ୍ଜାଙ୍ଗ୍, ହେୱାନ୍ ଓଜାକାର୍ ତାକେ

☆ ୧୨:୪ ୧୨:୪ ରମିୟ ୧୨:୭-୮.

କାମାୟ କିନାନ୍ । ୭ ଓଜାରୁତି ହାର କାମାୟ କିନି କାଜିଂ ଜାଣକେ ମାନାୟ ବିତ୍ତେ ପୁଇପୁୟା ଜିବୁନ୍ତି ସାକ୍ତି ବିନ୍‌ବିନ୍ ବାବ୍ରେ ହନାଡ଼ । ୮ ଇନାକିଦେଂକି ରଞ୍ଜାନିଂ ଜିବୁନ୍ ହୁଦାଂ ବୁଦିନି ବଚନ୍, ବିନ୍ ନିକାନିଂ ହେ ଜିବୁନ୍‌ନି ହିକ୍ୟା ଇସାପ୍‌ରେ ଗିଆନି ବଚନ୍, ୯ ଆରେ ର ରଞ୍ଜାନିଂ ହେ ଜିବୁନ୍ ହୁଦାଂ ପାତ୍ କିନି ଦାନ୍ ହିଦନାନ୍, ଆରେ ରଞ୍ଜାନିଂ ହେ ରଞ୍ଜେ ଜିବୁନ୍ତି ହୁଦାଂ ଉଦ୍ କିନାକା ସାକ୍ତି ହିନାନ୍, ୧୦ ବିନ୍ ନିକାନିଂ ବାର୍‌ବିନ୍ ସାକ୍ତିନି କାମାୟ ପୁରା କିଦେଙ୍ଗ୍, ଆରେ ରଞ୍ଜାନିଂ ବେଣ୍‌ବାକ୍‌ଶାୟକିନାକା ଇଞ୍ଜେଙ୍ଗ୍, ବିନ୍ ନିକାନିଙ୍ଗ୍ ବିନେ ବିନେନି ଜିବୁନ୍ ଚିନ୍‌କିଦେଙ୍ଗ୍, ଆରେ ରଞ୍ଜାନିଂ ବାର୍‌ବିନ୍ ପୁନି ଲକାର ବେରଣ୍ ଇଞ୍ଜେଙ୍ଗ୍, ଆରେ ରଞ୍ଜାନିଂ ବେରଣ୍‌ନି ଅରଡ଼ ଖେଡ଼ନି ସାକ୍ତି ଦାନ୍ କିୟାଆନାଡ଼ । ୧୧ ମତର୍ ହେଞ୍ଜାନ୍ ର ମତର୍ ଜିବୁନ୍ ଜାର ଇଚା ଇସାପ୍‌ତାଂ ଜାଣକେ ଜାର୍‌ତିଂ ବିନେ ବିନେ ଲାକେ ଦାନ୍ ପାସ୍‌ପିସ୍ ହିଜି ଇ ଓଜୁ କାମାୟ ପୁରା କିନାନ୍ ।

କ୍ରିଷ୍ଟି ଗାଗାଡ଼

୧୨ *କ୍ରିଷ୍ଟ ବେସି କେଇଗାଲ୍ ର ଗାଗାଡ଼ ଲାକେ, ଆରେ ହେବେନି କେଇଗାଲ୍ ମତର୍, ଗାଗାଡ଼ନି ଓଜୁ କେଇଗାଲ୍ ବେସି ଆଡିସ୍‌ପା, ରଞ୍ଜି ଗାଗାଡ଼ ଆନାଡ଼ ହେ ଲାକେ ପା କ୍ରିଷ୍ଟ । ୧୩ ଲାଗିଂ ଆସେଙ୍ଗ୍ ଜିହୁଦି କି ପାତ୍ କିଞ୍ଜାକାର କି ଗ୍ରିକ୍ ଆସସ୍, ଆଡିଏନ୍ ଆସସ୍ କି ଜାର୍ ତାରେନ୍ ଆସସ୍, ଓଜାକାର ତ ରଞ୍ଜି ଜିବୁନ୍ ହୁଦାଂ ରଞ୍ଜି ଗାଗାଡ଼ ଆନି ଇସାପ୍‌ତାଂ ବାପ୍‌ସିମ୍ ଆତାସ୍‌ନା; ଆରେ ଓଜିୟା ରଞ୍ଜି ଜିବୁନ୍ତାଂ ଉଚାସ୍‌ନା ।

୧୪ ଇନାକିଦେଂକି ଗାଗାଡ଼ ତ ର କେଇଗାଲ୍ ଆକାୟ, ମତର୍ ବେସି । ୧୫ ପାନା ଜଦି ଇନାଡ଼, “ଆନ୍ କେଇ ଆକାୟ” ଲାଗିଂ ଗାଗାଡ଼ କେଇଗାଲ୍ ଆକାୟ, ତେବେ ଇଦାଂ କାଜିଂ ହେଦାଂ ଜେ ଗାଗାଡ଼ନି କେଇଗାଲ୍ ଆକାୟ, ହେଦାଂ ଆକାୟ । ୧୬ ଆରେ କିତୁଲ୍ ଜଦି ଇନାଡ଼, ଆନ୍ କାଣ୍‌କା ଆକାୟ, ଲାଗିଂ ଗାଗାଡ଼ କେଇଗାଲ୍ ଆକାୟ, ଖାଟିଙ୍ଗ୍ ଇଦାଂ କାଜିଂ ହେଦାଂ ଜେ ଗାଗାଡ଼ନି କେଇଗାଲ୍ ଆକାୟ, ହେଦାଂ ଆକାୟ । ୧୭ ଓଜୁ ଗାଗାଡ଼ ଜଦି କାଣ୍‌କା ଆନାଡ଼, ଖାଟିଙ୍ଗ୍ ଖେନାକା ଇମେତାକେ ? ଓଜୁ ଗାଗାଡ଼ ଜଦି କିତୁଲ୍ ଆନାଡ଼, ଖାଟିଙ୍ଗ୍

ମୁଞ୍ଚନାକା ଇମେନିକା ? ୧୮ ମତର ଇସ୍ୱର କେଇଗାଲ୍ ରଞ୍ଜାଙ୍ଗ ରଞ୍ଜାଙ୍ଗ କିଜି ଗାଗାଡ଼୍ ଜାର୍ ଇତା ଇସାପତାଂ ବିଡ଼ାୟ୍ କିତାନନ୍ନା । ୧୯ ଆରେ, ଜଦି ହେ ଝିନ୍ନୁ ରଞ୍ଜି କେଇଗାଲ୍ ଆଜି ମାଟିସ୍, ଝାଟିଙ୍ଗ ଗାଗାଡ଼୍ ଇମେ ତାକେ ? ୨୦ ମତର ହାଡ଼ପାତ କେଇଗାଲ୍ ବେସି, ମତର ଗାଗାଡ଼୍ ରଞ୍ଜାଙ୍ଗ ।

୨୧ “ନି ତାକେ ନା ଲଡ଼ା ଆକାୟ୍ ଇଞ୍ଜି କାଣ୍ଟା କେଇଦିଙ୍ଗ ଇଞ୍ଜେଙ୍ଗ୍ ଆଡୁଡ଼, କି ନି ତାକେ ନା ଲଡ଼ା ଆକାୟ୍ ଇଞ୍ଜି କାପଡ଼ା ପାନାତିଂ ଇଞ୍ଜେଙ୍ଗ୍ ଆଡୁଡ଼ ।” ୨୨ ଆଞ୍ଜିତିସ୍ ବିନ୍ ପାକ୍ୟାତ ଗାଗାଡ଼୍ ନି ଜେ ଝିନ୍ନୁ କେଇଗାଲ୍ ଆଦିକ୍ ନାଦାର୍ ଇଞ୍ଜି ବୁଜା ଆନାଡ଼, ହେ ସବୁ ରଲ୍ଲାକେ ଲଡ଼ା; ୨୩ ଆରେ, ଗାଗାଡ଼୍ ଇମ୍ମଣି ସବୁ କେଇଗାଲ୍ ଆଦିକ୍ ଇନାକାହିଲ୍ ଝାକା ଇଞ୍ଜି ମାଙ୍ଗେଙ୍ଗ୍ ପୁନ୍ୟାଦନାଡ଼, ହେ ସବୁ କେଇଗାଲ୍ ଡିଂ ଆସେଙ୍ଗ୍ ଆଦିକ୍ ହଟ୍ ଝାରିକିନିତାକେ ବେସି ରଞ୍ଜି କିନାସ୍; ଆରେ ମା ହଲ୍ ଝି କେଇଗାଲ୍ ଡିଂ ଆଦିକ୍ ହଟ୍ ହଲ୍ ନାଡ଼, ୨୪ ଇଟିସ୍ ଗାଗାଡ଼୍ ନି ହଲ୍ ନି କେଇଗାଲ୍ କାଜିଂ ଆସେଙ୍ଗ୍ ଏରେକ୍ ଦିଆନ୍ ହିଜି ମାନୁସ୍ । ଇସ୍ୱର ନିଜେ ଗାଗାଡ଼୍ ଡିଂ ଇ ବାବେ ରଚତାନ ଜେ, ଇମ୍ମଣି କେଇଗାଲ୍ ଜାଡୁନ୍ ଲଡ଼ା, ହମାନ୍ ହେଝାଙ୍ଗ୍ ଆଦିକ୍ ଲଡ଼ା । ୨୫ ମତର ଇନେସ୍ ଗାଗାଡ଼୍ ବିତ୍ରେ ଗଡ଼୍ ମାର୍ ଗିଟାଞ୍ଜିତିସ୍, ନଲେ କେଇଗାଲ୍ ସମାନ୍ ବାବେ ହାରି ହାର୍ ଚିତା କିନିକ୍, ଇଦାଂ କାଜିଂ ଇସ୍ୱର ଇନାକାହିଲ୍ ଝି କେଇଗାଲ୍ ଡିଂ ଆଦିକ୍ ହଟ୍ ଦୁକ୍ କିନାକା ହିଜି ଗାଗାଡ଼୍ ଡିଂ ରବେ କିତାନନା । ୨୬ ଆରେ, ରଞ୍ଜି କେଇଗାଲ୍ ଦୁକ୍ ବଗ୍ କିତିସ୍ ଝିନ୍ନୁ କେଇଗାଲ୍ ତା ଲାହାଙ୍ଗ୍ ଦୁକ୍ ବଗ୍ କିନିକ୍, ନଲେ ର କେଇଗାଲ୍ ଜାଜ୍ ମାଲ୍ ପାୟାତିସ୍ ଝିନ୍ନୁ କେଇଗାଲ୍ ତା ଲାହାଙ୍ଗ୍ ଝାରି କିନିକ୍ ।

୨୭ ଏପେଙ୍ଗ୍ କ୍ରିସ୍ତୁଟି ଗାଗାଡ଼୍, ଆରେ ର ର ଜାଣ୍ ର ର କେଇଗାଲ୍ ଲାକେ । ୨୮ ଆରେ, ଇସ୍ୱର ମଣ୍ଡଲିତ ପର୍ତ୍ତୁମ୍ତ ପକ୍ୟାତାକାନ୍, ଜେତାକା ବେଶ୍ ବାକ୍ ଶାୟ୍ କିନାକାନ୍, ତିନତାକେ ହିକ୍ୟା ଗୁରୁ, ଇ ଲାକେ ବାର୍ ବିନ୍ ମାନାୟ୍ ଡିଙ୍ଗ୍ ବାଟି କିତାନନ୍ନା; ପାଚେ ସାଲ୍ଲିନି କାମାୟ୍, ତା ପାଚେ ଉଜ୍ କିନି ସାଲ୍ଲି, ଲକାର୍ ଉପ୍ କାର୍, ଚାଲାନି କେମ୍ତା ଆରି ବାର୍ ବିନି ବାସା ଦାନ୍ କିତାଣ୍ଟା । ୨୯ ଝିଜାକାର୍ କି ପକ୍ୟାତାକାର୍ ? ଝିଜାକାର୍ କି ବେଶ୍ ବାକ୍ ଶାୟ୍ କିନାକାର୍ ?

ଓଁଜାକାର କି ଗୁରୁର ? ଓଁଜାର କାବା କିନି ସାକ୍ତି ଓଁଜାର ତାକେ ହିଲୁଡ ? ୩୦ ଓଁଜାକାର ଉଜ୍ଜ କିନି ଦାନ୍ ପାୟାତାର୍ଣ୍ଣା କି ? ଓଁଜାର ଲକାର ବାସାତ ବେଣ୍ କିତାର କି ? ଓଁଜାର ବାସାନି ଅରଡ୍ କିତାର କି ? ୩୧ ମତର ନିନ୍ଦାନ୍ ଦାନ୍ ଓଁଜୁ ପାୟାନି କାଜିଂ ଲାଗିସ୍ ସେଷ୍ଟା କିୟାଡ୍ ।

ଆଦିକତାଂ ଆନ୍ ମିଲେଙ୍ଗ ର ବାଲ୍ଲନି ହାଜି ଚଡ୍ଚାନାଙ୍ଗା ।

୧୩

ପର୍ତ୍ତମ୍ ଜାଣାଚିନା

୧ ଜଦି ଆନ୍ ମାନାୟାରିଂ ଆରି ଦୁଡ୍‌ରତି ବାସାତ କତା ଇନାଙ୍ଗ୍, ମାତର ନା ଜିଉନନାକା ମାନ୍‌ଗୁଡ୍, ତେବେ ଆନ୍ ଗାଜ୍ଜାନି ଗଣ୍ଣା ନଲେ ଚମ୍ ଚମ୍ ଗାଜ୍ଜାନି କେଇ ତାପଡ଼ିଙ୍ଗ୍ ଲାକେ ଆନାତା । ୨ *ଆରେ, ଜଦି ନା ବେଣ୍‌ବାକ୍‌ଶାୟକିନାକା ସାକ୍ତି ମାଟିସ୍ ଆରି ଆନ୍ ଓଁଜୁ ନେକ୍ତି କାତା ଆରି ସବୁ ଗିୟାନ୍ତ ଆଡ୍‌ଦେଂ ଆଜି ମାଟିସ୍, ଆରେ ମାଡ଼ିତିଂ ଗୁତାୟ କିନି କାଜିଂ ନା ପୁରା ପାତ୍ ମାଟିସ୍, ମତର ନା ଜିଉନନାକା ହିଲ୍‌ଓଡିସ୍, ଖାଟିଙ୍ଗ୍ ଆନ୍ ମୁଡ୍‌ତେ ଆକାୟ । ୩ ଆରେ, ଜଦି ଆନ୍ ଅକ୍ ଲଗାଂ ତିଡ୍‌ପି କିନି କାଜିଂ ନା ଓଁଜେ ହିଦେଂ କିନାଙ୍ଗ୍, ଆରେ ଜଦି ଆନ୍ ନାଦାଂ ଗାଗାଡ୍‌ଡିଂ ହୁଡ୍‌ଜି ଆନି କାଜିଂ ହେଲାୟ କିନାଙ୍ଗ୍, ମତର ନା ଜିଉନନାକା ହିଲ୍‌ଓଡିସ୍, ଖାଟିଙ୍ଗ୍ ନାଦି ମୁଡ୍‌କେ ଲାବ୍ ଆକାୟ । ୪ ଜିଉନନାକା ସାହାସ୍ ଆହ୍‌ନାକା ଆରି ସମାଲିକିନାକା । ଜିଉନନାକା ବାନ୍ୟା, ତାରା କିଉନ୍, ଜିବୁନ୍ ବାଲ୍‌ବଲାୟ କିଉନ୍, ତାରା କିଉନ୍, ୫ ଇନେରିଂ ଇନ୍‌ଓଡି ଚିନ୍ତା କିଉନ୍, ନିଜ୍‌ତିଂ ସେଷ୍ଟା କିଉନ୍, ରିସା ଆଉନ୍, ନାହାୟକିନି ଏତୁତ ଇଚୁନ୍, ୬ ଅଦାମ୍‌ତ ଖାରି କିଉନ୍, ମତର ହାଡ୍‌ପାତ ଖାରି କିନାନ୍; ୭ ଓଁଜୁ ହୁଞ୍ଜନାନ୍, ଓଁଜୁ ପାତ୍ କିନାନ୍, ଓଁଜୁ ବାସ୍ କିନାନ୍, ଓଁଜୁ ବିସ୍ତେ ସାସ୍ ଆସ୍ତି ମାନାନ୍ ।

୮ ଜିଉନନାକା ମୁଡ୍‌ତେ ଓଁଜୁଡ୍; ମତର ଜଦି ଇସ୍‌ବର ତାଙ୍ଗ୍ କାରୁର ସୁଣାୟ କିନି ସାକ୍ତି ମାନାଡ୍, ହେଦାଂ ବୁଡାନାଡ୍, ଜଦି ଲକାର ବାସା ମାଟିସ୍, ହେ ସବୁ ଚିମ୍ପାନାଡ୍, ଜଦି ଗିୟାନ୍ ମାଟିସ୍, ହେଦାଂ ବୁଡା ଆନାଡ୍ । ୯ ଇନାକିଦେଂକି ଆସେଙ୍ଗ୍ ଅଲପ୍ ବାବ୍ରେ ପୁନାସ୍ ଆରି

* ୧୩:୨ ୧୩:୨ ମାଡିଉ ୧୭:୨୦; ୨୧:୨୧; ମାର୍କ ୧୧:୨୩।

ଅଲପ୍ତ ବାବ୍ରେ ବେଶ୍‌ବାକ୍‌ଶାୟ କିନାସ୍ । ୧୦ ମତର୍ ସବୁ ବିସ୍ତେ
ଇକାଞ୍ଚିତିସ୍ ଅଲପ୍ତ ବିସ୍ତେ ବୁଡାନାଡ୍ ।

୧୧ ହିମ୍‌ଶା ମାନି ସମ୍ପୃତ ଆନ୍ ହିମ୍‌ଶା ଲାକେ ବେଶ୍ ଇଞ୍ଜି ମାଚାଙ୍ଗ୍,
ହିମ୍‌ଶା ଲାକେ ବାବି କିଜି ମାଚାଙ୍ଗ୍, ହିମ୍‌ଶା ଲାକେ ବିଚାର କିଜି
ମାଚାଙ୍ଗ୍, ବୈସ୍ ଆତିଲେ ଆନ୍ ହିମ୍‌ଶା ବିସ୍ତେ ସବୁ ପିସ୍ତାଙ୍ଗ୍ ।

୧୨ ଇନାକିଦେଂକି ନଙ୍ଗ୍ ଆସେଙ୍ଗ୍ ଚିକିନିକି ବଚନ୍‌ଲାର୍‌ଦି ଦାର୍‌ପାଶ୍‌ନି
ଉପକାରତାଂ ହୁଡ୍‌ନାପା, ମତର୍ ହେ ପାଦନା ହାରିମ୍‌ମୁଦ ଆଜି
ହୁଡ୍‌ନାସ୍; ଏଚେଞ୍ଜେଡାଲିଂ ଆନ୍ ଅଲପ୍ତ ବାବ୍ରେ ପୁନାଙ୍ଗା, ମତର୍ ହେ
ପାଦନା, ଆନ୍ ଇନେସ୍ ଜାଶା, ହେ ଲାକେ ପା ଜାଶା ପାୟାନାଙ୍ଗା ।

୧୩ ଇଚିସ୍ ପାଟ୍, ବାସ୍, ଜିଉନନାକା, ଇ ତିନି ତିର୍ ଆନାଡ୍,
ଆରେ ଇଞ୍ଜାର ବିଡ୍ରେ ଜିଉନନାକା ଗାଜା ।

୧୪

ବେଶ୍‌ବାକ୍‌ଶାୟକିନାକା ଆରି ବିନ୍‌ବାସା

୧ ଜିଉନନାକା ଇଚ୍‌କାଡ୍ କିୟାର୍, ଆରେ ଆମିକ୍ ଦାନ୍‌ସବୁ ପାୟାନି
କାଜିଂ, ବେସି ଇନେସ୍ ବେଶ୍‌ବାକ୍‌ଶାୟ ଇଞ୍ଜେଙ୍ଗ୍ ଆଡ୍‌ନାଦେର୍,
ଇଦାଂ କାଜିଂ ରବେ ସେସ୍ତୁ କିୟାର୍ । ୨ ଇନାକିଦେଂକି ଇନେନ୍
ଲକାର୍ ବାସା କାତା ଇନାନ୍, ହେଞ୍ଜାନ୍ ମାନାୟତିଙ୍ଗ୍ ବେଶ୍ ଇନୁନ୍,
ମତର୍ ଇସ୍‌ରତିଂ ଇନାନ୍, ଲାଗିଂ ଇନେର୍ ହେଦାଂ ବୁଜାଆଉନ୍,
ମତର୍ ହେଞ୍ଜାନ୍ ଜିରୁନ୍ ହୁଦାଂ ଚିକିନିକି ବିସ୍ତେ ଇନାନ୍ । ୩ ମତର୍
ଇନେନ୍ ବେଶ୍‌ବାକ୍‌ଶାୟ କିନାନ୍ ଇସ୍‌ତ୍ ବଚନ୍ ପର୍‌ଚାର୍ କିନାନ୍,
ହେଞ୍ଜାନ୍ ହେଦାଂ ମାନାୟାରିଂ ଇନାନ୍, ତାପାଚେ ହେଞ୍ଜାରିଂ ରଚ୍‌ନାସ୍,
ଞ୍ଜାରିକିୟ କିନାକାନ୍ ଆରି ଦୁକ୍‌ସାରାୟ ବେଶ୍ ଇନାନ୍ । ୪ ଇନେନ୍
ଲକାର୍ ବାସାତ କାତା ଇନାନ୍, ହେଞ୍ଜାନ୍ ନିଜାର୍‌ତି ହାର୍‌ଦାକା
ହପ୍‌ନାନ୍, ମତର୍ ଇନେନ୍ ବେଶ୍‌ବାକ୍‌ଶାୟ ଇନାନ୍, ହେଞ୍ଜାନ୍
ମଣ୍ଡଲିନି ହାର୍‌ଦାକା ହପ୍‌ନାନ୍ ।

୫ ଏପେଙ୍ଗ୍ ଞ୍ଜିନାଦେର୍ ଜେ ବିନ୍ ବାସାତ କାତା ଇନାଦେର୍, ଇଦାଂ
ନା ଇଚା, ମାତର୍ ଏପେଙ୍ଗ୍ ଜେ ବେଶ୍‌ବାକାଶ୍‌ୟ ଇନାଦେର୍, ଇଦାଂ
ନାଦି ଆଦିକ୍ ଇଚା; ଇନେନ୍ ବିନ୍ ବାସାତ କାତା ଇନାନ୍, ହେଞ୍ଜାନ୍
ଜଦି ମଣ୍ଡଲି ରଚ୍‌ନାନ୍ ପାୟାନି କାଜିଂ ବାସାନି ଅରଡ୍ କିଉନ୍, ଞ୍ଜାଚିଙ୍ଗ୍
ହେଦାଂ ବାଟା ଜେ ବେଶ୍‌ବାକ୍‌ଶାୟ କିନାନ୍, ହେଞ୍ଜାନ୍ ଗାଜାକାନ୍ ।

୬ ଏପେଙ୍ଗ ଇବେ ଏ ଟଣ୍ଡାର୍, ଆନ୍ ଜଦି ମି ଲାଗାଂ ହାଲ୍‌ଜି ହତି ବଚନ୍, କି ବୁଦି, କି ବେଣ୍‌ବାକ୍‌ଣାୟ୍ କିନାକା, କି ହିକ୍ୟାନି କାତା ଇନ୍‌ଝାଦାଂ କେବଲ୍ ବିନ୍‌ବାସାତ କାତା ଇନାନ୍, ଲାଗିଂ ହେବେ ଆନ୍ ମିଦାଙ୍ଗ୍ ଇନାକା ଉପକାର୍ କିଦ୍‌ନାଙ୍ଗ୍ ?

୭ ହୁରଡ଼ି ଆଏଡ୍ କି ଗମଣ୍ ଆଏଡ୍, ଜିବୁନ୍‌ହିଲ୍‌ଝି ବାଜା ଆଡ଼ତିସ୍ ପା ଜଦି କାଟ୍‌ତ ସମାନ୍ ମାନ୍‌ଗୁଡ୍, ଲାଗିଂ ହୁରଡ଼ିତ ଇନାକା ଆଡ଼ନାତା କି ଗମଣ୍ ଇନାକା ଆଡ଼ନାତା, ହେଦାଂ ଇନେସ୍ ପୁନ୍‌ଧାଆନାଡ୍ ? ୮ ଆରେ, ମରି ଜଦି ବୁଜାଆଝି କାଟ୍, ଲାଗିଂ ଇନେନ୍ ଜୁଜ୍ କାଜିଂ ରଞ୍ଜନାନ୍ ? ୯ ହେ ଲାକେ ଏପେଙ୍ଗ୍ ପା ଜଦି ଖେନ୍‌ଲ୍ ହୁକେ ଆଡ଼ଝା ଇନି କାତା ଇନ୍‌ସ୍, ଲାଗିଂ ଇନାକା ଇନାଦେରା, ହେଦାଂ ଇନେସ୍ ପୁନ୍‌ଧାଆନାଡ୍ ? ଇନାକିଦେଂକି ଏପେଙ୍ଗ୍ ଖାରାକାଦ୍‌ଲିଂ ଇନାକା ଲାକେ ଆନାଡ୍ । ୧୦ ପୁଡ୍ ଡେସି ବାନି ବାସା ମାନାଡ୍, ଆରେ ଇମ୍‌ଣି ସବଦ୍ ଅରଡ୍ ଖାରାକା ଆକାୟ୍ । ୧୧ ଲାଗିଂ ଆନ୍ ଜଦି ହେ ସବଦ୍‌ନି ଅରଡ୍ ବୁଜାଆଝିତିସ୍, ଲାଗିଂ ଇନେନ୍ ଇନାର୍, ଆନ୍ ତା କାଜିଂ ବିଦେସି ଲାକେ ଆନାଙ୍ଗ୍, ଆରେ ହେଝାନ୍ ନା ଲାଗାଂ ଅଚିନା ଲାକେ ଆନାନ୍ । ୧୨ ହେ ମାନାୟ୍ ଏପେଙ୍ଗ୍ ପା ଆମ୍‌କ୍ ଦାନ୍ ସବୁ ପାୟାଦେଂ ର ସେସ୍ କିଜି ମାତିଲେ ମଣ୍ଡଲି ରଚ୍‌ନାସ୍ ପାଡ୍ କିନାକାନ୍ କାଜିଂ ହେ ସବୁ ବେସି ପାୟା ଆଦେଂ ସେସ୍ କିୟାଟ୍ ।

୧୩ ଲାଗିଂ, ଇନେନ୍ ଲକାର୍ ବାସାତ କାତା ଇନାନ୍, ହେଝାନ୍ ଇନେସ୍ ଅରଡ୍ କିଦେଙ୍ଗ୍ ଆଡ଼ନାନ୍, ଇଦାଂ କାଜିଂ ପାର୍ତାନା କିଏନ୍ । ୧୪ ଇନାକିଦେଂକି ଆନ୍ ଜଦି ବିନ୍ ବାସାତ ପାର୍ତାନା କିନାଙ୍ଗ୍, ଲାଗିଂ ନା ଜିବୁନ୍ ପାର୍ତାନା କିନାଡ୍, ମତର୍ ନା ବୁଦି ପାଡ୍ ଆହ୍‌ଝାକା ଆନାଡ୍ । ୧୫ ଲାଗିଂ ନା କିନାକା ଇନାକା ? ଆନ୍ ଜିବୁନ୍ ହୁକେ ପାର୍ତାନା କିନାଙ୍ଗ୍; ଆରେ ବୁଦି ଲାହାଙ୍ଗ୍ ପା ପାର୍ତାନା କିନାଙ୍ଗ୍; ଜିବୁନ୍ ହୁକେ କେରନାଙ୍ଗ୍, ଆରେ ବୁଦି ଲାହାଙ୍ଗ୍ ପା କେରନାଙ୍ଗ୍ । ୧୬ ହେଦାଂ ଆଝିତିସ୍ ଏପେଙ୍ଗ୍ ଜଦି ମି ଜିବୁନ୍ ହୁକେ ଜୁଝାର୍ ହିୟାଟ୍, ଲାଗିଂ ସାଦାସିଦା ମାନାୟ୍ ମି କାତା ବୁଜା ଆଝିତିସ୍ ଇନେସ୍ ମି ଦନ୍‌ଧାବାଦ୍‌ତ ଆମେନ୍ ଇନାଦେର ? ୧୭ ଲାଗିଂ ଏପେଙ୍ଗ୍ ହାର୍ ଲାକେ ଜୁଝାର୍ ହିନାଦେରା ସଡ୍, ମତର୍ ହେ ବିନ୍‌ନିକାନ୍‌ଡି ହାର୍ ଆମାଟ୍ ।

୧୮ ଆନ୍ ମି ଝିଜାଦେର ତାଙ୍ଗ୍ ଆଦିକ୍ ଲାକେ ଲକାର୍ ବାସାତ

କାତା ଇନାଙ୍ଗ ଇଞ୍ଜି ଇସ୍ପରତିଂ ଜୁଝାର୍ ହିନାଙ୍ଗା; ୧୯ ଆତିସ୍ପା ଆନ୍ ଇନେସକି ବିନ୍ନିକାରିଂ ପା ହିକ୍ୟା ହିଦେଂ ଆଡ୍ନାଙ୍ଗ, ଇଦାଂ କାଜିଂ ମଣ୍ଡଲିତ ଲକାର୍ ବାସାତ ଦସ୍ ହାଜାର୍ ବେଣ୍ ଇନି ବାଟା ଇତିସ୍ ବୁଦି ଲାହାଙ୍ଗ ପାଞ୍ଚଗଟା ବେଣ୍ ଇଞ୍ଜେଙ୍ଗ ମାନ୍ କିନାଙ୍ଗ ।

୨୦ ଏ ଟଣ୍ଡାର୍, ବୁଦିତ ହିମଣା ଲାକେ ଆମାଟ୍, ଇତିସ୍ ବାନ୍ୟା ବିସ୍ତେ ହିରୁହିମଣା ଲାକେ ଆଡୁ, ମତର୍ ବୁଦିତ ଏପେଙ୍ଗ ଗାଜାକାର୍ ଆଡୁ ।

୨୧ ମସାତି ବିଦିତ ଲେକାମାନାଡ୍, ମାପୁ ଇନାନ୍, ବିଦେସନି ବେଣ୍ ଇନାକାର୍ ହୁକେ ଆରି ବିଦେସନିକାର୍ତି ଝେୟ୍ ହୁକେ ଆସେଙ୍ଗ ଇ ମାନାୟାରିଂ କାତା ଇନାସ୍,

ତା ଆତିସ୍ ପା ହେଝାର୍ ମା କାତା ଝେଞ୍ଜୁର୍ ।

୨୨ ଲାଗିଂ ଲକାର୍ ବାସାତ କାତା ଇନାକା ପାତ୍ ନିକାର୍ତି କାଜିଂ ଚିନ୍ ଲାକେ ଆକାୟ୍, ମତର୍ ପାତ୍ କିଝାକାର୍ତି କାଜିଂ ଚିନ୍ ଲାକେ; ବିନ୍ ପାକ୍ୟାତ ବେଣ୍ ବାକ୍ ଶାୟ୍ କିନାକା ଇନାକା ପାତ୍ କିଝାକାର୍ତି କାଜିଂ ଚିନ୍ ଲାକେ ଆକାୟ୍, ମତର୍ ପାତ୍ କିନାକାର୍ତି କାଜିଂ ଚିନ୍ ଲାକେ ।

୨୩ ଆରେ ପା ସବୁ ମଣ୍ଡଲିଂ ଜଦି ମେହା ଆନିକ୍ ଆରି ଝିଜାର୍ ଲକାର୍ ବାସାତ ବେଣ୍ ଇନାର୍, ଆରେ ସଲ୍ କେ କି ପାତ୍ କିଝି ମାନାୟାର୍ ଝାନାର୍, ତା ଆତିସ୍ ଏପେଙ୍ଗ ପାଗ୍ ଲା ଇଞ୍ଜି ଇନାକା ହେଝାର୍ ଇନୁର୍ ? ୨୪ ମତର୍ ଜଦି ଝିଜାର୍ ବେଣ୍ ବାକ୍ ଶାୟ୍ କିନାକା ଇନାର୍, ଆରେ ରଝାନ୍ ପାତ୍ କିଝାକାନ୍ କି ସଲ୍ କେନି ଲକ୍ ଝାନାନ୍, ଲାଗିଂ ହେଝାନ୍ ଝିଜାର୍ତି ହୁକେ ଦସି ଇଞ୍ଜି ପାର୍ମାଣ୍ ଆନାଡ୍, ଝିଜାର୍ତି ହୁକେ ବିଚାର୍ ଆନାଡ୍, ୨୫ ତା ଝାସ୍ନି ଡକ୍ କୁତି ବିସ୍ତେ ସବୁ ହନାଡ୍; ହେବେ ହେଝାନ୍ ମୁମ୍ ତାରେନ୍ କିନାନ୍ ଆରି ଇସ୍ପର୍ ଜେ ହାଡ୍ ପା ମି ବିତ୍ରେ ମାନାନ୍, ଇଦାଂ ମାନି କିଜି ତାଙ୍ଗେଙ୍ଗ୍ ଜୁଝାର୍ କିନାଦେର୍ ।

ମଣ୍ଡଲି ସ୍ପଷ୍ଟା

୨୬ ଏ ଟଣ୍ଡାର୍, ଆରେ ତଣ୍ଦେକ୍ ତେବେ କାମାୟ୍ ଇନାକା ? ଏପେଙ୍ଗ ମେହାଆନି ସମୁତ କେରକଣ୍, କି ହିକ୍ୟା, କି ହତି ବଚନ୍, କି ପରବାସା କି ବାସାନି ଅରଡ୍, ଏଲେଙ୍ଗ୍ ଝିଜାର୍ତି ଇନାକା କି ଇନାକା ମାନାଡ୍ । ଝିଜୁ ବିସ୍ତେ ରଚ୍ନି କାଜିଂ କିୟାଆୟେଡ୍ ।

୨୭ ଜଦି ଇନେର ଲକାର ବାସାତ କାତା ଇନାନ, ଲାଗିଂ ରିୟାର ନଲେ ଆଦିକ୍ ଆତିସ୍ ତିନ୍ ଜାଣ୍ ପାଲି ଇସାପ୍ତାଂ ଇନାର, ଆରେ ରଞ୍ଜାନ୍ ଅରଡ୍ କିଏନ୍ । ୨୮ ମତର ଜଦି ଇମ୍ଫାଣି ଅରଡ୍ ଇନାକାନ୍ ମାନୁନ୍, ତା ଆତିସ୍ ହେଞ୍ଜାନ୍ ମଣ୍ଡଲିତ ଚିମ୍ଫରା ମାନେନ୍ ଆରି ମାନେମାନେ ଇସ୍ଵରତିଂ ଇନେନ୍ । ୨୯ ଆରେ, ରିୟାର କି ତିନ୍ ଜାଣ୍ ବେଶ୍‌ବାକ୍‌ଶାୟକିନାକା ଇନେର, ଆରେ ବିନ୍‌ନିକାର ବିଚାର୍ କିଏର । ୩୦ ମତର କୁଚ୍‌ଚାକାର ବିନେ ଇନେର କାଜିଂ ଜଦି ଇମ୍ଫାଣି ବଚନ୍ ହନାଡ୍, ତା ଆତିସ୍ ପର୍ତ୍ତୁମ୍ ନିକାନ୍ ଚିମ୍ଫରା ଆୟେନ୍ । ୩୧ ଇନାକିଦେଂକି ଇନେସ୍ ଝିଜାର୍ ହିକ୍ୟା ପାୟାନାର, ଆରେ ଝିଜାର୍ ଗିୟାନ୍ ପାୟା ଆନାର, ଇଦାଂ କାଜିଂ ଏପେଙ୍ଗ୍ ଝିଜାଦେର୍ ରଞ୍ଜାନ୍ ରଞ୍ଜାନ୍ ଜିସୁ ବେଶ୍‌ବାକ୍‌ଶାୟକିନାକା ଇଞ୍ଜେଙ୍ଗ୍ ଆଡ୍‌ନାଦେର୍ । ୩୨ ବେଶ୍‌ବାକ୍‌ଶାୟକିନାକାନ୍ ଜିବୁନ୍ ବେଶ୍‌ବାକ୍‌ଶାୟକିନାକାର ମେହାଣ୍ । ୩୩ ଇନାକିଦେଂକି ଇସ୍ଵର ରାଚୁନି ଇସ୍ଵର ଆକାୟ, ମତର ହେଞ୍ଜାନ୍ ସୁସ୍ତା ଝାରିନି ଇସ୍ଵର ।

ଇସ୍ଵରତି ବିନ୍‌ବିନ୍ ସାଦୁର ପାର୍ତ୍ତାନା ମଣ୍ଡଲିତ ଇନେସ୍ । ୩୪ ସାଦୁରତି ଝିଜୁ ମଣ୍ଡଲିତ ଇନେସ୍ ଆଜି ମାନାଡ୍, ହେ ଲାକେ କଗ୍‌ଲେହିମ୍‌ଶାଂ ମଣ୍ଡଲିତ ଚିମ୍ଫରା ଆଜି ମାନେକ୍, ଲାଗିଂ ବେଶ୍ ଇନି କାଜିଂ ହେଞ୍ଜେକ୍ ହେଲ ପାୟାଝିତିକ୍‌ନା, ଇତିସ୍ ବିଦିନି ନିତି ଇସାପ୍ତାଂ ହେଞ୍ଜେକ୍ ମେହାଜି ମାନେକ୍ । ୩୫ ହେଞ୍ଜେକ୍ ଜଦି ଇମ୍ଫାଣି ବିସ୍ତେ ବୁଜାଆଦେଂ ମାନ୍‌କିନିକ୍, ତେବେ ଇଞ୍ଜ ଜାର୍ ଜାର୍ ଆଶ୍ଟାକାଂ ଝେନ୍‌ବେକ୍, ଇନାକିଦେଂକି ମଣ୍ଡଲି ବିତ୍ତେ ବେଶ୍ ଇନାକା କଗ୍‌ଲେକ୍ ପାକ୍ୟାତ ଲାଜୁ ।

୩୬ ଇନାକା ? ଇସ୍ଵର୍ତ୍ତ ବଚନ୍ କି ମିତାକେଶ୍ଟାଙ୍ଗ୍ ହଡ୍‌ତାଡ୍‌ନା ? କି କେବଲ୍ ମିଦାଙ୍ଗ୍ ଲାଗାଂ ଝାତାଡ୍‌ନା ? ୩୭ ଇନେର ଜଦି ଜାର୍‌ତିଂ ବେଶ୍‌ବାକ୍‌ଶାୟକିନାକାନ୍ କି ଆମ୍‌କି ଦାନ୍ ପାୟାତାଙ୍ଗ୍‌ନା ଇଞ୍ଜି ମାନେ କିତାର୍, ତା ଆତିସ୍ ଆନ୍ ମିଙ୍ଗେଙ୍ଗ୍ ଇନା ଇନାକା ଲେକିକିନାଙ୍ଗା, ହେ ସବୁ ଜେ ମାପୁତି ବଲ୍, ଇଦାଂ ହେଞ୍ଜାନ୍ ପୁନେନ୍ । ୩୮ ମତର ଜଦି ହେଞ୍ଜାନ୍ ପୁଞ୍ଜେଙ୍ଗ୍ ଆଡ୍‌ନ, ତେବେ ହେଞ୍ଜାନ୍ ପୁଞ୍ଜେଙ୍ଗ୍ ଆଡ୍‌ଞ୍ଜାକାନ୍ ମାନେନ୍ ।

୩୯ ଲାଗିଂ ଏ ନା ଟଣ୍ଡାର, ବେଶ୍‌ବାକ୍‌ଶାୟକିନାକା ଇଞ୍ଜେଙ୍ଗ୍ ହାଡ୍‌ପା

ସେଷ୍ଠା କିୟାଟ୍; ଆରେ, ଲକାର ବାସାତ ବେଶ୍ ଇଞ୍ଜେଙ୍ଗ୍ ମୁନା କିମାଟ୍ ।
। ୪୦ ମତର୍ ଓଁକୁ ହାଡ଼ପା ବାବ୍ରେ ହାଟ୍ ଇସାବ୍ରେ କିୟାଆଏଡ଼ ।

୧୫

କ୍ରିଷ୍ଣତି ଆରେ ନିନାକା

୧ ହେ ଟଣ୍ଡାର, ଆନ୍ ମି ଲାଗାଂ ଇମ୍ଘି ନେକ୍ରିକାରୁର୍ ସୁଣାୟ୍ କିଜି ମାଚାଙ୍ଗ୍, ଇମ୍ଘାକା ଏପେଙ୍ଗ୍ ଇଡ଼ଜି ମାଚାଦେର୍, ତା ପାଚେ ପା ତିର୍ ଆଜି ମାନାଦେରା, ଆନ୍ ଇମ୍ଘି ବାନି ମି ଲାଗାଂ ହେଦାଂ ସୁଣାୟ୍ କିଜି ମାଚାଙ୍ଗ୍, ଇଦାଂ ମିଙ୍ଗେଙ୍ଗ୍ ଏତୁକି କିଦନାତା; ୨ ଜଦି ଏପେଙ୍ଗ୍ ହେଦାଂ ନେକ୍ରିକାରୁର୍ ଆଟ୍ଝା ବାବ୍ରେ ଆଜି ମାନାଟ୍, ତେବେ ହେଦାଂ ହୁକେ ମୁକ୍ତି ଆନାଦେରା, ଆଞ୍ଜିତିସ୍ ତ ଏପେଙ୍ଗ୍ ବେକାରେ ପାତର୍ କିନାକାଦେର୍ ଆଜି ମାଚାଦେର୍ ।

୩ ଇନାକିଦେଂକି ଇମ୍ଘି ଇମ୍ଘି ହିକ୍ୟା ଆନ୍ ପାୟା ଆଜି ମାଚାଙ୍ଗ୍, ହେ ବିତ୍ରେତାଂ ଇ ମୁଡ଼୍ ହିକ୍ୟା ମିଙ୍ଗେଙ୍ଗ୍ ହିଜି ମାନଚାଙ୍ଗ୍ ଇତିସ୍, କ୍ରିଷ୍ଣତି ସାସ୍ତ୍ରର୍ ଇସାବ୍ରେ ମା ପାପ୍ କାଜିଂ ହାତାନ୍, ୪ ☆ମୁର୍ୟାତାନ୍ ଆରି ସାସ୍ତ୍ରର୍ ଇସାପ୍ତାଂ ତିନି ଦିନ୍ତାଂ ନିଙ୍ଗ୍ତାନ୍; ୫ ☆ହେଞ୍ଜାନ୍ କେପା, ଆରେ, ତା ପାଚେ ବାରଜାଣ୍ଡିଂ ଚଞ୍ଜୟା ଆତାନ୍; ୬ ଇଦାଂ ପାଚେ ରଞ୍ଜେମାଟ୍ ପାଞ୍ଚସ୍ ତାଙ୍ଗ୍ ଆଦିକ୍ ଟଣ୍ଡାରିଂ ଚଞ୍ଜୟା ଆତାନ୍; ହେଞ୍ଜାଟ୍ ବିତ୍ରେଶ୍ଵାଂ ଆଦେକାର୍ ନେଜେଙ୍ଗ୍ ପାତେକ୍ ଜିବୁନ୍ ମାନାଟ୍, ମତର୍ ଇନେର୍ ଇନେର୍ ହାତାରେ । ୭ ତା ପାଚେ ହେଞ୍ଜାନ୍ ଜାକୁବ୍ତିଂ, ଆରେ, ଓଁଜାଟ୍ ପକ୍ୟାତାକାର୍ରିଂ ଚଞ୍ଜୟା ଆତାନ୍ ।

୮ ☆ହାରିହାରା ବେକାର୍ ଲାକେ ରଞ୍ଜାନ୍ ଜେ ଆନ୍, ହେଞ୍ଜାନ୍ ନାଙ୍ଗେଙ୍ଗ୍ ପା ଚଞ୍ଜୟା ଆତାନ୍ । ୯ ☆ଇନାକିଦେଂକି ଇସ୍ତର୍ ମଣ୍ଡଲିତିଂ ଇଶ୍ ଜିସୁ ମାଚିଲେ ପକ୍ୟାତାକାର୍ ବିତ୍ରେ ଆନ୍ ହିରୁକାଂ, ଆରେ ପକ୍ୟାଆତାର୍ ତରଦ୍ ତାକ୍ପୁଟା ଆଦେଂ ଜଗ୍ ଆକାୟ୍ । ୧୦ ମତର୍ ଆନ୍ ଇନାକା ଆତାଙ୍ଗ୍ନା, ହେଦାଂ ଇସ୍ତର୍ ଉପକାର୍ତ ଆତାଙ୍ଗ୍ନା, ଆରେ ନା ହିଡ଼ତି ହେଞ୍ଜାନ୍ତି ହେ ଉପକାର୍ ପଲ୍ୟା ଆଞ୍ଜାତାଡ଼ନା ।

☆ ୧୫:୪ ୧୫:୪ ମାତିଡ ୧୨:୪୦; ପକ୍ୟାତାକା ୨:୨୪-୩୨. ☆ ୧୫:୫ ୧୫:୫ ଲୁକ ୨୪:୩୪; ମାତିଡ ୨୮:୧୭,୧୭; ମାର୍କ ୧୭:୧୪; ଲୁକ ୨୪:୩୨; ଜହନ୍ ୨୦:୧୯. ☆ ୧୫:୮ ୧୫:୮ ପକ୍ୟାତାକା ୯:୩-୭. ☆ ୧୫:୯ ୧୫:୯ ପକ୍ୟାତାକା ୮:୩.

ମତର ଆନ୍ ହେ ଓଜାର ତାଙ୍ଗ ଆଦିକ୍ କଷ୍ଟ କିତାନ୍ନା, ଆତିସ୍ପା
ଆନ୍ ଆକାୟ, ମତର ନା ଲାହାଙ୍ଗ ମାନି ଇସ୍ତର୍ ଉପକାର ହେଦା
କିତ୍ତାନନା । ୧୧ ଲାଗି ଆନ୍ ଆନା, କି ହେଞ୍ଜାର ଆୟେର, ଇ ଲାକେ
ଆସେଙ୍ଗ ସୁଣାୟ କିଜି ମାନାସ୍, ଆରେ ଇ ଲାକେ ଏପେଙ୍ଗ ପାତ
କିନାକାଦେର ଆତାଦେଣ୍ଡା ।

ମାଦା ଆରେ ନିନାକା

୧୨ ଲାଗି କ୍ରିଷ୍ଣ ଜେ ହାତାକାର ବିତ୍ରେତା ଆରେ ନିନାକା, ଇଦା
ଜଦି ସୁଣାୟ କିୟାନାତା, ଲାଗି ହାତାକାରତି ନିଙ୍ଗନାକା ଆକାୟ
ଇଞ୍ଜି ମି ବିତ୍ରେ ଇନେର ଇନେର ଇନେସ୍ ଇନାର ? ୧୩ ଜଦି
ହାତାକାରତି ଆରେ ଆରେ ନିନାକା ଆକାୟ, ତେବେ କ୍ରିଷ୍ଣ ପା
ନିଙ୍ଗଞ୍ଜାତାନନା; ୧୪ ଆରେ, ଜଦି କ୍ରିଷ୍ଣ ନିଙ୍ଗଞ୍ଜାତାନନା, ତେବେ ତ
ମା ସୁଣାୟକିନାକା ପଲ୍ୟା, ମି ପାତ ପା ବେକାର, ୧୫ ଆରେ,
ଆସେଙ୍ଗ ଇସ୍ତର୍ ବିସ୍ତେ ଇନେନ୍ ମିର୍ ସାକି, ଇଦା ହନାଡ୍ ।
ଇନାକିଦେକି ଆପେ ଇସ୍ତର୍ ବିରୁଦ୍ତ ସାକି ହିଜି ମାନେନ୍ ଜେ
ହେଞ୍ଜାନ୍ କ୍ରିଷ୍ଣଙ୍ଗ ନିକ୍ତାନନା; ମତର ଜଦି ହାତାକାର ନିଙ୍ଗଞ୍ଜିତିସ୍,
ତେବେ ହେଞ୍ଜାନ୍ ହେଞ୍ଜାନି ନିକ୍ତାନନା । ୧୬ ଲାଗି ଜଦି ହାତାକାର
ନିଙ୍ଗୁରଦେ, ଲାଗି କ୍ରିଷ୍ଣ ପା ନିଙ୍ଗଞ୍ଜାତାନନା; ୧୭ ଆରେ, ଜଦି କ୍ରିଷ୍ଣ
ନିଙ୍ଗଞ୍ଜାତାନନା, ଲାଗି ମି ପାତ ପଲ୍ୟା, ଆରେ ଏପେଙ୍ଗ ଇ
ପାତେକ୍ ଜାର ଜାର ପାପ୍ତ ମାନାଦେରା । ୧୮ ତା ଆତିସ୍ ଇମ୍ଣାକାର
କ୍ରିଷ୍ଣତାକେ ହାତାନନା, ହେଞ୍ଜାର ପା ବୁଡା ଆତାଣ୍ଡା । ୧୯ ଜଦି କେବଲ୍
ଇ ଜିବୁନ୍ କାଜି ଆସେଙ୍ଗ କ୍ରିଷ୍ଣତାକେ ବାସ୍ କିତାପନା, ଲାଗି
ଓଜାକାର ମାନାୟାରତା ଆସେଙ୍ଗ ଦୟା ନିକାପ୍ ।

୨୦ ମତର ହାତପାତ କ୍ରିଷ୍ଣ ହାତାକାର ମାନାୟାରି ପର୍ତ୍ତୁମ୍ ପାଡ୍
ଲାକେ ମି ବିତ୍ରେତା ନିଙ୍ଗତାନନା । ୨୧ ଇନାକିଦେକି ମାନାୟ
ହୁକେ ହାକି ଏକାଞ୍ଜାତିଲେ ମାନାୟ ହୁକେ ପା ହାତାକାରତି ଆରେ
ନିନାକା ଏକାଞ୍ଜାତାନନା । ୨୨ ଲାଗି ଆଦମ୍ ହୁକେ ମାନି ଇନେସ୍
ଓଜାର ହାନାର, ହେ ଲାକେ ପା କ୍ରିଷ୍ଣତି ହୁକେ ଓଜାର ଜିନାର ।
୨୩ ଇନାକିଦେକି ଓଜାକାର ଜାର ଜାର ଦାଡ୍ଡିତ ପର୍ତ୍ତୁମ୍ ପାଡ୍ ଲାକେ
କ୍ରିଷ୍ଣ ପାତେ କ୍ରିଷ୍ଣତି ଞ୍ଜାନି ସମୁତ ହେଞ୍ଜାନ୍ତି ଆସିର୍ବାଦ୍ ପାୟାତାକାର;

୨୪ ତା ପାଚେ ଜୁଗ୍ ଏକାଞ୍ଚନାଡ଼, ହେ ସମୁତ ହେଞ୍ଚାନ୍ ଝିଜାର୍ ଆଦିକାରି, ଝିଜୁ ଆଦିକାର୍ ଆରି ସାକ୍ତି ବୁଡ଼ାୟ୍ କିତି ପାଚେ ଆବା ଇସ୍ପର୍ତିଂ ରାଜି ରାଜକିନାକା ହେଲାଇୟ୍ କିନାନ୍ । ୨୫ ଇନାକିଦେଂକି ହେଞ୍ଚାନ୍ ଝିଜୁ ସାତୁରିଂ ନିଜ୍ ପାନା ତାରେନ୍ ଇର୍ଝି ପାଚେକ୍ ତାଙ୍ଗେଙ୍ଗ୍ ଆତିସ୍ପା ରାଜ୍ କିଦେଙ୍ଗ୍ ଆନାଡ଼ । ୨୬ ହାରିହାରା ସାତୁ ଲାକେ ହାକିତିଂ ବୁଡ଼ାୟ୍ କିୟାନାଡ଼; ୨୭ ଇନାକିଦେଂକି ଝିଜୁ ବିସ୍ତେ କ୍ରିସ୍ତତି ପାନା ତାରେନ୍ ମେହାୟ୍ କିତାନ୍ । ଏଚେକାଡ଼୍ ହେଞ୍ଚାନ୍ ଇନାନ୍, ଝିଜୁ ବିସ୍ତେ ମେହାୟ୍ କିୟାଆତାଡ଼ନା, ଇଦାଂ ହାରକିତାକା ଝିଜୁ ବିସ୍ତେ ଜେ ହେଞ୍ଚାନ୍ତି ମେହାୟ୍ କିତାର୍, ହେଞ୍ଚାନ୍ ହେ ସବୁନି ହେବେନିକାର୍ ଆକାୟ୍ । ୨୮ ଆରେ ଝିଜୁ ବିସ୍ତେ ମାଜିତି ତଲ୍ୟା କିୟାତି ପାଚେ, ଜେ ଝିଜୁ ବିସ୍ତେ ହେଞ୍ଚାନ୍ତି ତଲ୍ୟା କିତାନ୍, ନିଜେ ମାଜି ପା ହେଞ୍ଚାନ୍ତି ତଲ୍ୟା ଆନାନ୍, ଇନେସ୍ ଇସ୍ପର୍ ସର୍ବେ ସର୍ବା ଆନାନ୍ ।

୨୯ ହାତାକାର୍ କାଜିଂ ଇମ୍ଫାକାର୍ ହାତାକାର୍ କାଜିଂ ବାପ୍ରିସିମ୍ ଆନାର୍, ହେଞ୍ଚାର୍ ଇନାକା କିନାର୍ ? ଜଦି ହାତାକାର୍ ମୁଡ଼େ ନିଙ୍ଗୁର୍, ଲାଗିଂ ହେଞ୍ଚାର୍ କାଜିଂ ହେଞ୍ଚାର୍ ଇନେକିଦେଂ ବାପ୍ରିସିମ୍ ଆନାର୍ ? ୩୦ ଆପେଂ ପା ଇନେକିଦେଂ ଝିଜୁ ସମୁତ ସନି ଗିଟା ଆଏଡ଼ ? ୩୧ ଏ ଟଣ୍ଡାର୍, ଆରି ତଣ୍ଡାଦେକ୍ ମାପୁ ଜିସୁ କ୍ରିସ୍ତତାକେ ମି ବିସ୍ତେ ଆନ୍ ଇମ୍ଫା ଗରବ୍ କିତାଙ୍ଗ୍ରି, ହେବେ ରାଣ୍ କିଜି ଇଞ୍ଜନାଙ୍ଗା, ଆନ୍ ସବୁନାଜିଂ ହାନାଙ୍ଗା । ୩୨ ଜଦି ଆନ୍ କେବଲ୍ ମାନାୟାର୍ ଇର୍ଝକାଡ଼୍ ଇସାପ୍ତାଂ ଆନ୍ ଏପିସତ ରାନ୍ ପସୁଙ୍ଗ୍ ଲାହାଙ୍ଗ୍ ଜୁଜ୍ କିନାଙ୍ଗା, ତେବେ ହେବେ ନା ଲାବ୍ ଇନାକା ? ଜଦି ହାତାକାର୍ ନିଙ୍ଗୁର୍, ଲାଗିଂ “ଝାତ, ଆସେଙ୍ଗ୍ ତିନାସ୍ତଣାସ୍ ଇନାକିଦେଂକି ଝିଗାଲିଂ ଆସେଙ୍ଗ୍ ହାନାସ୍ ।

୩୩ ଏପେଙ୍ଗ୍ ଚାକ୍ରାୟ୍ ଆମାଟ୍, ବାନ୍ୟା ଲାଗାଜଡ଼ାତ ହାରଦି ଗୁଣ୍ଡିଂ ନାହାୟ୍ କିୟାନାଡ଼ । ୩୪ ସମାନ୍ ବାରେ ଜାଗ୍ରଡ଼ ଆଡ଼, ପାପ୍ କିମାଟ୍; ଇନାକିଦେଂକି ଇନେର୍ ଇନେର୍ ଇସ୍ପର୍ ବିସ୍ତେ ଗିଆନ୍ ହିଲୁଡ଼; ଆନ୍ ମିଙ୍ଗେଙ୍ଗ୍ ଲାଜୁ କାଜିଂ ଇ କାତା ଇଞ୍ଜନାଙ୍ଗା ।”

ଆରେ ନିଙ୍ଗୁତି ଗାଗାଡ଼୍

୩୫ ମତର୍ ଇନେର୍ ଇନାର୍, ହାତାକାର୍ ଇନେସ୍ ନିଙ୍ଗୁନାର୍ ? ଇନେସ୍ ବାତ୍ ଗାଗାଡ଼୍ ହେଞ୍ଚାର୍ ଝାନାର୍ ? ୩୬ ଏ

ଦୁଦିହିଲ୍‌ଝାକାଦେର, ଏପେଙ୍ଗ ନିଜେ ଇନାକା ଝିତାଟ୍, ହେଦାଂ ହାଝିତିସ୍ ଜିବୁନ୍ ଆଉଡ୍, ୩୭ ଆରେ, ଇମ୍‌ଣି ଗାଗାଡ୍ ଆନାଡ୍, ହେଦାଂ ଏପେଙ୍ଗ ଝିଡ୍‌ମାଟ୍, ମତର୍ ଗାଁ ଆଏଡ୍ କି ବିନ୍ ଇମ୍‌ଣି ତାସ୍ ଆୟେଡ୍, ହେଦାଂ କେବଲ୍ ମାଞ୍ଜି ମାତର୍; ୩୮ ମତର୍ ଇସ୍‌ବର୍ ଜାର ଇତା ଇସାପ୍‌ତାଂ ତାଙ୍ଗେଙ୍ଗ୍ ଦଲ୍ ହିନାନ୍, ଆରେ ଝିନ୍ଦୁ ବିୟାନ୍ ବିତ୍ରେତାଂ ଝିନ୍ଦୁକାଂ ତା ନିଜେ ଗାଗାଡ୍ ହିନାନ୍ ।

୩୯ ଝିନ୍ଦୁ ଗାଗାଡ୍ ଇବାନି ଗାଗାଡ୍ ଆକାୟ୍, ମତର୍ ମାନାୟାର୍‌ତି ରବାନି ଗାଗାଡ୍, ପସୁକ୍‌ତି ବିନ୍‌ବାନି ଗାଗାଡ୍, ଆରେ ପଟିଂତି ଆରେ ରବାନି ଗାଗାଡ୍ ଆରି ମିନ୍‌କୁତି ବିନ୍‌ବାନି ଗାଗାଡ୍ ।

୪୦ ସାଗେନି ଗାଗାଡ୍ ମାନାଡ୍, ପୁତ୍‌ତି ଗାଗାଡ୍ ପା ମାନାଡ୍, ମତର୍ ଆକାସ୍‌ନି ଗାଗାଡ୍ ରବାନି ଜେଞ୍ଜେନାକା, ଆରେ ପୁତ୍‌ନି ଗାଗାଡ୍‌ନି ହଲ୍‌ନାକା ବିନ୍‌ବାନି । ୪୧ ଝେଡା ରବାନି କାରା, ଲେଞ୍ଜିନି ବିନ୍‌ବାନି କାରା, ଆରି ହୁକାଂନି ବିନ୍‌ବାନି ଜେଞ୍ଜେନାକା; ଇନାକିଦେଂକି ଜେଞ୍ଜେନିତ ର ହୁକା ହଲ୍‌ନାକା ବିନ୍ ହୁକା ତାଙ୍ଗ୍ ବିନେ ।

୪୨ ହାତାକାର୍‌ତି ଆରେ ନିଂନାକା ପା ହେ ଲାକେ ମାଡାତାଂ ଝିଡ୍‌ୟାନାଡ୍, ଲସ୍‌ଝାଦାଂ ନିଙ୍ଗ୍‌ନାଡ୍; ୪୩ ନାଡ୍‌ଝାଦାଂ ଝିଡ୍‌ୟାନାଡ୍, ଜାଜ୍‌ମାଲ୍ ଆଜି ନିଙ୍ଗ୍‌ନାଡ୍; ନାଦାର୍‌ତାଂ ଝିଡ୍‌ୟାନାଡ୍, ସାକ୍ତି ଆଜି ନିଙ୍ଗ୍‌ନାଡ୍; ୪୪ ହାଡ୍‌ପା ଗାଗାଡ୍ ଝିଡ୍‌ୟାନାଡ୍, ଆମ୍‌ବିକ୍ ଗାଗାଡ୍ ନିଙ୍ଗ୍‌ନାଡ୍ । ଜଦି ହାଡ୍‌ପା ଗାଗାଡ୍ ମାନାଡ୍, ଝାଟିଙ୍ଗ୍ ଆମ୍‌ବିକ୍ ଗାଗାଡ୍ ପା ମାନାଡ୍ । ୪୫ ଏଲେଙ୍ଗ୍ ପା ଲେକା ମାନାଡ୍, ପର୍ତ୍ତୁମ୍ ମାନାୟ୍ ଆଦମ୍ ଜିତି ପାରାଣ୍ ଲାକେ ଉଦ୍‌ଜାଣ୍ ଆଜି ମାତାନ୍ । ହାରିହାରା ଆଦମ୍ ଝାସ୍‌ସି ବାତ୍ ଜିବୁନ୍ ଆତାନ୍ । ୪୬ ମତର୍ ଇନାକା ଆମ୍‌ବିକ୍, ହେଦାଂ ପର୍ତ୍ତୁମ୍ ଆକାୟ୍, ମତର୍ ଇନାକା ହାଡ୍‌ପା, ହେଦାଂ ପର୍ତ୍ତୁମ୍, ପାତେ ଆମ୍‌ବିକ୍ । ୪୭ ପର୍ତ୍ତୁମ୍ ମାନାୟ୍ ପୁତ୍‌ନିକା, ଚିକ୍‌ଲାତାଂ ରଚ୍‌ୟାତାକାନ୍, ଦୁଇନି ମାନାୟ୍ ସାଗେତାଂ ଝାତାକାନ୍ । ୪୮ ଇମ୍‌ଣାକାର୍ ଚିକ୍‌ଲାତାଂ ରଚ୍ୟାତାର୍‌ନା, ହେଝାର୍ ଚିକ୍‌ଲାତାଂ ରଚ୍ୟାୟାତାକାର୍ ହେ ମାନାୟ୍ ଲାକେ, ଆରେ ଇମ୍‌ଣାକାର୍ ସାଗେନିକାର୍, ହେଝାର୍ ସାଗେତାଂ ଝାତାକାର୍ ହେ ମାନାୟ୍ ଲାକେ । ୪୯ ଆରେ ଆପେଂ ଇନେସ୍‌କି ଚିକ୍‌ଲାତ ରଚ୍ୟାତାକାପ୍ ହେ ମାନାୟ୍‌ତି ଡିଗା ଆସ୍‌ପାପ୍‌ନା, ହେ ଲାକେ

ହେ ସାର୍ଗେନି ମୁଣିକାତି ଡିଗା ପା ଆହୁନାସ ।

୫୦ ଏ ଟଣ୍ଡାର୍, ଆରି ତଣ୍ଡେକ୍ ଆନ୍ ଇଦାଂ ଇଞ୍ଜନାଙ୍ଗା, ନେତେର୍ ଜେଇ ଇସ୍ତର୍ ରାଜି ଆଦିକାର୍ କିଦେଙ୍ଗ୍ ଆଡୁଡ୍, କି ଲସ୍ ଲସ୍‌ଝାଦାଂ ଆଦିକାର୍ କିଡଡ୍ । ୫୧ ☆ହୁଡ଼ାଟ୍, ଆନ୍ ମିଙ୍ଗେଙ୍ଗ୍ ର ହାଦର୍ ବେରଣ୍ ଇଞ୍ଜନାଙ୍ଗା, ମତର୍ ଆସେଙ୍ଗ୍ ଝିଜାକାସ୍ ହୁଞ୍ଜୁସ୍, ୫୨ ମାତର୍ ର ମାଡ୍, କାଣ୍‌କାମିଟ୍ ଇଡ୍‌ଝାଦାଂ, ହାରିହାରା ମରି ଗାଜାର୍‌ତ ଆସେଙ୍ଗ୍ ଝିଜାକାସ୍ ମାନ୍‌ବାଦ୍‌ଲାୟ୍ କିନାସ୍; ଇନାକିଦେଂକି ମରି ଆଡୁନାଡ୍, ଆରେ ହାତାକାର୍ ଜିରାଝିତ ବାଟାଆଜି ନିଙ୍ଗନାର୍, ଆରେ ଆସେଙ୍ଗ୍ ବାଦ୍‌ଲା ଆନାସ୍ । ୫୩ ଇନାକିଦେଂକି ଇନାକା ଜିରାନି ଗାଗାଡୁଡିଂ ଜିରାଆଝି ଲାଗୁଦି ଉସ୍‌ପେଦେଂ ଆନାଡ୍, ଆରେ ଇ ଗଟ୍‌ନାତ ଗାଗାଡୁଡିଂ ନାସ୍‌ଝାଝିଲାଗୁଦି ହେନ୍ଦା ଉସ୍‌ପେଦେଂ ଲାଗଦାନାଡ୍ । ୫୪ ମତର୍ ଇ ନସ୍‌ଆନି ଗାଗାଡୁ ନସ୍‌ଝାଝି ହେନ୍ଦା ଆରି ଇ ହାତି ଗାଗାଡୁ ବୁଡାଆଝି ହେନ୍ଦା ଉସ୍‌ପିତି ପାଟେ ଇ ଲେକିକିତି ବଚନ୍ ପୁରାନାଡ୍, “ଜୟ୍ ହାକିତିଂ ଝିସ୍ତାଡନା,

୫୫ ଆଡେ ହାକି, ଇମେଡ୍ ନିନ୍ଦାଂ, ଜୟ୍ ହାକି ଇମେଡ୍ ନିନ୍ଦାଂ ସାଲ୍ଲି ।”

୫୬ ହାକିନି ସାଡୁ ପାପ୍, ଆରେ ପାପ୍‌ନି ସାଲ୍ଲି ବିଦି; ୫୭ ମତର୍ ଇମ୍‌ଣି ଇସ୍‌ବ୍ ମା ମାପୁ ଜିସ୍ କ୍ରିସ୍‌ତି ହୁକେ ମାଂ ଜୟ୍ ଦାନ୍ କିତାର୍, ହେଝାନ୍ତି ଜୁଝାର୍ ଆୟେଡ୍ ।

୫୮ ଲାଗିଂ, ଏ ନା ଝାରିନି ଟଣ୍ଡାର୍ ଆରି ତଣ୍ଡେକ୍, ମାପୁତି ହେବାତ ମି କସ୍ ପଲ୍ୟା ଆକାୟ୍, ଇଦାଂ ପୁଞ୍ଜି ମାପୁତି କାମାୟ୍‌ତ ସୁସ୍ତାତାଂ ଆରି ତିର୍ ମାନାଟ୍ ନିଡେ ଆଦିକ୍‌ତାଂ ଆଦିକ୍ ଜାଡୁନ୍ ଆଡୁ ।

୧୭

ଜିସ୍ତୁ ମାନାୟାର୍ କାଜିଂ ଡାରୁଙ୍ଗ୍ ସାଇଜ

୧ ପୁଇପୁୟାର୍ କାଜିଂ ଦାନ୍ ରୁଣ୍ଡାଈକିନି ବିସ୍ତେ ଇନେସ୍‌କି ଆନ୍ ଗାଲାତିଆନି ବାଟାତ ମାନି ମଣ୍ଡଲିଂ ବଲ୍ ହିନାଙ୍ଗା, ଏପେଙ୍ଗ୍ ପା ହେ ଲାକେ କିୟାଟ୍ । ୨ ଆନ୍ ହାଟିସ୍ ଇନେସ୍ ଦାନ୍ ରୁଣ୍ଡାୟ୍ କିଦେଙ୍ଗ୍ ଲାଗୁଡୁଡ୍, ଇଦାଂ କାଜିଂ ସାଡ୍ ଦିନ୍‌ନି ପର୍ତ୍ତୁମ୍ ରଇବାର୍ ଦିନା ଏପେଙ୍ଗ୍

☆ ୧୫:୫୧ ୧୫:୫୧ ୧ ତେସ୍‌ଲନିକି ୪:୧୫-୧୭.

ଓଁଜାକାଦେର ଜାର୍ ଜାର୍ ସୁବିଦା ଇସାପତାଂ ନିଜେ ନିଜେ ତାକେ
 ଇନା ଇନାକା ରୁଣ୍ଡାୟ୍ କିଜି ବିନେ ଇଟାଟ୍ । ୩ ଆରେ, ଆନ୍ ଏକିତିସ୍
 ଏପେଙ୍ଗ୍ ଇମଣାକାରିଂ ଜଗ୍ ମାନେ କିନାଦେର୍, ଆନ୍ ହେଞ୍ଜାରିଂ ଗଜା
 ହିଜି ଜିରୁସାଲମତ ମିଙ୍ଗେଙ୍ଗ୍ ଦାନ୍ ଅନି କାଜିଂ ପଚ୍ଚାନାଂ; ୪ ଆରେ,
 ଜଦି ନାଦାଂ ପା ହାନାକା ସମାନ୍ ଆନାଡ୍, ଲାଗିଂ ହେଞ୍ଜାର୍ ନା ଲାହାଙ୍ଗ୍
 ହାନାର୍ ।

ପାଉଲ୍‌ତି ହାନି ଜଜନା

୫ ☆ମତର୍ ଆନ୍ ମାକିଦନିଆ ହିଜି ହାତି ପାଚେ ମି ଲାଗାଂ ହାନାଙ୍ଗ୍;
 ଲାଗିଂ ଆନ୍ ମାକିଦନିଆ ହିଜି ହାନାଙ୍ଗ୍; ୬ ଆରେ, କାଚେ ହିନା ମି
 ଲାହାଙ୍ଗ୍ କେତେକ୍ ଦିନା ମାନାଙ୍ଗ୍, କି ପିନିମାସ୍ ପା ଜିଉଣା କିନାଙ୍ଗ୍,
 ଇନେସକି ଆନ୍ ଇମଣି ବାହାତ ହାନାଙ୍ଗ୍, ହେ ବାହାତ ହାନି କାଜିଂ
 ଏପେଙ୍ଗ୍ ନାଙ୍ଗ୍ ହାଜି ଚଟ୍ଟାନାଦେର୍ । ୭ ଇନାକିଦେଂକି ନଙ୍ଗ୍ ହାଜିଡ୍
 ହାନି ସମୁତ ମି ଲାହାଙ୍ଗ୍ ବେଟ୍‌ଆଦ୍‌ଦେଂ ଆନ୍ ଇଚା କିଉଙ୍ଗା, ଲାଗିଂ
 ମାପୁ ପିସ୍ତ୍ର ହିତିସ୍ ମି ଲାହାଙ୍ଗ୍ ବେସି ଦିନା ମାଞ୍ଜେଙ୍ଗ୍ ଆହା କିନାଙ୍ଗା ।

୮ ☆ମତର୍ ଆନ୍ ପେଣ୍ଟିକସ୍ ପାର୍ବୁ ପାଚେକ୍ ଏପିସତ ମାନାଙ୍ଗ୍;
 ୯ ଇନାକିଦେଂକି ପାଡ୍ ଆହୁନି କାମାୟ୍ କାଜିଂ ନା କାଜିଂ ଅହାର୍
 ଦୁଞ୍ଜେର୍ ଜେୟାତାଡନା, ପାକ୍ୟା ହିଲ୍‌ଞ୍ଜାକାର୍ ପା ହେନି ମାନାର୍ ।

୧୦ ☆ଜଦି ତିମତି ହାନାନ୍, ତେବେ ଇନେସ୍ ପାଣ୍ଡାଞ୍ଜାଦାଂ ମି ବିତ୍ରେ
 ମାନାନ୍, ହେ ବିସ୍ତେ ମାନ୍‌କିୟାଟ୍, ଇନାକିଦେଂକି ଆନ୍ ଇନେସ୍,
 ହେଞ୍ଜାନ୍ ପା ହେ ଲାକେ ମାପୁତି କାମାୟ୍ କିନାନ୍, ୧୧ ଲାଗିଂ ଇନେର୍
 ତାଙ୍ଗେଙ୍ଗ୍ ଅଲ୍‌ଗା ହୁଡ୍‌ମେନ୍ । ମତର୍ ହେଞ୍ଜାନ୍ ଇନେସ୍ ନା ଲାଗାଂ
 ଞ୍ଜାଦେଙ୍ଗ୍ ଆଡ୍‌ନାନ୍, ଇଦାଂ କାଜିଂ ତାଙ୍ଗ୍ ସୁସ୍ତାତାଂ ହାଜି ଚଟାଟ୍;
 ଇନାକିଦେଂକି ହେଞ୍ଜାନ୍ ଟଣ୍ଡାର୍ ଲାହାଙ୍ଗ୍ ଞ୍ଜାନାନ୍ ଇଞ୍ଜି ଆନ୍ କାନାଙ୍ଗା ।

୧୨ ମତର୍ ଟଣ୍ଡେନ୍ ଆପଲ୍‌ତି ବିସ୍ତେ ଇନାଙ୍ଗା, ଟଣ୍ଡାର୍ ଲାହାଙ୍ଗ୍
 ମି ଲାଗାଂ ହାନି କାଜିଂ ଆନ୍ ତାଙ୍ଗ୍ ବେସି ଗଞ୍ଜାରି କିତାଙ୍ଗ୍, ମତର୍
 ନଙ୍ଗ୍ ହାଞ୍ଜେଙ୍ଗ୍ ହେଞ୍ଜାନିଂ ମୁଡେ ଇଚା ହିଲ୍‌ଲୁଡ୍, ମତର୍ ଉପାୟ୍ ଆତିସ୍
 ହେଞ୍ଜାନ୍ ହାନାନ୍ ।

☆ ୧୭:୫ ୧୭:୫ ପକ୍ୟାତାକା ୧୯:୨୧. ☆ ୧୭:୮ ୧୭:୮ ପକ୍ୟାତାକା ୧୯:୮-୧୦.
 ☆ ୧୭:୧୦ ୧୭:୧୦ ୧ କରକ୍ରିୟ ୪:୧୭.

ହାରିହାରାନ୍ କାତା

୧୩ ଏପେଙ୍ଗ ଜାଗ୍ରତ୍ ମାନଞ୍ଜି ପାତର୍ତ୍ତ ତିର ଆଜି ମାନାଟ୍, ସାସ୍ନିକାନ୍ ଆଜି ସାକ୍ତି ଆତୁ । ୧୪ ମିଦାଙ୍ଗ୍ ସବୁ କାମାୟ୍ ଜିତନନିତ ସମାନ୍ ଆୟେତ୍ ।

୧୫ ଏ ଗଣ୍ଡାର୍, ଆରି ତଣ୍ଡେକ୍ ଆନ୍ ଗଞ୍ଜାରି କିଦ୍ନାଙ୍ଗା ସ୍ତ୍ରୀପାନ୍ତି ଜାରଲଗୁ ଜେ ଆକାୟାନ୍ ପୁଇପୁୟାତ ପାତର୍ତ୍ତ କିନାକାନ୍ ଲାକେ; ଆରେ, ସାଦୁରତି ହେବାତ ବାତର୍ତ୍ତ ଆତାଣ୍ଡା, ଇଦାଂ ଏପେଙ୍ଗ ପୁନାଟ୍; ୧୬ ଏଲେଙ୍ଗ୍‌ବାନ୍ ମାନାୟାତିଙ୍ଗ୍, ଆରେ, ଝିଜାର୍ ହାଙ୍ଗ୍‌ଦାକାର୍ ଆରି କସ୍ତୁକିନି ମାନାୟାର୍ ମେହା ଆତୁ, ମିଙ୍ଗେଙ୍ଗ୍ ଇ ଗଞ୍ଜାରି କିଦ୍ନାଙ୍ଗା ।

୧୭ ସ୍ତ୍ରୀପାନ୍, ପର୍ତ୍ତୁନାତ ଆରି ଆକାୟାତି ଜୁଦ୍ନିତ ଆନ୍ ଝାରି କିନାଙ୍ଗା, ଇନାକିଦେଂକି ମି ଝାଞ୍ଜିତି କାଜିଂ ନା ଇମଣି ଅବାଦ୍ ମାତାଟ୍, ହେଦାଂ ହେଝାର୍ ବାତର୍ତ୍ତ କିତାଣ୍ଡା, ୧୮ ଲାଗିଂ ହେଝାର୍ ନାଦାଂ ଆରି ମି ଜିରୁଡ୍ଡିଙ୍ଗ୍ ଜଡାୟ୍ କିତାଣ୍ଡା; ଲାଗିଂ ଏପେଙ୍ଗ୍ ଏଲେଙ୍ଗ୍‌ବାନ୍ ମାନାୟାରିଂ ଜଗ୍ ପୁଞ୍ଜି ମାନି କିୟାଟ୍ ।

୧୯ ✽ଆସିଆନି ରାଜିନି ମଣ୍ଡଲିଂ ଲାଗାଂ ମିଙ୍ଗେଙ୍ଗ୍ ଜଝାର୍ କିଦ୍ନାରା । ଆକିଲା ଆରି ପ୍ରିସ୍ନା ହେଝାର୍ ଇଲ୍ ଲାଗେ ମଣ୍ଡଲି ଲାହାଙ୍ଗ୍ ମାପୁତାକେ ମିଙ୍ଗେଙ୍ଗ୍ ବେସି ବେସି ଜଝାର୍ କିଦ୍ନାରା । ୨୦ ଇବେନି ଗଣ୍ଡାର୍ ଆରି ତଣ୍ଡେକ୍ ପାତର୍ତ୍ତ କିନାକାଦେର୍ ।

ଝିଜାଦେର୍ ମିଙ୍ଗେଙ୍ଗ୍ ଜଝାର୍ କିଦ୍ନାରା । ପୁଇପୁୟାତାଂ ତଞ୍ଜିନି କାଜିଂ ହାରି ଜୁଝାର୍ ଜାଣାୟ୍ କିୟାଟ୍ ।

୨୧ ଆନ୍ ପାଉଲ୍ ନିଜେ କେଇଦ ଲେକିକିଜି ଜଝାର୍ କିଦ୍ନାଙ୍ଗା ।

୨୨ ଜଦି ଇନେର୍ ମାପୁଙ୍ଗ୍ ଜିତନତନ୍, ତେବେ ହେଝାନ୍ ରାବ୍‌ଲାକେ ଆଏନ୍ । ୨୩ ମାପୁ ଜିସୁତି ଉପକାର୍ ମି ଲାହାଙ୍ଗ୍ ଆଏଡ୍ ।

୨୪ କ୍ରିସ୍ଟ୍ ଜିସୁତି ତାକେ ନା ଜିତନନାକା ମି ଝିଜାଦେରିଂ ଆଏଡ୍ ।

✽ ୧୭:୧୯ ୧୭:୧୯ ପକ୍ୟାତାକା ୧୮:୨.

ସତ୍ ବଚନ୍
The New Testament in the Pengo language of India:
ସତ୍ ବଚନ୍

copyright © 2020 The Word for the World International

Language: Pengu (Pengo)

Contributor: The Word for the World International

ସତ୍ ବଚନ୍
ପୁନି ନିର୍ମାଣ , 2020

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

347138c8-2363-58d9-a1b0-0259691b7d43